

শীর্ষে ন্দু মুখো পাখ্যা য়

নীলু হাজার হত্যারহস্য



নির্জন এক নদী সারাদিন এলোচুলে পা ছড়িয়ে বসে মৃত্যুর করুণ গান গায়। চারদিকে নিস্তব্ধ এক উপত্যকা, দু-ধারে কালো পাহাড়ের দেয়াল উঠে গেছে আকাশে। এই বিরলে শুধু মাঝে মাঝে দীর্ঘশ্বাসের মতো হু-হু বাতাস বয়ে যায়। অজস্র সাদা ছোট বড় নুড়ি পাথর চারদিকে অনড় হয়ে পড়ে আছে। খুব সাদা, নীরব, হিম, অসাড় সব পাথরের মাঝখান দিয়ে সেই নদী—উৎস নেই, মোহনা নেই। সারাদিন এখানে শুধু তার করুণ গান, মৃদু বিলাপের মতো। কিছু নেই, কেউ নেই। শুধু হাড়ের মতো সাদা পাথর পড়ে থাকে নিথর হয়ে। উপত্যকা জুড়ে এক মৃত্যুর সম্মোহন। এলোচুলে পা ছড়িয়ে বসে নদী অবিরল গান গেয়ে যায়।

আনমনা আঙুল থেকে আশু সিগারেটটা পড়ে গিয়েছিল ফুটপাথে। সিগারেটের আক্সকাল বড় দাম। তার ওপর এটা বেশ দামি ব্র্যান্ডের সিগারেট। শখ করে কিনে ফেলেছে বৈশম্পায়ন। আনমনেই বৈশম্পায়ন সেটা কুড়োতে নিচু হয়েছিল। শর্মিষ্ঠা দশ পা পেছনে, ছেলের বায়না মেটাতে ফুটপাথের দোকান থেকে মোজা বা গেঞ্জি কিনছে, আর অনবরত মৃদুস্বরে ধমকাচ্ছে ছেসেকে। দশ পা এগিয়ে এসেছে বৈশম্পায়ন। দশ পায়ের বিচ্ছিন্নতা। সিগারেটটা কুড়োতে হাত বাড়িয়েও সে ফিস ফিস করে বলল, ইট উইল নট বি এ ওয়াইজ থিং টু ডু মাইডিয়ায়।

কুড়োনো হল না। নতুন একটা যে ধরাবে তাও হল না। এরিয়ালে এসে লাগল সেই মৃত্যু-নদীর গান। সাদা নিথর হিম পাথর সব মনে পড়ে গেল।

ডুমকি এখন অনেক দূরে। কারশিয়াং-এ। ডুমকির জন্য বড় হু-হু করে ওঠে বুক। মানুষ তো পাখি নয় যে, উড়ে যাবে। ডুমকির সঙ্গে এই অনেকটা অসহায় দ্রুত এই মুহূর্তে ভীষণ টের পায় বৈশম্পায়ন।

দশ পায়ের দ্রুত শর্মিষ্ঠা এখনও কী যে কিনছে। কই এসো, বলে তাকে এখন একবার তাগাদা দেওয়া যায়। কিন্তু সেরকম কোনও ইচ্ছেই হল না বৈশম্পায়নের। থাক, কিনুক। ছেলে বুঝে একবার ফিরে দেখল বাবাকে। তারপর বুক পড়ল দোকানের জিনিসপত্রের ওপর।

বৈশম্পায়নের পকেটে গোদরেজের চাবি। পকেটে হাত পুরে চাবির রিংটা মুঠো কবে ধরে থাকে সে কিছুকণ। তার ফ্ল্যাট মোটামুটি নিরাপদ। প্যাণ্টের চোরা পকেটে বোনাসের দেড় হাজার টাকা। চাবির রিং ধরার ছলে সে দেড়

হাজার টাকার ফোলা অংশটাকেও স্পর্শ করে। আছে। কিন্তু এরিয়ালে নির্ভুল গানের তরঙ্গ ভেসে আসছে। হারিয়ে যাচ্ছে গোদরেজের চাবির নিরাপত্তা, টাকার মূল্য। বৈশম্পায়ন আর একটা সিগারেট বের করে।

সিগারেটটা ধরানো হল না কিছুতেই। আকাশ এখন কেমন? হেঁড়া মেঘের তুলো গড়িয়ে যাচ্ছে নীল বেডকভারে। এখনও বৃষ্টির স্যাঁতা ভাব উবে যায়নি ফুটপাথের শান থেকে। শরৎ সবচেয়ে প্রিয় ঋতু বৈশম্পায়নের। তার প্রিয় হল টাকা, প্রিয় ডুমকি আর বুবুম। প্রিয় হোক বা না হোক অবিচ্ছেদ্য হল ওই শর্মিষ্ঠা। তার আরও কিছু প্রিয় আছে, তবে সবসময়ে একরকম নয়। তার প্রিয় রং সাদা। প্রিয় রাগ হংসধ্বনি। প্রিয় অভ্যাস বসে থাকা বা ঘুম। এই শরতের প্রিয় রোদে বউ আর ছেলেকে নিয়ে পুজোর বাজার করতে বেরিয়ে তার আগাগোড়া ভারী ভাল লাগছিল। কিন্তু হঠাৎ...

শর্মিষ্ঠা দোকান থেকে জর্দা পান মুখে দিয়ে তবে এল। হাতের জালের ব্যাগে দুটো ছোট প্যাকেট। আস্তে আস্তে প্যাকেট বাড়বে। জালের ব্যাগ উপচে পড়বে। আজ তারা বাইরেই কোথাও খেয়ে নেবে। সারাদিনের প্রোগ্রাম।

কিন্তু এখন বৈশম্পায়নের কপালে ঘাম দেখা দিয়েছে। চোখের দৃষ্টি একটু অবিন্যস্ত, অস্থির। সে বলল, বাড়ি যাবে?

শর্মিষ্ঠা অবাক হয়ে বলল, বাড়ি যাব? এখনও তো কেনাকাটা শুরুই হল না! বলতে বলতেই সে বৈশম্পায়নকে ভাল করে লক্ষ করে এবং গলার স্বর পাল্টে জিজ্ঞেস করে, কী হয়েছে? শরীর খারাপ লাগছে নাকি?

ভরা প্যাকেট ঢোকাতে গিয়ে সিগারেটটা দুমড়ে ফেলল বৈশম্পায়ন। চিন্তিত মুখে বলল, খারাপ লাগছে।

তাহলে চলো। ট্যাক্সি ডাকি।

ডাকো। বলে বুবুমের হাত ধরে বৈশম্পায়ন। পরক্ষণেই মনে হয়, ব্যাপারটা অত্যধিক নাটুকে হয়ে যাচ্ছে। তার শরীর তেমন খারাপ নয় যে, বাড়ি গিয়ে শুয়ে থাকতে হবে। কিন্তু বাসায় ফিরলে অন্তত শর্মিষ্ঠার কাছে মুখ রাখতে তাকে অসুস্থতার থিয়েটার করতেই হবে। তা পারবে না বৈশম্পায়ন। বড় অস্থির লাগছে তার, ভয়ানক অস্থিরতা দেখা দেবে।

শর্মিষ্ঠা ট্যাক্সি ডাকতে ফুটপাথের ধারে গিয়ে দাঁড়িয়ে আছে। বৈশম্পায়ন বলল, শোনো।

কিছু বলছ?

কেয়াতলা চলো। মাধবদের বাসায় একটু বসি। হস্তুতো সেরে যাবে।

শরীর কেমন লাগছে বলো তো।

অস্থির। বোধহয় পেটে গ্যাস-ঢ্যাস হয়েছে।

শর্মিষ্ঠা জানে, আজকাল স্ট্রোকের কোনও বয়স নেই, এবং মানুষ যখন তখন মরে যায়। দু চোখে ঘনীভূত সংশয় আর ভয় নিয়ে সে স্বামীর দিকে কিছুক্ষণ

চেয়ে থেকে বলে, বরং কোনও ডাক্তারের চেয়ারে চলো । দেখিয়ে নিয়ে যাই ।

বুঝ মুখে আঙুল পুরে ঊর্ধ্বমুখে বাবাকে দেখছিল । বাবাকে হাতের নাগালে পেলেই বায়না করা তার স্বভাব । কিন্তু এখন সেও কিছু টের পেয়ে গেছে । তিন বছরের বুদ্ধি আজকাল কিছু কম পাকে না । সে চুপ করে চেয়ে ছিল ।

বৈশম্পায়ন বলল, ডাক্তার দেখানোর মতো কিছু নয় । একটু রেস্ট নিলেই সব ঠিক হয়ে যাবে ।

শর্মিষ্ঠার সম্মেহ গেল না । তবে সে আপত্তিও করল না ।

গড়িয়াহাটা থেকে সামান্য হটিতেই কেয়াডলার মোড় । মাধবদের বাসা মোড়ের কাছেই ।

দরজা খুলল মাধবদের বাচ্চা ঝি । বাসায় আর কেউ নেই ।

শর্মিষ্ঠা এই অবস্থায় ফিরে যেতে পারে না । সে বলল, ওরা তো কিনবে । আমরা বরং একটু বসি ।

ঝি শর্মিষ্ঠা এবং বৈশম্পায়নকে চেনে । মৃদু হেসে বলল, বসুন না ।

বাইরের ঘরে শোয়ার ব্যবস্থা নেই । তবে ডবল সোফা রয়েছে । বৈশম্পায়ন লম্বা মানুষ । শর্মিষ্ঠা একটু চিকিত্ত হয়ে বলে, তুমি বেডরুমেই চলো । শোবে ।

বৈশম্পায়ন মাথা নেড়ে বলে, আর না । পাখা খুলে দাও । একটু বসলেই ঠিক হয়ে যাবে ।

জল খাবে ?

খাব ।

শর্মিষ্ঠা নিজেই ডাইনিং স্পেস থেকে ফ্রিজের জল নিয়ে এল । বলল, আন্তে আন্তে খেয়ো । ভীষণ ঠাণ্ডা ।

বৈশম্পায়নের ফ্রিজ নেই । কিনবে কিনবে করছে । খুব সাবধানে সে একটু একটু করে অল্প জল খেল । শরীরটা যে কোথায় খারাপ, কেন খারাপ তা ভেবে দেখতে লাগল সে ।

বুঝকে হিসি করাতে বাথরুমে নিয়ে গিয়েছিল শর্মিষ্ঠা । ফিরে এসে বলল, এদের সবকিছুই এত ঝকঝকে পরিষ্কার ! বাথরুমটাও শুয়ে থাকে যায় ।

বৈশম্পায়ন এসব কথা নতুন শুনছে না । মাধব আর তার বউ ভালই থাকে । শুছিয়ে থাকে । সাজিয়ে থাকে । কিন্তু এই থাকা না-থাকার কোনও অর্থ আজ সে বুঝে পাচ্ছে না । সোফায় ঘাড় হেলিয়ে সিলিং-এর দিকে মুখ তুলে চোখ বুজে সে পাখার বাতাস শুবে নিচ্ছিল । সেইভাবেই রইল ।

শর্মিষ্ঠা তার ড্যানিটি ব্যাগ থেকে দুধের বোতল আর সন্দেশের বাস্ক বের করে ছেলেকে খাওয়ানোর চেষ্টা করতে লাগল । সারাদিনই থাকে অক্লান্ত চেষ্টা করে যেতে হয় । ছেলে খেতে চায় না । প্রথমে কাকুতি মিনতি “বুঝ সস্ত্রী

সোনা । এই একটুখানি...আচ্ছা সেই ছড়াটা বলছি, হ্যাটিমা টিম টিম তারা মাঠে
পাড়ে ডিম, তাহলে সেইটে বলি...চলে মস মস মস মস বাঁ ডান মস মস
সবচেয়ে ভাল পা গাড়ি, উঃ...সেই সকালে কখন একটু দুধ খেয়েছে, এত বেলা
হল, কিচ্ছুটি নয় । খাও বলছি । খাও । দাঁড়া তো...দেব ? দেব পিঠে একটা
দুম করে ?”

এসবই মুখস্থ বৈশম্পায়নের । এরপর মৃদু একটা থান্ড এবং বুবুমের কান্না ।
সে চোখ না খুলেই বলল, আমার শরীর ভাল লাগছে না । একটু চুপ করো ।

শর্মিষ্ঠা আর শব্দ করল না । কিন্তু তার এই নীরবতা রাগে ভরা তাও
বৈশম্পায়ন জানে । শর্মিষ্ঠা ছেলেকে নিয়ে খাবার ঘরে চলে গেল ।

বৈশম্পায়ন চোখ খুলল এবং প্যাকেট থেকে দোমড়ানো সিগারেটটা বের
করে সযত্নে সোজা ধরিয়ে ফেলল ।

চার বেডরুমের এই ফ্ল্যাটটা মাধব কিনেছে বছর দশেক আগে । তখন
ফ্ল্যাটের দাম দু লাখের কাছাকাছিই হবে বোধহয় । বাইরের ঘরটা দেয়াল থেকে
দেয়াল পর্যন্ত বুক কেস দিয়ে সাজানো । কিছু পেতল আর পোড়ামাটির বাছাই
কাজ রয়েছে । দেয়ালে কয়েকটা তেলের ছবি, কিছু ওরিজিন্যাল প্রিন্ট ।
মেঝেয় একটা সত্যিকারের উলেন কারপেট । খুব বড় নয়, তবে বসার
জায়গাটুকু ঢাকা দিয়েছে । কার্পেটটির বাইরে ছিট ছিট লাল-কালো-সাদা
মোজাইক করা মেঝে আয়নার মতো ঝকঝকে । মাধব আর ঝিনুকের
ছেলেপুলে নেই ।

“আমাকে পুষ্টি নে না” বলে ঠাট্টা করেছে একসময়ে বৈশম্পায়ন । কখনও
আর একটু ফাজিল হয়েছে “তোমার কর্ম নয়, ঝিনুককে আমার কাছে পাঠিয়ে
দিস ।” কিন্তু এখন আর কিছু বলা যায় না । এদের আর হবে না তা বোঝা
গেছে । তাই আর ঠাট্টা চলে না ।

বৈশম্পায়ন খুব বড় একটা শ্বাস ফেলল । গোদরেজের তিন চারটে চাবির
গোছা পকেটে থাকায় ফুটছিল । গোছাটা বের করে শর্মিষ্ঠার ড্যানিটি ব্যাগে
ভরে রাখল সে ।

আবার চোখ বুজল । তার কি শরীর খারাপ ? তা কি মন খারাপ ?

খাবার ঘর থেকে বুবুমের অল্পস্বল্প কান্না আসছে । শর্মিষ্ঠা বেশ জোর গলায়
ধমক মারল দুটো । বৈশম্পায়ন গ্রাসটা তুলে আবার একটু জল খায় । এখন
আর জলটা তেমন ঠাণ্ডা নয় ।

মাধবের সঙ্গে আগে যত ভাব ভালবাসা ছিল আজ আর তা নেই । এই
পরিচ্ছন্ন ঘরে বসে থেকে বৈশম্পায়ন দূরত্বটা টের পায় । কবে কখন যে আস্তে
আস্তে তারা দূরে সরে গেছে তা টেরও পাওয়া যায়নি । কিন্তু আজকাল
মানুষের জীবন যাপনের প্রণালীটাই এমন হয়ে গেছে যে, কেউ আর নিকট হয়
না কেবলই দূরে সরে যায় ।

বৈশম্পায়ন জলের গ্রাসটা নাড়ে । জল ঘুরপাক খায় গ্রাসের মধ্যে । ঠাণ্ডা

ভাবটা আরও কমে গেছে। আরও একটু জল খায় বৈশম্পায়ন।

মাধবের বাসায় আসতে ভবু ইচ্ছে করে কেন তার ? সে রহস্যটা জানে। কিন্তু প্রশ্ন হল, বিনুকও কি জানে ?

বৈশম্পায়ন নিঃশব্দে ওঠে। পর্দা সরালেই ওদের সুন্দর শোওয়ার ঘরটি। বারো বাই চোন্দ কুট হবে। চার দেয়ালে চার রকম মোলায়েম বস্ত্র। দুটো সিংগল শাট। মাঝখানে এক চিলতে কাপেটি। ছোট একটা ক্যাবিনেটের ওপর ফুলের শাস। তাতে টাটকা রসুনীগন্ধাও। ক্যাবিনেটের ওপর স্টিলের ফ্রেমে শাধানো স্বামী-স্ত্রীর ফটো। যাঁ ধারে বিনুক। কী সুন্দর। বিনুকের একটা ফটো বৈশম্পায়নের কাছেও আছে। কেউ তা জানে না। স্বয়ং বিনুকও নয়। সেই ফটোগ্রাফ আমৃত্যু গোপন থেকে যাবে বৈশম্পায়নের কাছে। যেদিন টের পাবে মৃত্যু আসছে, সেদিন ফটোটা নষ্ট করে দিয়ে যাবে সে।

দরজার বাঁ ধারে একটা চমৎকার শো-কেস। তার ওপর গাররেডের রেকর্ড চেঞ্জার। তার পাশে নীলুর ছবি। মাধবের কিশোর ভাই। খুন হয়ে গেছে।

নীলুর মুখ থেকে চোখ সরিয়ে বিনুককে বহুক্ষণ ধরে দেখে নেয় বৈশম্পায়ন। এই এক মুখ। দেখতে দেখতে মৃত্যু ফুল হয়ে যায়, জীবনের তুচ্ছতাগুলির কথা মনে পড়ে না, দুঃখবোধ থাকে না। বুক জরে ওঠে আনন্দে।

সে ফিস ফিস করে জিজ্ঞেস করে, এ কি কাম ? এ কি পাপ ? এ কি বিশ্বাসঘাতকতা ?

মাধবের যখন বিয়ে হয় তখন বৈশম্পায়ন ডবলিউ বি সি এস পাশ করে বাঁকুড়া জেলায় ডেপুটি ম্যাজিস্ট্রেটের চাকরি করছে। আজও সেই চাকরি করে যেতে পারলে ভাল হত। বিনুকের সঙ্গে কিরে দেখা হত না।

কিন্তু এ কেবল ইচ্ছাবৃত্ত চিন্তা। দেখা হতই। দেখা না হলে হত কী করে ? আরও করেকটা জেলা মহকুমা ঘুরে প্রোমোশন পেয়ে এই কলকাতাতেই আসতে হত তাকে। তার আগেই অবশ্য সে এল। আলিপুরদুয়ার কোর্টে গণমোলাহিরের পর কিছুদিন হাসপাতালে কাটিয়ে ভাতা হাত আর জখমে শত হয়ে ওঠা বাড় নিয়ে সে কলকাতায় চলে এল পাকাপাকি। একটা ব্যাংকে বরাতজোরে চাকরি জুটে গেল। এ সবই নিয়তিনির্দিষ্ট, আগে থেকে ছক বাঁধা।

শর্মিষ্ঠা এসে বসল, শরীর কেমন লাগছে ?

ভাল। অনেকটা ভাল।

আর একটু বসবে ?

বসলে ভাল হয়। ওরা কি ফিরবে ?

ঝি তো বলছে ফিরবে।

একটু বসি। ওরা ফিরলে উঠব।

ববুসের ঘুম পাচ্ছে।

ঘুম পাড়িয়ে দাও ।

আজ আর পুজোর বাজার হবে না মনে হচ্ছে ।

তুমি একা গিয়ে কিনে আনো না ।

এতে একটু সতেজ হয়ে শর্মিষ্ঠা বলে, যাব ? বুঝকে কে দেখবে ?

দেখার কি ? আমি বসে থাকব, ও ঘুমোবে ।

দোনোমোনো করে শর্মিষ্ঠা বলে, তোমার মায়ের কাপড় যদি তোমার পছন্দমতো কিনতে না পারি ?

পারবে ।

ঠকে আসলে বকবে না ?

মেয়েরা একটু তো ঠকেই । আজ কিছু বলব না । যাও ।

কার জন্য কী যেন ?

জয়ের জন্য একটা ভাল প্যাণ্টের পিস আর শার্টের কাপড় ।

প্রতিবারই জয়কে দিচ্ছ । এখন তো চাকরি করে ।

ও চাকরিতে কি হয় । এনো । সংসারে যখন থাকি না তখন তার কমপেনসেশনও কিছু দিতে হয় ।

সংসারের সঙ্গে আজকাল কেউ থাকে না । ঘরে ঘরে গিয়ে খোঁজ নিয়ে দেখো ।

ওঃ শর্মিষ্ঠা ।

টাকা দাও ।

কত লাগবে ?

হাজার খানেক দিয়ে রাখো ।

বুঝকে ঘুম পাড়িয়ে যাও । বলে চোরা পকেট থেকে টাকা বের করে বৈশম্পায়ন ।

শর্মিষ্ঠা ব্যাগে টাকা রেখে ছেলের কাছে যেতে গিয়ে কিরে বলে, চা খাবে ?

ওরা ফিরুক ।

ওদের সঙ্গে তোমার কী ? কি করে দেবে ।

তাহলে করতে বলো ।

শর্মিষ্ঠা চলে গেলে বৈশম্পায়ন চোখ বোজে । সাদা হিম নুড়ি-পাখর ছড়ানো উপত্যকায় বয়ে যাচ্ছে মৃত্যুর নদী । কী অক্লুত গান ।

শর্মিষ্ঠা চলে যাওয়ার পর বেডরুমের পাশের লিভিং রুমে ফোনটা বাজল ।

উঠে গিয়ে ধরে বৈশম্পায়ন ।

মাধব আছে ?

না ।

আপনি কে ?

আমি ওর এক বন্ধু ।

আমি মাধবের বন্ধু । আপনি কে বলুন ভো । নামটা কী ?

আমি বৈশম্পায়ন ।

যাঃ বাক্বা । না মশাই হল না, আমরা কমন ফ্রেন্ড নই ।

এরকম হতেই পারে । বৈশম্পায়ন খুব ভদ্র গলার বলে ।

ওর সঙ্গে কি আপনার দেখা হবে ?

হতে পারে । আমি ওর জন্যই বসে আছি ।

একটু কাইডলি বলবেন কাল সকালে ওর বন্ধু মদন আসছে । ও চিনবে ।

মদন এম পি ।

মদনকে আমিও চিনি ।

যা বাক্বা । তবু আমি আপনাকে চিনতে পারছি না কেন ?

ফোনের ভিতর দিয়েই ওপাশ থেকে একটু মদের গন্ধ পায় বৈশম্পায়ন ।

শিয়ালদা মেন স্টেশনের ছ নম্বর প্ল্যাটফর্মে গেটের বাইরে ফরসা মতো একটা লোক খুব মাতব্বরী চালে প্যাসেঞ্জারদের কাছ থেকে টিকিট নিচ্ছিল । টিকিট নেওয়ার কালো কোট দুজন থাকা সত্ত্বেও ভিড়ের ঠেলায় বাড়ীরা বেরিয়ে আসছে বেনোজলের মতো, কে কাকে টিকিট দেয় । এই লোকটা সেই ছিটকে আসা বাড়ীদের দু চারজনের দিকে হাত বাড়িয়ে টুকটাক টিকিট নিয়ে পকেটে ভরছে ।

দার্জিলিং মেল লেটে আসছে । অনেকক্ষণ বাইরের চাতালে দাঁড়িয়ে দাঁড়িয়ে ব্যাপারটা লক্ষ করল জয় । তার প্রথমে তেমন কিছু মনে হয়নি । ডেবেছিল কালো কোট খুলে রেলের টিকিটবাবুই টিকিট নিচ্ছে । ধানিকঙ্কণ দেখে-টেখে সন্দেহ হল, করাপশন ।

জয়ের বড় জামাইবাবু বলেছিলেন, অন্যায় দেখলেই ফরম্যালি হলোও একটা প্রতিবাদ সবসময়ই করে রেখো । কাজ হোক বা না হোক বড় জামাইবাবু সর্বদাই অন্যায়ের প্রতিবাদ করে থাকেন । তাতে যে বড় জামাইবাবুর খুব ভাল হয়েছে তা নয় । বরং প্রোমোশন হয়নি, মেয়েরা যে যার ইচ্ছে মতো বিয়ে করেছে, তিন ছেলেই আগাপাশতলা দুর্নীতিগ্রস্ত, বড়মির সঙ্গেও বড় জামাইবাবুর বনিবনা নেই । তবু জয় বড় জামাইবাবুর এই একটা কথা মনে চলার চেষ্টা করে ।

দু দুটো লোকাল ট্রেনের পর প্ল্যাটফর্ম এখন ফাঁকা । করাপটেড লোকটা সাত নম্বরের বন্ধ গেটের সামনে দাঁড়িয়ে বিড়ি ধরানোর চেষ্টা করছে ।

ও মশাই শুনুন । জয় লোকটাকে ডাকে ।

লোকটা নিম্নলিখিত চোখে চায় । চোখ দুখানা বড় বড়, ডাগর, মুখও ডব্রলোকের মতো, রং ফরসা তবে গায়ের জামাপ্যাট ময়লা । লোকটা ঠোঁট থেকে একটা মাস্তিকে উড়িয়ে বলল, কিছু বলছেন ?

আপনি কি টিকিট কালেক্টর ?

আজ্ঞে না ।

তবে প্যাসেঞ্জারদের কাছ থেকে টিকিট নিচ্ছেন যে ।

লোকটা কোথায় গাড়ুল করে কাছে সরে আসে, তখনই এই সাত সকালেও লোকটার মুখ থেকে ভক করে মদের গন্ধ পায় জয় । লোকটা গলাটা ছোট করে বলে, চুরি ছিনটাই করি না । টিকিটে চার আনা করে হয় । খরাপ কিছু করছি নাদা ? মনে কিছু করলেন ?

জয় কঠিন হওয়ার চেষ্টা করতও পারে না । সে ভারতবর্ষের একটি বড় পার্টির নক্ষিণ কলকাতার একজন মেম্বার । সে দুর্নীতি রূপে অনেক কিছুই করতে পারে বলে তার ধারণা । যদিও এই রাজ্যে তার মদের কোমরের জোর তেমন নেই, তবু তামাম দেশে তো তার দলই এখন খেলছে । এই লোকটাকে ইচ্ছে করলেই সে খরিয়ে দিতে পারে । কিন্তু একটু মায়া হল । বয়সও বেশি নয় । ত্রিশের নীচেই ।

জয় বলল, মদ খেয়েছেন ?

একটু । সেও কাল রাতে । কিছু মনে করলেন নাদা ?

আপনি কাজটা ঠিক করছেন না ।

আজ্ঞে না । তবে কিনা পোটের দারে করতে হয় । কত লোকে আরও কত খরাপ কাজ করে । চারদিকে করাপশন আন্ড করাপশন ।

চার নম্বরে আর একটা লোকাল টুকতেই লোকটা সূট করে গোটের বাইরে গিয়ে গোলকিপায়ের মতো পজিশন নিয়ে নিল ।

লোকটাকে খরিয়ে দেওয়ার ইচ্ছেটা জয় দমন করল । করাপশন কোথায় নয় ? এই যে ম্যাটফর্মে ছানাপোনা নিয়ে কুঁদো কুঁদো সব মেয়েছেলে শুয়ে থাকে রাত্রিবেলা সেটাও যে-আইনী । আবার সকালে চাতাল ঘোড়ার সময় ভিক্তিওলা যখন ওই ঘুমন্ত মেয়ে আর শিশুর গায়ে নির্বিকারে জল ছিটিয়ে উঠিয়ে দিতে লাগল তখন সেটাকেও বুঝ ন্যায় মনে হয়নি তার । মশকিল হল, কোনটা ন্যায় কোনটা অন্যায় তার কোনও বাঁধাবাঁধি ধারণা সে আজও করে উঠতে পারেনি । গোটা দেশটায় কী যে সব ঘটছে ।

মদের কিছু ছেলে-ছেকরা মদনদাকে রিসিভ করতে এসেছে । তাদের সঙ্গে জয় ভেড়েনি । মদনদার সঙ্গে তো তার ভিড়ের সম্পর্ক নয় । বহুকাল আগে হাধ্যু থেকে পালবান্দার অবধি মদনদা তাকে সাইকেলের রডে বসিয়ে ডবল ক্যারি করেছিল । আর, তার সেজদার সঙ্গে মদনদার একটা সম্পর্ক তো ছিলই । সুতরাং জয়ের দাবি অন্যরকম । এম পি হয়েও মদনদা তার সঙ্গে কীট দেখায় না কখনও । অবশ্য মদনদার ফাঁট বলতেও কিছু নেই ।

লাউডস্পিকারে বার বার বলছে, ডানকুনিতে পাওয়ার ব্লক থাকার দরুন দার্জিলিং মেল আসতে পারছে না । সোয়া সাতটার আসার কথা, এখন বাজছে নটা । দাঁড়িয়ে আর পায়চারি করে করে জয়ের হাঁটু দুটো ধরে গেছে । বাড়ি

থেকে বেরোতে দেরি হল বলে কিছু খেয়েও আসেনি। স্টেশনের খচ্চরের পেছাপের চেয়েও খারাপ এক কাপ চা খেয়েছে ত্রিশ পয়সায়। তার মধ্যে পনেরো পয়সাই ফেলা গেছে। ডানকুনিতে পাওয়ার ব্লক বা খচ্চরের ইয়ের মতো চা, এই সবকিছুর মধোই এই দেশটির পচনশীলতা লক্ষ করা যায়। কিছুই ঠিকমতো চলছে না, কিছুই ঠিকমতো হচ্ছে না। একজন এম পি সহ দার্জিলিং মেল আটকে আছে ডানকুনিতে, ভাবা যায় ?

টেকো হরি গোসাই এতক্ষণ প্লাটফর্মে টানা মারছিল। অধৈর্য হয়ে এবার বেরিয়ে এসে জয়কে বলল, গাড়ি এত লেট। এরপর তো আমার অফিস কামাই হয়ে যাবে।

জয়ের মেজাজ খারাপ ছিল। একটু তেরিয়া হয়ে বলল, দেরির কথা রাখো। বারোটার আগে কোনও দিন দফতরে গেছ ?

হরি গোসাইকে রসিক মানুষ বলে সবাই জানে। ফিচেল হেসে বলে, তা বারোটার সময়েও তো যেতে হবে নাকি ? এখানেই নটা বাজল।

দেরি হয়ে থাকলে চলে যাও।

সে না হয় গেলাম। কিন্তু তাহলে বিস্তকে মেডিকলে ভর্তি করার কী হবে ?

করাপশন ! করাপশন। মদনদাকে এই লোকগুলোই খারাপ করে ফেলবে। ভারী বিরক্ত হয় জয়। স্টেশনে যে কটা লোক এসেছে সব কটা ফেরেকবাজ, মতলববাজ। মুখে জয় বিরক্তির রেশটা ধরে রেখেই বলল, ও কথা তো মদনদা মালদায় যাওয়ার আগেই হয়ে গেছে।

দূর পাগল। এম পিদের মন হচ্ছে পছপাতার মতো। কিছু থাকে না, গাড়িয়ে পড়ে যায়। বার বার মনে করিয়ে দিতে হয়।

ফের বললে চটে যাবে।

চটলেও ভাল। তাতে মনে লাগ থেকে যাবে। চ' চা খেয়ে আসি। ডানকুনি থেকে গাড়ি ছাড়লে চল্লিশ মিনিট লাগবে। সময় আছে।

স্টেশনের চা ? ও বাব্বা।

না, বাইরে থেকে খাব। চল, হ্যারিসন রোডে ঢুকে একটা ভাল দোকান আছে।

লাউডস্পিকারে গমগমে গলা বলে উঠল, ডানকুনিতে পাওয়ার ব্লক থাকার দরুন...

দুজনে বেরিয়ে আসে।

হরিদা।

উ।

একটু আগে একটা লোককে ধরেছিলাম। প্যাসেঞ্জারদের কাছ থেকে টিকিট নিচ্ছে। চার আনায় বেচবে। সারাদিন একটাই টিকিট কতবার যে হাতবদল হবে।

ও তো বহু পুরনো ব্যাপার ।

লোকটাকে পুলিশে দিলে কেমন হত ?

তোমার মাথা খারাপ ? ওদের সব সাঁট আছে । ধরিয়ে যদিও বা দিলি গ্যাং এসে মেয়ে পাট করে দিয়ে যাবে । যা কিছু হচ্ছে হোক, চোখ বুজে থাকবি ।

জয় কথাটা মেনে নিতে পারে না । বলে, এককম করে করেই তো আমরা দেশটার—

সর্বনাশ করছি । জয়ের কথাটা টেনে শেষ করে হরি গোঁসাই হাসে, উঠতি বয়সে ওরকম হয় ।

বৃষ্টির झলে রাস্তায় থিকথিকে কাদা । তার ওপর খোঁড়াখুঁড়ির দরুন হাঁটা-চলাই দায় । হ্যারিসন রোডের চায়ের দোকানটায় পৌছতে গর্দিশ কিছু কম গেল না ।

দোকানে প্রচণ্ড ভিড় । মিনিট পাঁচ সাত দাঁড়িয়ে থেকে যদি বা বসার জায়গা পেল অতি কষ্টে, কিন্তু চা-ওয়ালা ছোকরারা পাস্তাই দেয় না । হরি গোঁসাই দুজনকে চায়ের কথা বলতে গেল, তারা অর্ধেক শুনেই অন্য কাজে ছুটে চলে গেল ।

কিছু লোক আছে বুঝলে হরিদা, যাদের দেখলেই সবাই খাতির করতে থাকে । মদনদার কথাই ধরো, গঁড়ে বাজারে যেবার সত্যাবাবুকে বাইরের দোকানিরা পেটাল, মদনদা গিয়ে দাঁড়াতেই সব জল ।

পারসোনালিটি, বুঝলি ।

সেই কথাই তো বলছি । আমরা ক্রেশন অফিসে গেলে কেউ পাস্তা দেবে, বলো ? মদনদাকে দেখেছি, খুব কড়াকড়ি তখন, গিয়ে দু দিনে ফ্রি স্কুল স্ট্রিটের অফিস থেকে মেজদাদের রেশন কার্ড বের করে দিল । আগে থেকে কেউ চেনাছানাও ছিল না, কিন্তু গিয়ে এমন খাতির করে নিল যে, সবাই কিছু করতে পারলে যেন বর্তে যায় ।

ও হল অন্য ধাত । বিলুটাকে মেডিকলে ভর্তি করাতে যদি কেউ পারে তো মদনদা ।

এবার কেন যে খুব উদার গলায় জয় বলে, হয়ে যাবে । ভেবো না । তবে কথাটা ঠিক, আজকাল মদনদা খুব ভুলে যায় ।

এম পি দর চৈলা তো জানিস না । সকাল থেকে মাছি পড়ে । ক'টা মনে রাখবে ?

জয় দূরের দিকে চেয়ে ভারী ভালবাসার গলায় বলল, কিন্তু আগে মদনদার সব মনে থাকত । এমন সব কথা মনে থাকত যা ভাবলে অবাক হতে হয় ।

হরি গোঁসাই খপ করে এক চা-ওলা ছোকরার কজি চেপে ধরে বলল, আমাদের যে গাড়ির তাড়া, দু কাপ চা টপ করে দেবে ভাই ?

তাড়া তো সবার । ছোকরা হেসে বলে, শুধু চা ?

শুধু চা । একটু দুধ চিনি বেশি করে—

তা অত কথা শোনার সময় ছোকরার নেই, হাত ছাড়িয়ে চলে গেল।

জয় বলে, নীলু হাজরার খুনের কেসটা মনে আছে? মদনদা সাক্ষী দিয়েছিল। খুনের সময় নীলুর জামার রঙটা পর্যন্ত হব্ব বলে দিয়েছিল। মদনদার সাক্ষীতেই তো নব হাটির চৌন্দ বছর মেয়াদ হল।

মুখটা চোখা করে হরি গোসাঁই বলে, খুনটা কিন্তু নব করেনি।

তবে কে করেছে? তীন্দ্র চোখে চেয়ে ঝুঁকে বসল জয়।

হরি গোসাঁই অন্যদিকে মুখ ফিরিয়ে ভাল মানুষের মতো বলে, সে-সব কথা যাকগে। যা হওয়ার হয়ে গেছে। তারপর আরও এক পদা গলাটা নামিয়ে নিজেকেই নিজে যেন বলল, এখন বিস্তুটা মেডিকলে চাল পেলোই হয়।

চা এসে যায়। বেশ ভাল চা।

নোনতা বিস্তুট খাবি? হরি গোসাঁই জিজ্ঞেস করে।

আনমনে চায়ে চুমুক দিয়ে জয় বলে, না। তুমি খাও।

দার্কিসিং মেল আট নম্বরে ঢুকল ঠিক পৌনে দশটায়। এর মধ্যে আরও কিছু লোক জুটে গেছে মদনদাকে রিসিড করতে। জ্ঞানা দুই রিপোর্টার, দু-চারজন মহাজন, আরও কিছু ছেলেছোকরা ক্যাডার।

শুধু একটা মাঝারি মাপের ডি আই পি সুটকেস হাতে, পায়জামা পাঞ্জাবি পরা মদনদা ফার্স্ট ক্লাশ একটা কামরার দরজাতেই বিরক্তমুখে দাঁড়িয়েছিল। ট্রেন থামতেই নেমে পড়ল। ভিড়ের প্রথম ছড়োছড়িটা কাটানোর জন্য একটু সরে দাঁড়াল। লোকগুলো গিয়ে মাছির মতো হৈকে ধরেছে মদনদাকে। কে যেন একটা মালা পর্যন্ত পরিয়ে দিল।

দিক। ওসব বাইরের মাথামাখিই তো আর আসল নয়। মদনদার সঙ্গে সত্যিকারে ঘনিষ্ঠতা তো জয়ের। এক সাইকেলে তাকে ডবল ক্যারি করেছিল মদনদা। তারই সেজ্জদির সঙ্গে ভাব ছিল। আর কারও সঙ্গে তো অত গভীর সম্পর্ক নয়। মদনদার বয়স পঁয়ত্রিশ হবে হয়তো টেনেমেনে। এখনও বেশ টান ফরসা টনটনে চেহারা। দেখলেই সন্ত্রম জাগে।

ট্রেন লেট ছিল বলে ব্যস্ত এম পি মানুষটার সময়ে টান পড়েছে। ভিড় কাটিয়ে জোর কদমে এগুচ্ছে। ওই হরি গোসাঁইয়ের ছেলেটা দড়াম করে পায়ের ওপর পড়ে প্রণাম ঠুকল। দেখো কাও! আর একটু হলেই হোঁচট খেয়ে পড়ে যেত লোকটা।

কিন্তু মদনদা পড়ল না। মদনদারা পড়ে না অত সহজে। এমনকী অসন্তুষ্টও হল না। লোক নিয়ে কারবার, লোকের ওপর বিরক্ত হলে চলবে কেন।

জয় দেখল, সে পিছনে পড়ে থাকছে। মদনদা তাকে দেখতে পায়নি। গা ঘষাঘষি সে পছন্দ করে না বটে, কিন্তু জ্ঞানান দেওয়ার জন্য একবার বেশ জোর গলায় ডাকল, মদনদা!

মদনদা পিছু ফিরে দেখে একটু হাসল।

দেখেছে। যাক, নিশ্চিন্তি। জয়ের সকালটা সার্থক।

খবরের কাগজ নিয়ে পায়খানায় যাওয়াটা মোটেই ভাল চোখে দেখে না মণীশ। কিন্তু সংকোচবশে শালা মদনকে কথাটা বলতেও পারে না। মণীশরা চিরকাল ঐটোকাটা, শুদ্ধাচার, বাথরুমে যাওয়ার অবশ্য পালনীয় নিয়ম কানুন মেনে এসেছে। তার বাসার সবাই মানে।

খবরের কাগজটার জন্য অস্বস্তি বোধ করছিল মণীশ। সকালের দিকে অফিসের তাড়ায় ভাল করে পড়া হয় না, তাই বিকেলে এসে পড়ে। আজ আর খবরের কাগজটা পড়া যাবে না। এম পি শালাকে কিছু বলাও যায় না।

মণীশ খেতে বসেছে। একটু দেরিতেই অফিসে যাচ্ছে আজ। ডালের মুখে একটু আলু ভেজে দেবে বলে চিরু তাকে আস্তে খেতে বলেছে। আস্তেই খাচ্ছে সে, কিন্তু ভাজাটা সময়মতো পাবে বলে মনে হচ্ছে না। মদনকে যারা স্টেশনে রিসিভ করতে গিয়েছিল তাদের মধ্যে আট-দশজন সঙ্গেই এসেছে। বাইরের ঘরে জোর গলা পাওয়া যাচ্ছে। চা না দেওয়াটা অভদ্রতা, তার ওপর এরা কেউই খুব এলেবেলে লোক নয়। চিরু এখন আলুভাজার কড়াই নামিয়ে চায়ের জল বসিয়েছে। সময় লাগবে।

আস্তে আস্তে খেয়েও মণীশের পাতের ডালভাত শেষ হয়ে এল। রান্নাঘর আর বাথরুমের মাঝামাঝি ছোট্ট এক চিলতে একটু ঢাকা জায়গায় অতিকষ্টে তিন ফুট একটা টেবিল আর দুটি চেয়ার পেতে তাদের খাওয়ার জায়গা। ডানদিকে একটা জানালা। জানালার পাশে গলি। সেদিক থেকে সূর্যালোকহীন স্যাঁতস্যাঁতে গলির সৌন্দর্য গন্ধ আসে। জানালা দিয়ে সিনারি বলতে দেখা যায় শুধু পাশের বাড়ির দেয়াল এবং রেন পাইপ। ইদানীং রেইন পাইপ ঘেঁষে একটা অশ্বখের চারা বেরিয়েছে। ভারী সবুজ, ভারী সতেজ। রোজ ওই সবুজটুকুর দিকে চেয়ে ভাত খায় মণীশ। আজ দেখছিল বড় বড় তিনটে পাতার আড়ালে আর একটা কচি পাতা উঠেছে।

আর একটু বোসো, হয়ে এল। চিরু শোয়ার ঘরে তোলা কাপ প্লেট আনতে যাওয়ার পথে বলে গেল।

মণীশ শেষ ঢাসটার দিকে চেয়ে রইল। চিরু আবার ভাত দেবে জোর করে, কিন্তু আজ আর তার খেতে ইচ্ছে করছে না।

কাপ প্লেটের পাঁজা নিয়ে চিরু যখন ফের রান্নাঘরে ঢুকছে তখন মণীশ বলল, শোনো, আমার পেট ভরে গেছে। দেরিও হয়ে যাচ্ছে।

সামনের জিনিসটা না খেয়ে চলে যাবে? বোসো না। হয়ে গেছে তো।

কেন ঝামেলায় জড়াচ্ছ? থাক না, রাতেও তো খেতে পারব।

শুধু তো ডাল ভাত খেলে।

হোক না, ডালে খিঙে আর লাউ নিয়েছিলে যে । শুধু ভাল ভাতের নোব কেটে গেছে ।

এ কথায় চিরু একটু হাসল । ক্রম্ ক্রম্, না-সাজা চেহারা চিরুকে এই ক্রান্তিতে ভরা হাসি দিয়ে চেনা যায় । কুড়ি বছর ধরে মণীশের সব দুঃখের ভার বহন করেছে । এই দু-ঘরের বাসার বাইরের পৃথিবীকে খুব একটা নেশেনি । ভাই এম পি হওয়ার পর একবার দিন দশেকের জন্য ছেলেমেয়ে নিয়ে দিল্লি গিয়েছিল । ব্যস ।

গ্রামাঘরে কাপ পেট ধুতে ধুতে চিরু বলে, বাসন্তীকে কখন কিছুট আনতে পাঠিয়েছি এখনও এল না ।

আসবে । বলে শেষ গ্রাসটা মুখে দিয়ে মণীশ জল খেল ।

আসবে তো । চা যে ঠাণ্ডা হবে ততক্ষণে । সরকারদের বাড়ির থেকে নাকি ভাঙানি দিচ্ছে । আজকাল কাজে একদম মন নেই । চলে গেলে কী যে করব । চিরুর গলায় অসহায়তা ফোটে বটে, কিন্তু রাগ বা বিদ্বেষ নেই ।

বাসন্তী গেলেও লোক পাওয়া যাবে ।

চিরু চা চাকতে চাকতে বলে, এ চা-পাতটার কত দাম গো ?

মদন আসবে বলে কাল একটু ভাল চা এনেছে মণীশ । বলল, ত্রিশ টাকা ।

ভীষণ দাম ।

পাঁচ বছর আগেও এই কোয়ালিটির চা বোলো টাকায় কিনেছি ।

দাম নিলেও গছটা বেশ ।

লোকজনের সামনে বাইরের ঘর দিয়ে খাবার আনাটা অভ্যস্ততা বলে চিরু বাসন্তীকে শিখিয়েছে, গলির জানালা দিয়ে খাবারের ঠোঙা গলিয়ে দিতে । মণীশ জলের গ্লাস রেখে যখন উঠতে যাচ্ছে তখন জানালা দিয়ে ঠোঙাসূদ্ধ কচি হাত ঢোকাল বাসন্তী, মামাবাবু, ধরো ।

মণীশ বাঁ হাতে বিস্কুটের ঠোঙাটা নেয় । বলে, এসে গেছে ।

চিরু বলে, আজ কি গিন্নিতে দেরি হবে ?

না । রোজ যেমন ফিরি । কেন ?

ভাবছিলাম, অফিস থেকে তাড়াতাড়ি বেরোতে পারলে একবার দমদমে কশাকে গিয়ে খবর দিয়ে আসতে পারবে কিনা ।

কেন বলো তো ! হঠাৎ কশাকে কেন ?

মদনকে গুর সব কথা এসে বলুক । যদি মদন কিছু করতে পারে ।

একজন এম পি কী কী পারে তা খুব ভাল করে জানা নেই মণীশের ।

তবে হয়তো অনেক কিছুই পারে । হট করে কিছু না বলে সে একটু ভাবল, ভেবে বলল, এ তো অত্যন্ত পারসোনাল প্রবলেম চিরু । মদন কী করবে ?

আর কিছু না পারুক, সুভাষকে ভয় দেখাতে তো পারবে । কশা গত রবিবারে এসেও কত কান্নাকাটি করে গেল । বোঝেতে বদলি হয়ে সেই যে চার মাস আগে গেছে সুভাষ, এখনও একবারটিও আসেনি । মাত্র তিনখানা চিঠি

দিয়েছে। টাকা পাঠাচ্ছে খুব সামান্য। তার মানে তো বুঝতেই পারছ।
ওখানে আবার কোনও মেয়েকে জুটিয়ে নিয়ে ফুর্টি করছে।

মণীশ একটু অস্বস্তির সঙ্গে বলে, সুভাষ চিকিৎসার বাইরে। কারও কারও
রসুইওরকম খারাপ। মদন ইন্টারফিয়ার করলে যদি আরও ক্লেপে ওঠে তবে
কণার ওপর টচারি করবে।

টচারি কি এখনই কম করছে? কণার জন্য আমাদের কিছু করাও তো
দরকার। মদনকে বলি, তারপর ও যা ভাল বুঝবে, করবে।

ঠিক আছে।

তাহলে যাবে?

যাব।

গিয়ে বেশি দেরি কোরো না।

দমদম থেকে এই মনোহরপুকুর আসতে একটু সময় তো লাগবেই। চিন্তা
কোরো না।

বাথরুম থেকে মদনের কাশির শব্দ আসছে। সঙ্গে জলের শব্দ। এবার
বেরোবে। কিন্তু আজকের খবরের কাগজটা আর ভাল করে পড়া হবে না
মণীশের।

মণীশ যখন পোশাক পরছে তখন মদন এসে ঘরে ঢুকল। কাঁধে
তোয়ালে। হাতে জলের ছোপ লাগা খবরের কাগজ। পায়খানার কাপড়ও
ছাড়েনি বোধহয়। ব্যস্ত এম পি, এসব ছোটখাটো ব্যাপারে নষ্ট করার মতো
সময় নেই।

জামাইবাবু কি অফিসে বেরোচ্ছেন?

আর কী করি বলো?

আমার অনারে আজ অফিসটা কামাই দিতে পারতেন।

কামাই দিলেও লাভ নেই। তোমাকে পাব কোথায়? একুনি বাইরের ঘরের
ডক্তরা তোমাকে দখল করে নেবে। তারপর থ্রেস কনফারেনস আছে, রাইটার্স
আছে, আরও কত কী।

মদনের চেহারাটা ভালই। লম্বা, একহারা, ফরসার দিকেই রং। মুখশ্রীতে
একটু বেপরোয়াভাব আছে। একটু চাপা নিষ্ঠুরতাও। মদনের ভয়ভয় বরাবরই
কম। কোনও ব্যাপারেই লজ্জা সংকোচের বালাই নেই। অবিশ্রাম কাজ করে
যেতে পারে, সহজে ক্লান্ত হয় না। কাজ করতে করতে এয়াবং বিয়ে করে
উঠতে পারেনি। গায়ে একটা গুরু পাঞ্জাবি চড়াতে চড়াতে বলল, বাইরে
হালদারের গাড়ি আছে। বলে দিচ্ছি, আপনাকে অফিসে পৌঁছে দিয়ে আসুক।

প্রস্তাবটি লোভনীয়। এখন এই দেরিতে বেরিয়েও বাসে উঠতে দারুণ কষ্ট
হবে মণীশের। তবু সে মাথা নেড়ে বলে, ওবলিগেশনে যাবে কেন? আমাদের
তো রোজই অফিসে যেতে হবে। রোজ তো হালদারের গাড়ি পাব না।
তাছাড়া অফিসের লোক গাড়ি দেখলে বলবে, এম পি শালার খুঁটির জোরে গাড়ি

দাবড়াছি ।

আপনাকে আর মানুষ করা গেল না ।

চিরু চায়ের ট্রে হাতেই ঘরে ঢুকে বলে, মদন, তুই এখন কিছু খাবি না ?

মদন শুঁকুচকে বলে, বাইরের ঘরে চা দিচ্ছি নাকি ?

চিরু লজ্জা পেয়ে বলে, দিই একটু ।

ডিসগাস্টিং । সারাদিন লোক এলে সারাদিনই চা দিবি নাকি ? ওসব ভদ্রতা খবরদার করতে যাবি না । ওদের দরকারেই ওরা আসে, আতিথেয়তার কিছু নেই ।

তুই চুপ কর তো । আমার মোটেই কষ্ট হয়নি ।

কষ্টের কথা নয় । ক্ষতুর হয়ে যাবি ।

তোকে এখন খাবার দেব তো ।

না, একটু বাদে ভাত খেয়ে বেরোব ।

চিরু চলে যেতে মদন চূলে চিরুনি চালাতে চালাতে বলে, খাঁদু বুঁচি সব কই ?

ইন্সুলে । মণীশ বলে, সারা সকাল তোমার জন্য হাঁ করে পথ চেয়েছিল । ট্রেন লেট বলে আর থাকতে পারল না ।

ডানকুনিতে পাওয়ার ব্লক থাকায় আটকে গেল গাড়ি । সকালে একটা ইমপরট্যান্ট এনগেজমেন্ট ছিল, রাখা গেল না ।

মদন চারদিকে চেয়ে বলে, এ ঘরটায় কী করে যে এতকাল আছেন আপনারা । একে একতলা, তাতে ছোট ঘরে গাদা জিনিসপত্র । এতদিনে একটা বাড়ি করার মতো টাকা আপনার হয়েছে জামাইবাবু ।

সতীনের ছেলেকে সবাই মোটা দেখে । টাকা হত, যদি রাখা যেত ।

মদন মাথা নেড়ে বলে, আপনার কিছু হবে না জামাইবাবু ।

যা বলেছ ।

তবু আপনি ভীষণ হ্যাপি ।

আবার সেই সতীনপো-এর বৃষ্টি । পরের সুখই সকলের চোখে পড়ে ।

চুল আঁচড়ে মদন ঘাড়ে গলায় একটু পাউডার দিল । বলল, আর কিছু না করুন, এবার একটা টেলিফোন লাগান । নইলে আমার ভারী অসুবিধে ।

ঠিক আছে, অ্যাপ্লাই করব ।

আপনাকে কিছু করতে হবে না । যা করার আমিই করবখন ।

ভূলে যাওয়ার এক অভুলনীয় ক্ষমতা আছে মদনের । আবার মনে রাখার ক্ষমতাও তার তুলনারহিত । দীর্ঘদিনের অভ্যাসবশে সে জীবনের ফালতু ঘটনা, মানুষ বা কথাকে ভূলে যেতে পারে । যা তার প্রয়োজন তা প্রখরভাবে

মনে রাখো

ফিটকাট হয়ে যখন সে বাইরের ঘরে ঢুকল তখন সকালের অনেক ঘটনাই ভুলে গেছে। আবার কেঁচু ঘটনা তার মনেও আছে।

মনে রাখার মধ্যে আছে দুজন সাংবাদিক। আগাগোড়া বুই রিপোর্টার তার সঙ্গে লেগে আছে।

ঘরে ঢুকেই সে বলল, শচী, বলো খবর কী ?

শচী লম্বা কালো রোগা এবং ধূর্ত। চারদিকে মিটমিটে চোখে চেয়ে নিয়ে হাসি-হাসি মুখে বলে, খবর তো আপনার কাছে দাদা।

ঘরের কথাবার্তা খেঁদে গেছে। সকলে এম পি-র দিকে তাকিয়ে। প্রাইম মিনিস্টার পর্যন্ত এঁদের সঙ্গে পরামর্শ করেন।

মদন চারদিকের মনোযোগটাকে খুব উপভোগ করে। দরজার কাছে রোগা ও অল্পবয়সী ছয় তার চা এখনও শেষ করতে পারেনি। এবার এক চুমুকে শেষ আধপেয়ালা মেরে দিল।

মদন বলল, গত জুলাইয়ে মনসুন সেশনে আমি পার্লামেন্টে একটা বিলের ওপর খুব গুরুত্বের একটা প্রশ্ন তুলি। দিট্রি, এলাহাবাদ, বোম্বের কাগজে সেটা ফার্স্ট পেজে ফ্র্যাশ করে। তোমানের কাগজে তার সামান্য উল্লেখ পর্যন্ত ছিল না। কেন শচী। বাঙালি এম পি বলেই কি তোমাদের এরকম মনোভাব ?

শচী জিব কোটে বলে, ছি ছি। কে না জানে, আমরা বাঙালি লিডারদের সবচেয়ে বেশি কভারেজ দিই।

আমাকে দাওনি। কভারেজ আমি চাইও না। দি ইসু ওয়াজ ইম্পরট্যান্ট। সেটা অন্তত কভার করা উচিত ছিল।

এজেন্সি আমাদের খবর দেয়নি তাহলে।

নিশ্চয়ই দিয়েছিল। পি টি আই, ইউ এন আই সকলে কভার করেছে। দেয়নি আমাদের দিম্মির কংগ্রেসপল্ডেন্ট। আই হেট হিজ গাটস। তবে সনাতন মুখার্জিকে আমি চিনি। ওয়ান ডে উই উইল হ্যান্ড এ শো-ডাউন।

সনাতনদার হয়তো দোষ নেই। খবরটা নিশ্চয়ই দিয়েছিলেন, নিউজ ডেসকে বাদ হয়ে গেছে।

তাই বা কেন হবে ? নিউজ ডেসক কি ঘাস খায় ? খবরের ইম্পরট্যান্স বোঝে না ?

আমি জেনে আপনাকে বলব মদনদা।

মদন দেখেছে, কনফ্রন্টেশন দিয়ে দিন শুরু করলে তার দিনটা ভালই যায়। এইজন্য সে সকালের দিকে একটা ঝগড়া বা চৌচামেচি বাধিয়ে নেওয়ার চেষ্টা করে। আজ শচীকে বমকে তার বউনি বোধহয় ভালই হল।

ভোটের সময় মদনের পক্ষে পাণ্ডা ছিল শ্রীমন্ত। এতক্ষণ বাইরের বাতায় সিগারেট খাচ্ছিল দু-তিনজনে মিলে। মদন বাইরের ঘরে এসেছে টের পেয়ে ঘরে ঢুকল। ঘরে একধারে একটা গদিআটা বড় সোফা, দুটো ছোট সোফা,

কয়েকটা আলুমিনিয়াম ফ্রেমের পলিথিনের চেয়ার। সবটাতেই ঠাসাঠাসি ভিড়।

শ্রীমন্ত এসে মেঝের ওপর হাটু গেড়ে বসে কানে কানে বলে, হালদারের সঙ্গে একটু কথা বলে যাবেন। সবার হয়ে গেলে। আইভেট।

শ্রীমন্তের কথা মানতেই হয় মদনকে। শ্রীমন্ত তার ডান হাত। মদন নিচু গলায় বলে, ফালতু লোক কিছু কাটিয়ে দে।

হরিদা তার ছেলেকে মেডিকলে ভর্তি করানোর কথা বলতে এসেছে। কাল আসতে বলে দিই ?

দে।

আর জয় ?

ও কী চায় ?

কিছু বলেনি। তবে কিছু চায় নিশ্চয়ই।

কাটিয়ে দে।

তাহলে ওদের নিয়ে আমি চলে যাচ্ছি। দুপুরে কি প্রেস ক্লাবে আসতে হবে ?

আসিস।

শ্রীমন্ত ওঠে। পেটানো বিশাল চওড়া তার শরীর। একবার তাকালেই তার পেশা সম্পর্কে সন্দেহ থাকে না। সে গিয়ে দরজার ভিড়টাকে প্রায় কোলে নিয়ে রাস্তায় নেমে গেল।

একটা চেনামুখের দিকে চেয়ে মদন হাসে, কী খবর ?

আধবুড়ো সজ্জাস্ত চেহারার ভদ্রলোকটি কিছু উত্থ হয়ে বলেন, রেল বোর্ডে আমার কেসটার কথা তুলাবেন বলেছিলেন।

কাগজপত্র কিছু দিয়েছিলেন আমাকে ?

দিয়েছিলাম। গত জানুয়ারিতে।

ওঃ, তাহলে হারিয়ে ফেলেছি। মাঝখানে ফিলিপিনস মালয়েশিয়া সব যেতে হয়েছিল ডেলিগেশনে। ফিরে এসে দেখি, ফাইলে অনেক কাগজপত্র নেই।

তাহলে ?

একটা চিঠি করে দিয়ে দেবেন আমার কাছে। দেখব।


কথাটা ভাল করে শেষ করার আগেই বাঁ ধারের বুক কেসের কাছে দাঁড়ানো এক মহিলা বললেন, বাবা, আমার কথাটা একটু শুনে নেবে ? বাড়িতে ছোট বাচ্চা রেখে এসেছি। দূরও অনেক, সেই বোড়াল।

বলুন।

আমি মনু হাটির মা।

ও। মনু কে যেন ?

আমার ছেলে। ওই বড়। মেজো নব।



নব ?

নীলু হাজরার খুনের দায়ে যে ছেলে জেল খাটছে ।

মদন একটু নড়ে বসে, ও, তা কী চাই আপনার ? নবর জন্য তো আর কিছু করার নেই ।

তার বউ বাচ্চা সব আমার ঘাড়ে । মশু এক পরসাপ দেয় না । নব জেলে । আমি কী করে চালাই ?

আর্নিং মেম্বার কেউ নেই ?

না । নবর বউ একটা সেলাই স্কুলে কাজ করে । কিছু পায় । তাতে হয় না ।

আমাকে কী করতে বলেন ?

নবর অফিসে যদি ওর বউয়ের একটা চাকরি হয় ।

কোন অফিস ?

বেহালায় । সি সি পি কারখানা । বউ অনেক ধরাধরি করেছে, হয়নি ।

কী বলে ওরা ?

খুনের বউকে চাকরিতে নেবে না ।

সি সি পি না কী বললেন ?

সি সি পিই হবে বোধহয় । তাই তো শুনি ।

আচ্ছা, বাইরে শ্রীমন্ত আছে । ওকে ডেকে ডায়েরিতে নামটা লিখিয়ে যান । দেখব ।

দেখো বাবা ।

একটা কথা বলব মাসিমা ? নীলু হাজরা ছিল আমার এক বন্ধুর ছোট ডাই । আমরা সবাই ভালবাসতাম তাকে । ভারী ভাল ছেলে ছিল ।

নব হাটির বিধবা মায়ের চেহারাটা খুব নিরীহ ধরনের নয় । বয়স হলেও ডাকসাইটে স্বভাবের ছাপ আছে । কথাবার্তায় কোনও জড়তা নেই, ভয়ভর নেই । যে কোনও জায়গা থেকে কাজ আদায় করে আনার ক্ষমতা রাখে কিন্তু মদনের এই শেষ কথাটায় বড়ি একটু কেমনধারা ভাবাচাচাকা খেয়ে যায় । সন্দ্বিহান চোখে মদনের দিকে চেয়ে থেকে বলে, তাহলে কি ওর বউয়ের জন্য একটু বলবে না বাবা ?

মদন হাসল, খুন তো করেছে নব, ওর বউ তো নয় । বলব । তবে আমি দিল্লি হলে যতটা পারতাম এখানে ততটা তো পারি না । তবু বলে দেখব । কারখানার মালিক কে জানেন ?

কানোয়ার না কী যেন ।

এই যে লম্বা চওড়া ছেলেটা ঘর থেকে বেরিয়ে গেল ওই শ্রীমন্ত । রাস্তায় আছে, একটু খুঁজে নিয়ে তার কাছে সব লিখিয়ে দিয়ে যান । আপনার বউমার নামও ।

আচ্ছা ।

গ্রেস ক্লাব থেকে দুপুরে একটা ফোন করল মদন ।

মাধব ?

আরে মদনা ? কোথেকে ?

মালদার ইনটিরিয়ারে বান দেখতে গিয়েছিলাম ।

দেখলি ?

দেখলাম । মেলা জল ।

ফি বছরই অফুর সংবাদ । এখানে জল, সেখানে জল, মরছে ভাসছে
গৃহহারা হচ্ছে । তোরা করছিস কী ?

দিল্লিতে বসে মোচ তাওড়াচ্ছি । কী করার আছে ? ভেসে যাক, সব ভেসে
যাক ।

দে ভাসিয়ে তবে শালা, দে ভাসিয়ে । কোথায় উঠেছিস ?

আবার কোথায় উঠব । মনোহরপুকুর ।

দিদির হাত ছাড়িয়ে আমার গাভ্রায় চলে আয় । কদিন আছিস ?

পুজোটা থেকে যাওয়ার ইচ্ছে ছিল । হচ্ছে না । দিল্লি থেকে ডেকে
পাঠিয়েছে, আবার এক ডেলিগেশনে অস্ট্রেলিয়া যেতে হবে ।

ভ্যানতারা রাখ । তোর ডেলিগেশনও চিনি, তোর অস্ট্রেলিয়াও চিনি ।
কদিন আছিস তাই বল ।

আমি নেই রে । পরশুদিন চলে যাচ্ছি ।

তাহলে আজ চলে আয় ।

পাগল ! আজ দিদি ত্রিশ টাকা কিলোর চিংড়ি আনিয়েছে ।

তাহলে কাল ?

দেখি । ঝিনুক কেমন আছে ?

ঝিনুক ঠিক ঝিনুকের মতো আছে । ক্যাপটিভ ইন হার ওন শেল ।

আমি বাবা তোদের সাইকোলজিক্যাল প্রবলেমগুলো একদম বুঝি না ।
মানুষের খাওয়া পরার সমস্যা আছে, আখিব্যাধি আছে, দুঃখ টুঃখও আছে, তবে
তোদের সব সৃষ্টিছাড়া ব্যাপার ।

তোর সব কিছু বোঝার দরকার কী ? তুই যেমন দেশ কি নেতা মদনকুমার
হয়ে আছিস তাই থাক না ।

মদন খুব হো হো করে হেসে বলে, ইয়েস, মদন ইজ দেশ কি ন্যাভা ।
মদনাকে খুব সমঝে চলবি, বুঝলি ।

আর সমঝাতে হবে না বাবা । ন্যাভাদের খুব ভক্তি মান্যি করি । ভাত
কাপড় না দিক, কিলটাও আবার না বসায় ।

বটেই তো । মদন গম্ভীর হয়ে বলে । তারপর গলাটা এক পর্দা নামিয়ে
বলে, আরে শোন । নব হাটির মা এসেছিল আজ । ছেলের বউয়ের জন্য
চাকরি চায় ।

ওপাশ থেকে মাধবের সাড়াশব্দ কিছুক্ষণ পাওয়া গেল না । বেশ একটু

ফাঁক দিয়ে আশ্বে করে বলল, ছেলের বউয়ের জন্য চাকরি চায় ? নবর বউ সেই গৌরী না ?

হ্যাঁ । মদন একটা চাপা শ্বাস ছেড়ে বলে, খুব টেটিয়া বুড়ি । নব জেলে যাওয়ায় ওর বউ বাচ্চা নিয়ে নাকি বুড়ি বিপদে পড়েছে ।

মাধব একটা দীর্ঘশ্বাস ফেলে বলল, যা পারিস করিস । ওদের দোষ কী ? পাগল নাকি ? অনেক ব্যাপার আছে ।

কী ব্যাপার ?

পলিটিকস করতে গেলে সব দিক বিবেচনা করে ডিসিশন নিতে হয় ।

তুই কি নবর বউকে চাকরি দেওয়ার মধ্যে পলিটিক্যাল গেইন খুঁজছিস নাকি ?

আই অলওয়েজ ওয়াস্ট টু প্লে ইট সেফ, দেখতে হবে মতলবখানা কী । আমাকে ফাঁসাতে চায় কি না ।

ধূস শালা । খেতে পাচ্ছে না, তাই তোকে মাতব্বর ধরেছে । এর মধ্যে অন্য মতলবের প্রশ্ন আসছে কোথেকে ?

পাবলিকের মন সবসময়েই ভারী সরল । আমাদের বুদ্ধি একটু প্যাঁচালো ।

এই যে একটু আগে বললি মানুষের মনের ঘোঁরপ্যাঁচ বুঝিস না ।

একেবারেই যে বুঝি না তা নয় । একটু একটু বুঝি, তবে তোর বা ঝিনুকের কথা আলাদা, তাদের তো কোনও বাস্তব সমস্যা নেই । তোরা কুঁখে কুঁখে সমস্যা তৈরি করছিস ।

আমাদের ঘোরতর একটা বাস্তব সমস্যা রয়েছে । আমাদের কোনও বাচ্চা নেই !

আঃ হাঃ, সে তো আমারও নেই ।

তোর নেই কে বলল ?

তাহলে আছে বলছিস ?

থাকতেই পারে । লেজিটিমেট না তো ইললেজিটিমেট, বিয়ে তো করলি না স্বেচ্ছ ভয়ে । পাছে বউ এসে পলিটিক্যাল ক্যারিয়ার তৈরি করায় বাগড়া দেয় ।

বিয়ের বয়স যায়নি ব্রাদার । নাউ আই অ্যাম এ মোর এলিজিবল ব্যাচেলর ।

ধূস শালা । এম পি একটা পাস্তুর নাকি ? আজ আছে, কাল নেই ।

কেন, লোকের মুখে শুনিসনি, পাঁচ বছর এম পি থাকতে পারলে সাত পুরুষ পায়ের ওপর পা দিয়ে চলে যায় ।

তা বটে । তাহলে কাল তোকে এক্সপেক্ট করছি ।

দেখা যাক ।

দেখা যাক নয় । আমি আর ঝিনুক কাল বাসায় থাকব তোর জন্য ।

খুব চেষ্টা করব, না পারলে ফোন করব, তোর বাসার ফোন ঠিক আছে তো ?

কপালাতোরে আছে । গত মাসেও পনেরো দিন বিকল ছিল, কালও যে
পাকবে না তা বলা যায় না

গীতানের উদ্ধার দিক্তোর কথাই আমাদের ভাবা উচিত ।

মাসের একটা দীর্ঘশ্বাস ছেড়ে বলে, তোর মতো গাড়লরা গদিতে বসলে কী
করে মানুষ উজ্জ্বল দিক নিয়ে ভাববে ?

খুব হেসে মদন বলল, আচ্ছা, আর এ পর্যন্ত ।

বলে ফোন রেখে দেয় ।

বাবা আধো অন্ধকার সন্ধ্যায় ঘরের মধ্যে বসে আছেন । মুখটা অস্পষ্ট, গায়ে
একটা সাদা হাফশাট, পরনে খাকি রংয়ের প্যান্ট । টেবিলে কনুই, হাতের
তেলোয় খুতনির ভর । একটু কুঁজো হয়ে চুপ করে চেয়ে আছেন । ভারী
নির্জন চারদিক । শুধু পাখিরা ডাকাডাকি করছিল খুব । আর ঝিঝি । দরজায়
দাঁড়িয়ে দেখছিল কিনুক । সে তখন ছোট, বছর দশেকের মেয়ে । দৃশ্যটা
আজও সব তুচ্ছাতিতুচ্ছ খুঁটিনাটি নিয়ে মনে আছে ।

বরাবরই বাবা চুপচাপ মানুষ । কঠিন, কর্তব্যপরায়ণ, কম কথা মানুষ ।
চেহারাটা লম্বা, মজবুত হাড়ের চওড়া কাঠামো, কালো, কর্কশ মুখশ্রী । তবু
বাবার তুল্য পুরুষ কিনুক কখনও দেখেনি ।

সেই সন্ধ্যার অন্ধকারে বাবার কাছে যেতে খুব ইচ্ছে হয়েছিল তার । কিন্তু
সে স্পষ্টই দেখল, বাবা সেই ঘরে ঠিক বসে নেই । শুধু শরীরটা পড়ে আছে,
আসল বাবা অনেক দূরে কোথাও বেড়াতে চলে গেছে বুঝি ।

কিনুক আস্তে আস্তে সাহস করে এগিয়ে গেল কাছে ।

বাবা, তোমার কী হয়েছে ?

বাবা আস্তে হাতখানা বাড়িয়ে কিনুকের চুলগুলো এলো করে দিল, হাঁটের
কাছে বুক চেপে উর্ধ্বমুখে কিনুক বাবার অস্পষ্ট মুখ দেখছিল । ভারী দুঃখী
মুখ ।

বাবা, তোমার মন খারাপ ?

না তো । এই একটু ভাবছি ।

কী ভাবছ ?

তোমাদের কথা ।

কেন বাবা ?

এমনি । আমি মাঝে মাঝে তোমাদের কথা ভাবি ।

বাস, এর বেশি আর কথা হয়নি, তবু কত গভীর কত স্পষ্টভাবে দৃশ্যটা তার
কালের চিহ্ন একে রেখেছে আজও মনের মধ্যে ।

তুমি বড় বেশি বাবা-বাবা করো কিনুক, বিয়ের কয়েক মাসের মধ্যেই একটু



অনুযোগের সুরে কথাটা বলেছিল মাধব । তেমন কিছু নয় তবু তৎক্ষণাৎ নতুন স্বামীকে মনে মনে ঘৃণা করতে শুরু করেছিল সে । কোনও জবাব দেয়নি, স্বগড়া করেনি ।

ঝিনুক ভাবে, আমার বাবার মতো যে তোমরা কেউ নও ।

পুরুষরা ঝিনুককে কী চোখে দেখে তা সে জানে । পথে ঘাটে যেসব পুরুষ তার দিকে তাকায় তাদের কাছে সে স্বেচ্ছা গোলাপি মাংস । মাধবের কাছে সে ভারী একঘেয়ে, বিরক্তিকর, বিটখিটে মেয়েমানুষ । তার যদি ছেলে থাকত তবে সব অন্যত্রকম হত, পুরুষমানুষের প্রতি এত ঘেন্না থাকত না ।

ঘেন্না ? না, তাই বা বলে কী করে ? পুরুষমানুষকে ঘেন্না পেলে সে কি বাবাকে অত ভালবাসতে পারত ?

বাবার কথা ভেবে আজ আবার একটা দীর্ঘশ্বাস পড়ল ঝিনুকের ।

উদাসিনী ঝিনুক তার বটুমাটা দোলাতে দোলাতে ভারী আনমনে হাঁটছিল, একজনের সঙ্গে তার দেখা হওয়ার কথা, হয়তো এশুনি, হয়তো একশো বছর পর । কিন্তু হবে, সে মানুষ কেমন হবে তার একটা ভাসা ভাসা ধারণা আছে তার, স্পষ্ট কিছু জানে না । তবে এটুকু জানে, তার অনেকখানিই থাকবে এক প্রদোষের অন্ধকারের মতো রহস্যো ঢাকা । খানিকটা চেনা যাবে, অনেকখানি থাকবে অচেনা ।

গড়িয়াহাটা ব্রিজের একদম মাঝখানে অনেকটা উঁচুতে উঠে ঝিনুক একটু ধীর হল । এপাশ ওপাশ দিগন্ত পর্যন্ত তাকিয়ে দেখল । কত দূর । কত দূর । পৃথিবীর অন্ত নেই । দূরন্ত বাতাস এসে লাগছে নাকে মুখে । উজ্জ্বল আলো, নীল আকাশ । মানুষ পাছে লাফিয়ে পড়ে আত্মহত্যা-টত্যা কিছু করে সেই ভয়েই বোধহয় ব্রিজের মাঝ বরাবর দুধারের রেলিং-এর সঙ্গে মস্ত উঁচু জ্বালের বেড়া । জ্বালের ধারে দাঁড়িয়ে একটু দেখতে ইচ্ছে করছিল তার । কিন্তু রাস্তার লোকজন তাকাবে, ভাববে । ঝিনুক দাঁড়াল না । কিন্তু খুব ধীর পায়ে ঢালু বেয়ে নামতে লাগল । নীচে একটা নদী থাকলে এই ব্রিজটা আরও কত ভাল লাগত । ঢালুর মুখেই তার মনে পড়ল, মোগলসরাই । মোগলসরাই ! সে এক অদ্ভুত ভাল জায়গা । সেইখানে থাকার সময় মাঝে মাঝে জিপ জোগাড় করে তারা পুরো পরিবার বোঝাই হয়ে যেত বারাগসী । মাঝপথে মস্ত ব্রিজ, নীচে গঙ্গা । বাবা সেখানে জিপ দাঁড় করাবেই । আর তখন ওই বয়সে ঝিনুক সেই ব্রিজ থেকে গঙ্গার প্রবহমানতার দিকে চেয়ে মুক হয়ে যেত ভয়ে কিম্বায়ে । শক্ত করে বাবার হাত ধরে থাকত সে । নইলে যে ভীষণভাবে গঙ্গা টানত থাকে । কেবলই মনে হত, অনিচ্ছা সত্ত্বেও হয়তো সে লাফিয়ে পড়বে । আজও উঁচু জায়গা থেকে নীচে জল দেখলে হাত পা কেমন সুলসুল করে তার । সম্মোহিত হয়ে যায় । মর্মে হয় জল তাকে ডাকে । জল কি প্রেমিক ।

আপনমনে একটু হেসে ফেলে ঝিনুক । কী অদ্ভুত সে । জল কি প্রেমিক ? একথাটা মাথায় এল কী করে ? মনটা বড় উড়ে উড়ে থাকে আজকাল, কোথাও

বসতে চায় না। বড় বেশি কবিতা পড়ছে বলে নাকি ?

ব্রিজ থেকে নেমে ডান ধারে পঞ্চাননতলায় একটু ভিতর দিকে শুস্তির বাসা। অনেক ঘাটের কল খেয়ে কয়েক মাস হল এক কাঁড়ি টাকা অ্যাডভান্স দিয়ে একতলার ছোট একটা বাসা নিয়েছে। বোন কান্ধকাছি আসায় ঝিনুক প্রায়ই একবার টু মেরে যায়। বয়সে প্রায় পাঁচ বছরের ছোট শুস্তি জমাট সংসারী। দুটি ছেলের মা। অল্পসং সমস্যা কষ্টকিত। সবসময়েই মুখে একটা ভাবাচ্যাকা ভয় পাওয়া ভাব।

ঝিনুক ঘরে ঢুকতেই শুস্তি বলে উঠল, উঃ দিদি রে, ঝি-এর অভাবে মরে গেলাম। সে না একটা ভাল দেখে ঝি। আজও আমাদেরটা কামাই করেছে। এঁটো বাসন ভাই হয়ে পড়ে আছে, অ্যাভো বাসি জামা কাপড় জমে আছে, ঘর মোছা হয়নি, কী যে করি।

ডানার ভর ছেড়ে ঝিনুক মাটিতে নামল। জাগল। চারদিকে চেয়ে দেখে গেল, একটুও টিপটপ থাকতে পারছিল না। কী যে করে রেখেছিস ঘরখানা।

ছেলে দুটো যে হাড় বজ্জাত। সারাদিন গোছাচ্ছি, সারাদিন লণ্ডভণ্ড করছে।

ঝিনুক সামনের ঘরে সোফা কাম বেডের বিছানায় বসে হাঁফ ছেড়ে বলল, ঠিক আছে, আমি গিয়ে পুনমকে পাঠিয়ে দিচ্ছি। আজকের মতো ঘরদোর সেরে দিয়ে যাক।

ও বাবা। চোখ বড় করে শুস্তি বলে, পুনমকে দিয়ে কী হবে। ও মুসলমান যে।

ঝিনুক আর একটু জ্বলে ওঠে। তাই তো, মনে ছিল না। মানুষের কতরকম সমস্যা থাকে, যা তার নেই। ঝিনুকের একটু চা খাওয়ার ইচ্ছে হয়েছিল। কিন্তু শুস্তির অবস্থা দেখে আর খেতে চাইল না। উঠতে উঠতে বলল, আজ্ঞা, দেখব।

শুস্তি বাইরের ঘরেই বীট পেতে আলুর খোসা ছাড়াতে বসেছে। গলা একটু নামিয়ে বলল, এ বাসাও ছাড়তে হবে। শিছন দিকে রেল লাইনের আশে পাশে শুতা বদমাস ওয়াগন ব্রেকারদের আচ্ছা। কালও একটা ছেলেকে তাড়া করে ওই ভিতর দিকে নিয়ে গেল। মেরেই ফেলেছে বোধ হয়, আর কী বিচ্ছিরি বিচ্ছিরি গালাগাল, শোনা যায় না।

ঝিনুক চোখ বড় করে চেয়ে থাকে। পৃথিবীতে এসব-ও ঘটে। কত কী ঘটে! মানুষ কতরকম ভাবে বেঁচে আছে। সে নিজে অবশ্য এতসব টেরও পায় না। বাগিগঞ্জের অভ্যন্ত নির্জন সুন্দর পাড়ায় চমৎকার ফ্ল্যাটে থাকে সে। নিজস্ব ফ্ল্যাট, কোনও দিন ছাড়তে হবে না। তার কাজের লোকের অভাব লমচিৎ হয়, কারণ সে প্রচুর টাকা মাইনে দিতে পারে। তবে কি শুস্তির চেয়ে সে সুখী ?

শুস্তির দিকে একটু চেয়ে থেকে নিজের সঙ্গে মেলাল সে। কিছুক্ষণ চোঁটা

কারে হাল ছেড়ে নিল। এভাবে মেলানো যায় না। সুখ দুঃখের তুলনা কিছুতেই হয় না কখনও। শুষ্কির বাসায় পা দিলেই তার এক ধরনের কষ্ট হয়, হাঁফ ধরে যায়। সে নিজে নিঃসন্তান আর শুষ্কি দুটি ছেলের মা বলে তার কখনও হিংসে হয় না। শুষ্কির ছেলে দুটোকে সে হুব্ ডাকবাসে। মাঝে মাঝে তার শুধু মনে হয়, একটা ছেলে থাকলে বেশ হত।

ঝিনুক অনেকটা জেগেছে। একটু ভেবেচিন্তে বলে, এবার তোরা একটা ফ্ল্যাট কিনে নে না।

টাকা কই? ফ্ল্যাটের যা দাম। এই তো দেখ, সেড ঘরের ফ্ল্যাটের জন্য মাসে খোক চারশো টাকার মতো বেরিয়ে যাচ্ছে। হাতে কী থাকে বল। আমাদের ওসব হবে টরে না। চিরকাল ভাড়া বাড়িতেই পচে মরব।

বাদবাকি সময় অনেক কথা হল, কিন্তু ঝিনুক তখন মাটি ছেড়ে উড়েছে আবার, ভারী আনমনা।

শুধু উঠবার মুখে শুষ্কি বলল, একটা খবর শুনেছিস মিসি?

কি রে?

নীলুকে যে খুন করেছিল, সেই নব শুতা নাকি জেল থেকে পালিয়েছে।

ঝিনুক খুব আনমনা বলে, তাই নাকি? বলেই হঠাৎ চমকে উঠল সে।

নীলু! নীলুকে কে খুন করেছে?

তোর ভগ্নীপতি কোথা থেকে শুনে এসে কাল রাতে বলল।

ঝিনুকের ভারী মূশকিল। শত চেষ্টাতেও সে মনটাকে কোনও একটা জায়গায় রাখতে পারে না। কত-কথা শোনে, ভুলে যায়। রাস্তায় বেরিয়ে নব শুতার কথাও সে ভুলেই গিয়েছিল প্রায়। কিন্তু হঠাৎ রুমরুম নুপুর বাজিয়ে শরভের কিশোরী বৃষ্টি এল। দু মিনিট। একটা সিঁড়িতে উঠে দাঁড়াল ঝিনুক। আর তখনই ওই সাদা রোদে মাখামাখি এক অপরাধ রূপালি বৃষ্টির দিকে চেয়ে থেকে মনে পড়ল তার। নব হাটি। নব হাটি কী অদ্ভুত নাম। লোকটা জেল থেকে ছাড়া পেল কেন? না, ছাড়া পায়নি তো। পালিয়েছে। তাই তো বলছিল শুষ্কি। রূপোলি বৃষ্টির নাচ দেখে কেন কথাটা মনে হল? একটা সম্পর্ক আছে নিশ্চয়ই। কিন্তু নবর কথা নয়, বার বার নীলু এসে হানা দিচ্ছে মনের মধ্যে, যেন এক পাগলা বাতাস। ঝিনুকের ভিতরে উড়ে বাচ্ছে কাগজের টুকরো, উড়ছে পর্দা, ভেঙে পড়ছে কাচের শার্শি। ওলট পালট। ওলট পালট।

বৃষ্টি থামল। মেঘভাঙা রোদ অজস্র গমনার মতো পড়ে আছে চারপাশে। গলির মুখে এসে একটা রিকশা নিল ঝিনুক। নইলে চাট থেকে কাদা ছিটকে দামি শিকনের শাড়িটায় দাগ ধরাবে।

বাড়িতে ফিরে ঝিনুক বাইরের ঘরে পাখাটা চালিয়ে একটু বসে। এ তার বহুদিনের অভ্যাস। সেক্টর টেবিলের নীচের থাকে একটা দামি সিগারেটের খালি প্যাকেট।

ঝিনুক শু কৌচকায়। মনে পড়ে না। কার প্যাকেট? কে ফেলে গেল? মাঝে তো এ সিগারেট খায় না।

নিচু হয়ে প্যাকেটটা তুলে নেয় ঝিনুক। দু হাতে ধরে চেয়ে থাকে যত্নে। কোনও মানে হয় না। মনে পড়বে না।

কিন্তু চোখ তুলতেই মনে পড়ল। ঠিক এই সোফায় বসে কাল দুপুরে অনেক সিগারেট খেয়েছিল বৈশম্পায়ন। কী অদ্ভুত গুর সেই বসে থাকা। গুর বউ শর্মিষ্ঠা গেছে পুজোর বাজার করতে। গুর ছোট ছেলেটা ঘুমোচ্ছে। আর ও বাইরের ঘরে অদ্ভুত মুখ করে বসে আছে।

ঝিনুক সব জানে। সব জানে। বৈশম্পায়ন কেন আসে ফিরে ফিরে। ঈশ্বর।

বার বার উঠি উঠি করছিল বৈশম্পায়ন। বাইরে গিয়ে ঘড়ি দেখছিল শর্মিষ্ঠা ফিরছে কিনা। আসলে তো তা নয়। এই একা বাড়িতে ঝিনুকের মুখোমুখি বসে থাকা তার কাছে অস্বস্তিকর। বড় অস্বস্তিকর।

মনে মনে ভারী হাসে ঝিনুক। অত যদি লজ্জা তবে ফটো তুলেছিলে কেন?

ব্যাপারটা আর কেউ জানে না। এমনকী বৈশম্পায়নও জানে না যে, ঝিনুক জানে। বৈশম্পায়নের কাছে কথাটা কখনও বলেনি সে। স্বামীর বন্ধুর সঙ্গে যেমন প্রথম পরিচয় এবং তারপর কিছু ঘনিষ্ঠতা হয় তার বেশি কিছুই করেনি ঝিনুক। কিন্তু তার এই একটা ঘটনার স্মৃতি আছে। বৈশম্পায়নকে এই তার প্রথম দেখা নয়, বৈশম্পায়নেরও নয় ঝিনুককে প্রথম দেখা।

গুরুপ্রসাদ চৌধুরী লেনে থাকতে বলাই সিংহী লেন ধরে আমহাস্ট স্ট্রিট পেরিয়ে ব্রাহ্ম বালিকা বিদ্যালয়ে পড়তে যেত ঝিনুক। আর তখন ডান দিকে আমহাস্ট স্ট্রিটের মোড়ে রামমোহন রায় হোস্টেল থেকে কয়েকটা ছেলে রোজ পক্ষ করত তাকে।

ঝিনুক শুধু একজনকেই লক্ষ্য করেছে। অনুগত, বিশ্বাসী ভক্তের মতো, দোতলার এক জানালায় তার কামাই ছিল না কখনও। তবে সে মাঝে মাঝে নেমে আসত, পিছু নিত। বহু দূর ঘুরে উল্টো দিক দিয়ে এসে মুখোমুখি হত। তবে সাহসের অভাবে কখনও কথা বলেনি। সেই নীরব ভালবাসা কিশোরী ঝিনুকের সর্বাত্মক বকুলের মতো ঝরেছে তখন। এক বছর গড়িয়ে যাওয়ার মুখে একদিন ঝিনুক দোতলায় ছেলেটিকে খুঁজে পেল না। একটু অন্ধাক হয়েছিল সে। ছেলেটা গেল কোথায়?

ছেলেটা আসলে কোথাও যায়নি, শুধু জায়গা বদল করেছিল। নীচের তলায় হোস্টেলের কমনরুমে টুকটাক টেবিল টেনিসের আওযাজ পেয়েছে ঝিনুক। সেই কমনরুমের খোলা জানালায় চোখের কাছে ক্যামেরা তুলে তাক করে দাড়িয়েছিল ছেলেটা। ঝিনুক তাকাতেই শাটার টিপল। তারপর খুব ডায়-পাওয়া ক্ষীণ গলায় বলল, আমি এখান থেকে চলে যাচ্ছি। আর দেখা

হবে না ।

ঝিনুক জবাব দেয়নি । আজকালকার ছেলেমেয়ে হলে কবে লটপটর করে ফেলত । কিন্তু তারা পারেনি । শুধু একটু মনথারাপ হয়েছিল ঝিনুকের । আর দেখা হবে না ?

অবশ্য না হলেই বা কী ? উঠতি বয়সের সুন্দরী ঝিনুক তার পরেও কত পুরুষের দৃষ্টিতে স্নান করেছে ।

কিন্তু বৈশম্পায়ন ঠিক বলেনি । দেখা তো হল । কেউ কাউকে চেনা দিল না । কিন্তু চিনতে পারল ঠিকই । ঘটনাটা মনেই থাকত না ঝিনুকের, যদি সেদিন বৈশম্পায়ন ছবি না তুলত । বড় জানতে ইচ্ছে করে, সেই ছবিটা আজও বৈশম্পায়নের কাছে আছে কি না ।

সিগারেটের প্যাকেটটা ঝিনুক আরও কিছুক্ষণ দেখল চেয়ে । তারপর উঠে গিয়ে ট্রাশ বিন-এ ফেলে দিয়ে আসবার সময় শুনল, কোন বাজছে ।

ঝিনি ?

হ্যাঁ ।

একটা খবর আছে ।

কী খবর ?

মদনা এসেছে ।

মদনাটা আবার কে ?

আরে মদনা, আমাদের মদনা । এম পি ।

তাতে কী হল ?

না বলছিলাম, ওকে কাল বেতে বললে কেমন হয় ।

সে তুমি বুঝবে । আমি কী বলব ?

না, না, মানে বাড়িতে তেমন কোনও ঝামেলা কোরো না । ভাবছিলাম, চীনে রেস্টুরেন্টের খাবার নিয়ে যাব ।

ভয়টা তো খাবার নিয়ে নয় ।

ও হে হে, তুমি যা পাজি হয়েছ না । আচ্ছা, এবার খুব ছোট একটা বোতল খোলা হবে ।

সে তুমি খোলো গিয়ে । কাল আমি শুস্তির বাসায় গিয়ে বসে থাকব বিকেলে ।

আরে, কী যে মুশকিল । এবার ঝামেলা হবে না, ঠিক দেখো । আরে, আমাদেরও তো বয়স হচ্ছে । আগের মতো বেহুদ ছেলেমানুষ আছি নাকি ?

তোমার ফ্ল্যাট, তাতে তুমি যা খুশি করবে । আমার কী ? আমি থাকব না ।

এই কি প্রেম ঝিনি ?

সেটাও তুমি বুঝে দ্যাখো ।

এটা প্রেম নয় ।

আমি তো প্রেম চাই না ।

তা বাটে। তুমি সত্যিই প্রেম চাও না। মাধবের একটা দীর্ঘশ্বাস শোনা গেল। খানিকক্ষণ চুপ করে থেকে বলল, তাহলে ড্রাই হোক ?

সে তোমার খুশি।

বিস্ময়ে আপত্তি নেই তো ! ওটা তো মদের ক্যাটাগোরিতে পড়ে না।

ওসব আমি জানি না। মদনার গলা জড়িয়ে ধরে তুমি বদনা বদনা খাও। আমি সং সেজে বসে থাকতে পারব না।

না হয় তুমিও একটু খাবে। স্বাদটা জেনে রাখা ভাল।

আমার স্বাদের দরকার নেই।

আচ্ছা তাহলে ড্রাই। এক্সট্রিমলি ড্রাই। ও কে ?

কী একটা জরুরি কথা বলা দরকার যেন মাধবকে। কিছুতেই মনে পড়ছে না। অথচ বলা দরকার। ভীষণ দরকার।

শোনো, একটু ধরে থাকো। জরুরি কথা আছে।

মনে পড়ছে না ?

না। তবে পড়বে।

ধরে আছি। তুমি বরং কথাটা মনে করার চেষ্টা না করে বাথরুমে গিয়ে ঢোল-মুখে জল দাও। গুনগুন করে একটু রবীন্দ্রসঙ্গীত গাও। মনটাকে ন্যাদিকে ব্যস্ত রাখো। তাহলে হঠাৎ মনে পড়বে।

আঃ, একটু চুপ করো না। এক্ষুনি মনে পড়বে।

চুপ করছি। কিন্তু তুমি একটু অন্য কথা ভাবো না ঝিনি। মনে করো আমরা সেই উগ্রী নদীর ধারে দাঁড়িয়ে হাঁ করে পরেশনাথ পাহাড়ের দিকে চেয়ে থাকি। তুমি উঠতে ভয় পেয়েছিলে বলে ওঠা হল না। মনে পড়ে ?

মোটাই ভয় পাইনি। এক সাধু আমাদের উঠতে বারণ করেছিল।

ওই হল। সাধু ভয় দেখিয়েছিল, আর তুমি ভয় পেয়েছিলে।

সাধু ভয় দেখায়নি। সাবধান করেছিল।

এবার মনে পড়ছে ?

কী ?

জরুরি কথাটা ?

না, কিন্তু মনে পড়বে।

মনে করার চেষ্টা কোরো না। খবরদার। বরং আমাদের সেই বীভৎস মণ্ডলিমায় কথাটা মনে করো। নিছক বাঙালি বলে কিছু ছেলে সেবার সমুদ্রের পারে আমাদের কী রকম হেঁকেল করেছিল। নতুন বউয়ের সামনে আমি একটু লজ্জা হতে গিয়ে কী রকম...

আঃ, চুপ করো না। ওসব কথা বলে আরও সব গুলিয়ে দিচ্ছ আমার। দাঁড়াও আসছি।

ওই বলে ক্যাডলের পাশে রিসিভার রেখে দ্রুত পায়ে শোওয়ার ঘরে ঢেকে পালিয়ে গেল। খুব ভাল সুগন্ধ মাখলে তার মন স্বচ্ছ হয়ে যায়। নিউ মার্কেট থেকে

কেনা দুর্দান্ত একটা জ্ঞানমান সেন্ট আছে । ক্যাবিনেট খুলে বুকে সেইটে দুবার স্প্রে করে ঝিনুক । সম্মোহনের মতো গন্ধ । ঘুমিয়ে পড়তে ইচ্ছে করে ।

শিশি জায়গা মতো রেখে উঠে আসতে গিয়ে নীলুর ছবিটা চোখে পড়ল । ভাগ্যিস ।

ফোন তুলে ঝিনুক বলে, নীলুকে যে খুন করেছিল তাকে মনে আছে ?

একটু চুপ করে থেকে মাধব যখন কথা বলল ফের, তখন সে অন্য মানুষ । এতটুকু রস-রসিকতা নেই গলায় । ধীর স্বরে বলল, আছে । কেন ?

তার নামটা কী ?

নব হাটি ।

সেই নব জেল থেকে পালিয়েছে ।

এবার এতক্ষণ চুপ করে থাকে মাধব যে, ঝিনুকের একবার সন্দেহ হয় ওপারে কেউ নেই ।

শুনছ ?

শুনছি । তোমাকে কে বলল ?

শুভ্রি ।

শুভ্রি জানল কী করে ?

ওকে বলেছে বিনায়ক ।

বিনায়ক কার কাছে খবর পেল ?

অত শত ডিক্লেস করিনি । তবে মনে হল, খবরটা জরুরি । তোমাকে জানানো দরকার ।

খবরটা খুবই জরুরি । ভীষণ জরুরি । তোমাকে ধন্যবাদ ঝিনি ।

কাল থেকে শুয়ে বসে সময় কাটাচ্ছে বৈশম্পায়ন । ডাক্তার বলেছে, রেন্ট নিন । কিন্তু মনে অস্থিরতা থাকলে কী করে মানুষ বিশ্রাম করবে কে জানে ।

কালীঝোয়ার ডাকবাংলো থেকে সেই কবে তিস্তার উপত্যকা দেখেছিল বৈশম্পায়ন ! সেই উপত্যকা আর নদী কী করে আশ্বে আশ্বে হয়ে গেল মৃত্যুর উপত্যকা, মৃত্যু নদী ! এত সুন্দর একটি নিসর্গ দৃশ্যকে মৃত্যুর রং মাখিয়েছে কে ? সে নিজেই কি ? নিজের ওপর নিয়ন্ত্রণ হারিয়ে ফেলেছে বৈশম্পায়ন ।

আলিপুরদুয়ার কোরটে সে বেশ মনের সুখে রাজত্ব করছিল । বাঁশবনে শোয়াল রাজা, বখেরা বাঁধল মানুষের ভাল করতে গিয়েই । বহুরে বন্যার পর সেবার গাঁ গঞ্জে যখন ভীষণ অসুখ বিসুখ দেখা দিল তখন সরকারি ডাক্তারদের অনেক বলে কয়েও সে গ্রামে যেতে রাজি করাতে পারেনি । নতুন চাকরিতে তখন উৎসাহ আর উদ্দীপনায় সে টগবগ করছে । একটা সং দৃষ্টান্ত স্থাপনের জন্যই সে ডাক্তারদের গ্রেফতারের আদেশ দিয়েছিল । প্রথম রাউন্ডে জিতেই

গিয়েছিল সে। ডাক্তাররা গ্রেফতার হল, জামিন পেল, তাদের বিরুদ্ধে কেস তৈরি করতে লাগল পুলিশ। কিন্তু এই ঘটনায় হুলস্থূল পড়ে গেল কলকাতায়। কাগজে খবর বেরোল। প্রতিক্রিয়াটা হল বিশাল রকমের। আলিপুরদুয়ারের ডাক্তাররা এই ঘটনার প্রতিবাদে রুগি দেখা বন্ধ করে দিল। সে এক বিশাল হই-চই। পুরো ব্যাপারটাই তার হাতের বাইরে চলে গেল, যখন একটি বড় রাজনৈতিক দল লেগে গেল পিছনে। রোজই তার অফিসে আর বাড়িতে মিছিল আসতে লাগল। গদি ছাড়ো, গো ব্যাক ইত্যাদি ধ্বনি দিত তারা। দু'দফায় আটচল্লিশ ঘণ্টা করে ঘেরাও থাকল সে। চিত্তু নামে একটা ছোকরা প্রায়দিনই মিছিলে বক্তৃতা দিতে উঠে যা খুশি বলত তার উদ্দেশ্যে। তখন বৈশম্পায়নের পাশে পুলিশ নেই, প্রশাসন নেই, একটা লোকও তার পক্ষে নয়। কলকাতা থেকে বড় অফিসার তদন্তে এসে খুব সম্ভাব্য দেখালেন না বৈশম্পায়নের প্রতি। বৈশম্পায়ন একবার তার নিরাপত্তার কথা তুলেছিল। অফিসার বললেন, পুলিশ প্রোটেকশন তো আছে।

এ অবস্থায় পুলিশ কী করবে? ওরা কো-অপারেট করছে না।

তাহলে কলকাতা চলে যান। ছুটি দিন।

তে-এঁটে, গের্তো বৈশম্পায়ন তবু ছিল। তখন ডুমকি হবে, তাই শর্মিষ্ঠা ছিল কলকাতায় বাপের বাড়িতে। হঠাৎ টেলিগ্রাম গিয়ে হাজির, শর্মিষ্ঠা সিরিয়াস। কাম শার্প।

বৈশম্পায়ন টেলিগ্রাম পেয়ে পাগলের মতো কলকাতায় রওনা হচ্ছিল। গাধা পেল ঘেরাওয়ে।

চিত্তু মধ্যমণি। বৈশম্পায়ন টেলিগ্রামটা তাকে দেখিয়ে মিনতি করল, বড্ড বিপদ আমার। এ সময়টায় যদি কনসিডার করেন।

চিত্তু মৃদু হেসে বলল, এটা পুরো ফলস টেলিগ্রাম। চালাকি করবেন না। এসব কায়দা অনেক পুরনো।

তখন শর্মিষ্ঠা ছিল ভীষণ প্রিয়, অকল্পনীয় আপন। সেই শর্মিষ্ঠা বাঁচে কি মরে ঠিক নেই, আর কতগুলো ইদুর তাকে আটকে রাখবে? বৈশম্পায়ন মাথা ঠিক রাখতে পারেনি। লাফিয়ে গিয়ে টুটি টিপে ধরেছিল চিত্তুর, তাকে আজ খুন করে ফেলব শুয়োরের বাচ্চা...

হাসপাতালে যখন সংজ্ঞাহীনতা থেকে আধো-চেতনায় ফিরে আসছিল বৈশম্পায়ন তখনই সে জীবনে প্রথম শুনেছিল মৃত্যু-নদীর গান। চারদিকে ঠম সাদা অনড় পাথর, নির্জন উপত্যকা আর উৎস ও মোহনাত্মক এক নদী। সেই থেকে নদী সঙ্গে আছে। দপ করে চেতনা জুড়ে জেগে ওঠে। তখন হাসপাতালের সব কিছুই অর্থ হারিয়ে ফেলে।

চিত্তু মিথো বলেনি। টেলিগ্রামটা ফলসই ছিল বটে। সে যখন আলিপুরদুয়ারের হাসপাতালে জীবন-মৃত্যুর সন্ধিক্ষণে, তখন কলকাতার এক গার্মিং হোমে নিরাপদে শর্মিষ্ঠা আট পাউন্ডের স্বাস্থ্যবান একটি ছেলে এসব

করেছে। ডুমকির জন্মের সঙ্গে সঙ্গেই এল বৈশম্পায়নের জীবনে পরিবর্তন।
ডুমকি লক্ষ্মীমন্তু ছেলে।

রাতে দুটো কামপোজ খেয়েছিল বৈশম্পায়ন। তবু যে খুব ভাল ঘুম হয়েছে
এমন নয়। শরীরে গভীর ক্লান্তি, মনে হাজার বছরের স্মৃতির ভার। ডাক্তার
বলেছে, ওভারওয়ার্ক, টেনশন, প্রেসার একটু কম।

কিন্তু আসলে তা তো নয়।

শর্মিষ্ঠা আজও বেরোচ্ছে পুজোর বাজার করতে। কাল একা একা ভেমন
সুবিধে করতে পারেনি। বুঝ খাকবে বাচ্চা কি সাক্ষীরা কাছে। বৈশম্পায়নও
একটু একা হতে চাইছে। জীবনে একার জন্য একটু সময় করে নেওয়া যে কত
প্রয়োজন।

শোওয়ার ঘরে কাপড় বদলাতে এসে শর্মিষ্ঠা বলে, আজ আর একদম
সিগারেট খাবে না।

হঁ। বালিশে মুখ ঢুকিয়ে রেখে বৈশম্পায়ন জবাব দেয়।

হঁ নয়, একদম খাবে না।

আচ্ছ।

আমার যদি দেরি হয় তবে সাবিত্রী তোমাকে খেতে দেবে। খেয়ে নিয়ো।

আচ্ছ।

শর্মিষ্ঠা ড্রেসিং টেবিলের সামনে দাঁড়িয়ে মুখের অসাধন সেরে নিল। এবার
শাড়ি পরবে। স্টিলের আলমারির দরজা খড়ম করে খুলে শাড়ি বাছতে বাছতে
বলল, ঝিনুক একটু অন্যরকম। আমাদের মতো নয়। না?

বৈশম্পায়ন জবাব দেয় না।

কাল অতক্ষণ ওদের কাড়িতে বসে থাকলাম ও কিন্তু একদম পাস্তা দিতে
চাইছিল না! অথচ এক একদিন দেখলে এমন করে যেন হারানিধি ফিরে
পেয়েছে।

বৈশম্পায়ন এবারও জবাব দেয় না।

শর্মিষ্ঠা হঠাৎ জিজ্ঞেস করে, ওদের সম্পর্ক কেমন গো?

কাদের?

ঝিনুক আর মাধববাবুর?

খুব ভাল। দুজন দুজনকে চোখে হারায়।

শর্মিষ্ঠা মাথা নেড়ে বলে, আমার মনে হয় না।

নাই বা হল, তাতে ওদের কিছু যায় আসে না।

তুমি তো সব ভাল দেখো। আমার মনে হয় ওদের সম্পর্কটা খুব কোন্ড।

তুমি জানো না।

ওরা স্বামী স্ত্রী আলাদা ঝাটে শোয়। জানো?

জানি। ওটাই আজকালকার ফ্যাশন।

একসঙ্গে না শুলে আবার স্বামী স্ত্রীর ভালবাসা কী? আমি তা কিছুতেই

পারব না ।

একসঙ্গে শোওয়াটাই কি ভালবাসা ?

তা নয় । তবে ভালবাসা থাকলে আলাদা শোওয়ার কথা ভাবাই যায় না ।

তোমার সব অদ্ভুত যুক্তি । বৈশম্পায়ন একটু হাসে, খাট আলাদা বলেই কি মনও আলাদা ?

শর্মিষ্ঠা রেগে গিয়ে বলে, তোমরা পুরুষরা কিছু বোঝো না । কেবল তত্ত্ব দিয়ে সব জিনিসকে বিচার করো । মানুষ তো থিয়োরি নয় । তার অনেক ব্যাপার আছে । আমি কাল পুনমের সঙ্গে কথা বলেও বুঝলাম, ওদের সম্পর্ক তেমন ভাল নয় ।

গোয়েন্দাগিরি করছিলে ?

একে গোয়েন্দাগিরি বলে না । ওদের ফ্ল্যাটটা অত সুন্দর, অত সাজানো, ওদের অত টাকা, দেখলে মনে হয় ভাগা যেন ঢেলে দিয়েছে । কিন্তু বেশি ভাল তো ভাল নয় । তাই ভাবছিলাম কোথাও একটু গোলমাল আছেই ।

তাই ঝিয়ের কাছে খোঁজ নিচ্ছিলে ?

খোঁজ আবার কী ? কথা বলছিলাম । বলতে বলতে অনেক কথা ফাঁস হয়ে গেল ।

কী কথা ফাঁস হল ?

মাধববাবু নাকি আজকাল খুব মদ খায় ।

বরাবরই খেত ।

আজকাল বেশি খায় ।

না, বরং ঝিনুকের শাসনে আজকাল কমিয়েছে ।

তুমি জানো না ।

আমি তোমার চেয়ে বেশি জানি ।

শর্মিষ্ঠা আপস করে বলল, আচ্ছা সে না হয় মানলাম । কিন্তু ঝিনুক নাকি একদম বাসায় থাকতে চায় না । সারাদিন ঘুরে ঘুরে বেড়ায় ।

তাতে কী ?

বোঝো না কেন ? অত সুন্দর ফ্ল্যাটেও ওর মন বসে না কেন এটা তো ভাববে ?

ও বরাবরই উড়নচণ্ডী ।

আচ্ছা বাবা । তুমি যে ঝিনুকের পক্ষ নেবে তা জানতাম । যা ড্যাভ ড্যাভ করে দেখছিলে ওকে ।

বৈশম্পায়ন একটা ধমক দেয়, বাজে বোঝো না । কাল আমার যা শরীরের অসুস্থ ছিল তাতে মেরিলিন মনরোর দিকেও তাকানোর মেজাজ ছিল না ।

শর্মিষ্ঠা সাবিত্রীকে কাজ-টাজ বুঝিয়ে দিয়ে বেরিয়ে গেল ।

একা হয়ে বৈশম্পায়ন উঠল । সিটলের আলমারির মাথায় একটা অব্যবহৃত খাটোটি কেস আছে তার । সব সময়ে চাবি দেওয়া থাকে । সেইটে নামিয়ে

খুলল বৈশম্পায়ন । একটা পুরনো মনিব্যাগের খোপ থেকে সোয়া দুই ইঞ্চি বর্গ
মাপের ফটোটা বের করে ।

কিনুক । কী সুন্দর ।

যে ভইগল্যান্ডার ক্যামেরায় ছবিটা তোলা সেটাও বহুকাল আগে চুরি হয়ে
গেছে । কিনুক পরত্নী ।

ছবিটা তবু কত জীবন্ত । সাদা ফ্রক পরা কিনুক ডান হাতটা তুলে কোমরের
বেস্টটা ঠিক করছে । বাঁ ধারে ঝুলছে বইয়ের বাগ । বব করা চুলে রিবন
বাঁধা । পিছনে লাহা বাড়ির দেয়ালে ইটের খাঁজে খাঁজে সকালের রোদ আর
ছায়ার চৌখুপী । একটা অশ্লথ চারা । এই তো যেন গত কালকের কথা ।

মেজদা !

একটু চমকে বৈশম্পায়ন তাকিয়ে দেখে, ঘরের দরজায় জয় । ভারী লজ্জা
পেয়ে ছবিটা বালিশের নীচে লুকিয়ে ফেলতে গিয়ে আরও ধরা পড়ে যায় সে ।
জয় অবাক হয়ে তাকিয়ে তার সবটুকু অপকর্ম লক্ষ করল । তবে কোনও প্রশ্ন
করল না ।

কী খবর ? আজ অফিসে যাসনি ?

তুমিও তো যাওনি ।

আমার শরীরটা ভাল নেই ।

পাভামা আর গেক্সা পাঞ্জাবি পরা জয় ঘরে ঢুকে একটা মোড়ায় বসে বলে,
কাল মদনদা এসেছে ।

জানি ।

কাল থেকে মদনদার সঙ্গে ঘুরছি । ওঃ, কত মিটিং, কত কনফারেন্স, আর
কী সব লোক ! জয়ের চোখে একটা সম্মোহিত ভাব !

জয় যে মদনের একজন চামচা তা বৈশম্পায়ন জানে এবং মোটেই ভাল
চোখে দেখে না । একটু বিরক্ত হয়েই বলে, ওর পিছনে ঘুরছিস কেন ?

মদনদাই বলল, জয় আমার সঙ্গে একটু থাক ।

তাই থাকলি ? তোর কাজকর্ম নেই ?

কাজকর্ম আবার কী ? অফিস তো ? তা সেই অফিসের চাকরিও তো
মদনদাই করে দিয়েছে । ও চাকরি যাবে না । মদনদার সঙ্গে ঘুরলে খুব
তাড়াতাড়ি ফিল্ড ক্রিয়েট হয় ।

বৈশম্পায়ন একটু অবাক হয়ে বলে, কিসের ফিল্ড ?

পলিটিক্যাল ফিল্ড ! গতকাল স্টেট সেক্রেটারির সঙ্গে মুখোমুখি বসে কথা
হল । ওয়েস্ট বেঙ্গলে আমাদের পার্টি আবার বেশ শক্ত হয়ে উঠছে । অবশ্য
অপোজিশনও আছে । নিত্য ঘোষ মদনদার লীডারশিপ মানতে চাইছে না ।

জয় হয়তো ভবিষ্যতে এম পি বা মিনিষ্টার হতে চায় । ভেবে বৈশম্পায়ন
একটু দীর্ঘশ্বাস ফেলল । ভাইদের মধ্যে এই জয়টাই সবচেয়ে গবেট ।
মাঝপথে লেখাপড়া ছেড়ে দিয়েছে, বুদ্ধিশুদ্ধিও তেমন নয় । তবু ওই হয়তো

একদিন মজ্জীটম্জী হয়ে বসবে । কিছুই অসম্ভব নয় । বৈশম্পায়ন কিছু বলার খুঁজে না পেয়ে গজীির মুখে শু কুঁচকে বলল, ভাল ।

তোমাকে বলতে এলাম, মদনদা তোমার সঙ্গে একটু দেখা করতে চেয়েছে ।

কেন ?

বলল, কী দরকার আছে । বছকাল দেখা হয় না । আজ বিকেলে কেয়াডলায় মাধবদার বাড়িতে রাত্রে তোমার খাওয়ার নেমস্তন্ন । ওখানে মদনদাও আসবে ।

মাধবের বাড়িতে ! বলে আবার শু কৌচকায় বৈশম্পায়ন । কিন্তু তার বুকের মধ্যে ধক ধক করে ধাক্কা লাগে । বিনুক । কী সুন্দর ।

একটা খবর শুনেছ মেজদা ?

কী খবর ?

নব হাটি জেল থেকে পালিয়েছে ।

সামান্য চমকে উঠে বৈশম্পায়ন বলে, সেই ভেঞ্জারাস ছেলেটা না ? যে নীলুকে খুন করেছিল ?

হ্যাঁ, একসময় মদনদার হয়ে খুব খাটত । পরে বিট্টে করে ।

কী করে পালাল ?

জেলাখানার লোকদের হাত করেছিল বোধ হয় । মামলার সময় কোটেই বলেছিল, জেল থেকে বেরিয়ে প্রত্যেককে দেখে নেবে ।

কাকে দেখে নেবে ?

যারা ওকে খুনের মামলায় ফাসিয়েছে । বলে জয় একটা দ্বিধাবিহীন গিমে বলে, কেউ কেউ বলে বটে যে, নব খুনটা করেনি তবু আমি জাঙ্গি করেছিল ।

তুই কী করে জানলি ?

মদনদা বলেছে ।

মামলার সময় তুই কোটে যেতিস ?


রোজ । সব সওয়াল জবাব মনে আছে ।

নব দোষ কবুল করেছিল ?

না । বার বার শুধু বলত, দোস্তকে দোস্ত কখনও খুন করতে পারে ? নীলু আমার জিগির দোস্ত ছিল ।

বৈশম্পায়ন মুখ বিকৃত করে বলে, এ খুনটা না করলেও নব আরও বহু খুন করেছে । সে সবেৰ জন্য ওর সাত বার ফাঁসি হওয়া উচিত ।

জয় মাথা নেড়ে বলে, সে ঠিক কথা । কিন্তু নীলুর কেসটায় ওর খুব এস্টিজে লেগেছিল । ও ভজকে বলেছিল, আমার হাতে অনেক লাশ পাড়েছে । সে সব কেসে আমাকে জেল দিন, ফাঁসি দিন, কোই বাত নেহি । কিন্তু নীলুর কেসে আমাকে খোলাবেন না । আমি আমার দোস্তকে খুন করিনি ।



এখন নব জেল থেকে বেরিয়ে কি শোধ তুলবে নাকি ?

জয়ের মুখটা একটু বিবর্ণ দেখায় । তবে গলায় জোর এনে বলে, অতটা কি করবে ? কে জানে ! তবে নব ক্রেপে গেলে অনেক কিছু করতে পারে । আজ সকালে খবরটা শোনার পর থেকে মদনদাও একটু ভাবনায় পড়েছে । আর মজা দেখো, গতকালই নবর মা এসেছিল নবর বউয়ের জন্য মদনদার কাছে চাকরি চাইতে ।

মদন কি চাকরি দেবে ?

মদনদা তো কাউকে না বলে না । চেষ্টা করবে বলে বুড়িকে কাটিয়ে দিয়েছে । পরে আমাকে বলেছে, নবর বউকে চাকরি দিলে পলিটিক্যাল রি-অ্যাকশন খারাপ হবে । কিন্তু আজ সকালে খবরটা পাওয়ার পর মদনদা ডিসিশন চেনজ করেছে ।

চাকরি দেবে ?

চেষ্টা করবে ?

রাতারাতি মত পাশ্টে ফেলল ?

পাণ্টানোই ভাল । নব বেরিয়েছে । কখন কী করে বসে ঠিক নেই । জানের পরোয়া নেই তো ।

মদন তাহলে ভয় পেয়েছে ?

না না । মদনদা অত ডরায় না । কত খুন জখম পার হয়ে এসেছে ।

বৈশম্পায়ন মৃদু স্বরে বলল, হ্যাঁ, কিন্তু তখন তো এম পি ছিল না ।

জয় কথাটার অর্থ ধরতে পারল না । বলল, তাছাড়া মদনদার নাগাল পাওয়া কি সোজা ? শ্রীমন্তদা আছে, আমরা আছি, ভি আই পি বলে কথা । চাইলেই পুলিশ এসে যাবে । দুদিন বাদেই যাচ্ছে দিল্লী হয়ে অস্ট্রেলিয়া । নব মদনদাকে পাবে কোথায় ?

বৈশম্পায়ন চিন্তিত মুখে বলে, শুধু মদনই তো নয়, আরও অনেকের ওপর নবর রাগ আছে ।

সবচেয়ে বেশি রাগ মাধবদার ওপর । মাধবদার চোখের সামনেই তো খুনটা হয় । নিজের ভাইয়ের ব্যাপারে তো মাধবদা মিথ্যে সাক্ষী দেবে না ।

বৈশম্পায়ন মাধব আর নীলুর সম্পর্কটা জানে । কিন্তু সে কিছু বলল না । ব্যাপারটা মাধবও চাপা রাখতে চায় । বাইরের কেউ তেমন জানে না । বৈশম্পায়ন জিজ্ঞেস করে, মামলায় তুইও ছিলি না ?

না । আমি কোরটে যেতাম ।

নব তোকে চিনে রাখেনি তো ?

জয় হাসে, নব আমাকে এমনিতেই চেনে । তবে নীলু হাজারার ব্যাপারে নয় ।

তবু সাবধানে থাকিস ।

আমার কোনও ভয় নেই । আজ উঠি । তুমি কিন্তু বিকেল-বিকেল

মাধবদার বাড়ি চলে যেয়ো ।

জয় চলে গেলে বৈশম্পায়ন কিছুক্ষণ নব হাটি, মাধব আর মদনের কথা ভাববার চেষ্টা করল । কিন্তু বাঁধ ভাঙ্গা ঢেউয়ের মতো এল একটাই চিন্তা, আজ আবার ঝিনুকের সঙ্গে দেখা হবে ।

একজন এম পির উচিত খুব ভোরবেলা উঠে সূর্যোদয় দেখা । একজন এম পির উচিত কিছুক্ষণ পাখির গান শোনা । একজন এম পির উচিত ভোরবেলা কিছুক্ষণ নিরুদ্ধে চিন্তে বেড়ানো । গুনগুন করে একটু গানও তার করা উচিত । আর উচিত দিনের মধ্যে কিছুটা সময় একা একা থাকা এবং সেই সময় যতটা সম্ভব রেখে ঢেকে একটু আত্ম-বিশ্লেষণ করা । একজন এম পির পক্ষে যদি সম্ভব হয় তবে কিছুক্ষণ তার ভুলে যাওয়া উচিত যে, সে একজন এম পি । যদি সে তা পারে তবে একজন এম পির উচিত সুযোগ পেলেই বাচ্চাদের মুখ ভেঙানো ।

মদন সাধারণত সকালে উঠতে পারে না । অনেক রাত জেগে কিছু লেখাপড়া করা তার স্বভাব । বস্তুত চক্ৰিশ ঘণ্টার মধ্যে একমাত্র রাত বারোটোর পর ছাড়া সে এসব করার সময় পায় না । ফলে ভোরবেলা উঠতে প্রায়ই দেরি হয়ে যায় খুব ।

আজ ভোরবেলা যখন ঘুম ভাঙল তখনও বেশ অন্ধকার রয়েছে । ঘুম ভেঙেই মদন একেবারে গা-ঝাড়া দিয়ে উঠে বসে । রোজ ঘুম ভাঙার দেড় দুই মিনিটের মধ্যেই তার মনে পড়ে যায় যে, সে একজন এম পি । আজ তা পড়ল না । দিদির বাইরের ঘরের জানালা দিয়ে ভোরের একটু বাতাস আসছিল । কাছে পিঠে রুম কিছু গাছপালা এখনও আছে । বাতাসে তারই নির্ভুল গন্ধ । রাতে কোনও সময়ে একটু বৃষ্টিও হয়ে গিয়ে থাকবে । ভেজা ভাবটা বাতাসে এখনও রয়ে গেছে । ফলে ভোরবেলাটি খুবই চমৎকার মনে হচ্ছিল মদনের ।

সে উঠে টক করে বেসিনে গিয়ে চোখে জলের ঝাপটা মারল কিছুক্ষণ । চোখ কট করে উঠল জ্বালায় । এখনও শরীরে যথেষ্ট ঘুম দরকার । পায়ের দিকে সোফার ওপর কালকের ছেড়ে রাখা ধূতি আর পাঞ্জাবি অভ্যস্ত হাতে এক মিনিটে পরে নেয় মদন । সময় নেই । এই ভোরবেলাটা বৃথা যেতে দেওয়া যায় না ।

দিদি, বলে একটা ডাক দিতেই চিরু সাড়া দেয়, কি রে ? বেরোচ্ছিস নাকি ? পার্ক থেকে আসছি একটু ঘুরে । দরজাটা দিয়ে দাও । বলেই আর দাঁড়ায় না মদন । বেরিয়ে হন হন করে কালীঘাট পার্কের দিকে হাঁটতে থাকে ।

আকাশে বাদলার মেঘ কেটে যাচ্ছে । ওই শুকতারা । মদন একটু চেয়ে দেখল । এবার দেরিতে বড় বেশি বৃষ্টি হচ্ছে উত্তরে আর পূবে । ভেসে যাচ্ছে,

সব ভেসে যাচ্ছে । প্রতিবারই ভাসে এবং তার জন্য কেউ কিছু করে না ।

আমি একজন এম পি, এ কথাটা এতক্ষণে মনে পড়ল মদনের । নির্জন রাস্তায় সে একটু শব্দ করেই বলে ওঠে, দ্যাখ শালা মদনাকে দ্যাখ । শালা নাকি এম পি । হোঃ হোঃ ।

সতীশ মুখার্জি রোডের পুরনো মসজিদের হাতায় গাছে গাছে পাখি ডাকছে । ডাকে রে পাখি, না ছাড়ে বাসা...খনার বচন না ? বাকিটা মনে নেই মদনের । তবে ওইটুকু মনে আছে, ডাকে রে পাখি, না ছাড়ে বাসা ।

হ্যাঁ বৃষ্টি । খুব বৃষ্টি হচ্ছে এবার । কিন্তু বৃষ্টি হলে আমি কী করতে পারি ? মদনা তো ভগবান নয় বাপ, একজন বুরুবকু এম পি মাত্র । হ্যাঁ, মানছি এম পিরা অনেক কিছু করতে পারে । কিন্তু তা বলে বানভাসি দেশে ডাঙাজমি বের করার মতো এলেম তার নেই । তবে মদনা ফিল করে বাপ । ফিল করে । পাখিরা খুব ডাকছে । মদন একবার পুরনো মসজিদটার দিকে তাকিয়ে বলে, দেখে নে শালারা এক আস্ত এম পিকে । তোরা হতভাগারা জামাকাপড় পরতে শিখলি না, পারলামেন্ট বানাতে পারলি না, হোল লাইফ কেবল কিচমিচ ।

মদন গুনগুন করে উ হ হ, উ হ হ করে গাইতে লাগল । তার গলায় সুর নেই । তার জন্য পরোয়াও করে না সে । উ হ হ, উ হ হ করেই যেতে থাকে ।

ডান দিকে পার্ক । ঢুকতে গিয়ে মদন একটু দাঁড়ায় । শালারা গাছগুলো কেটেছে । বাচ্চাদের জন্য দোলনা ছিল, স্লিপ ছিল, সেগুলো লোপাট করেছে । ঘাসজমিতে টাক ফেলেছে । খানিক জায়গা কেটে নিয়ে রঙ্গশালা বানিয়েছে । কন্নও কিছু করার নেই । ভেসে যাক, সব ভেসে যাক ।

মদন পার্কে ঢুকে পড়ে । ভোর ভোর হয়ে এসেছে । পার্কে কিছু ভূতুড়ে চেহারার আবছা লোক মর্নিং ওয়াক সেরে নিচ্ছে । মদন তাদের কক্ষপথে নিজেকে ভিড়িয়ে দেয় । উ হ হ গানটাও চলতে থাকে । এই ভোরবেলা পার্কে বেড়াতে তার বেশ আনন্দ হচ্ছে । হ্যাঁ, খুব আনন্দ হচ্ছে । দারুণ আনন্দ । নিজেকে এম পি বলে একেবারেই মনে হচ্ছে না তার ।

কিন্তু মনে না পড়ে উপায় আছে ? বাটারা পড়িয়ে ছাড়ে । ক্যাংলা চেহারার টেকো একটা লোক গাদি খেলার মতো পথ আটকে একগাল হেসে বলল, দাদা মর্নিং ওয়াক-এ বেরিয়েছেন বুঝি ?

মদন চিনল । তবে নামটা মনে পড়ল না । বলল, এই একটু । তা কী খবর ?

আমাকে চিনতে পারছেন তো । আমি হরি গোসাঁই ।

হ্যাঁ হ্যাঁ, মনে আছে । কী খবর ?

আজ্ঞে কালকে স্টেশনে যে সেই কথাটা বলেছিলাম, মনে আছে ?

কোন কথাটা ?

আমার বিস্তকে যদি একটু মেডিকলে চান্স করে দেন ।

মদন টেকো হরি গোসাঁইয়ের মাথার ওপর দিয়ে উদাস চোখে পূবের আকাশের দিকে চেয়ে বলে, কী সুন্দর দেখেছেন ?

ব্যস্ত হয়ে হরি গোসাঁই বলে, আজ্ঞে কোনটার কথা বলছেন ?

এই ভোরবেলাটা ?

আজ্ঞে তা আর বলতে । খুব সুন্দর ।

এই ভোরবেলায় আপনার মনটা উদাস হয়ে যায় না ?

খুব যায় । খুব যায় । আমাদের গুদিকটা তো প্রায় গ্রামের মতোই । সেখানে যা একখানা করে ভোর হয় না রোজ, কী বলব দাদা । মনটাকে একদম বৈরাগী বনিয়ে ছেড়ে দেয় । ফার্স্ট বাস ধরে আসতে আসতে আজও খুব উদাস লাগছিল ।

মদন বুঝদারের মতো মাথা নেড়ে বলে, তবু দেখুন বিশ্বনা আমাদের পিসু ছাড়ো না । উদাস হওয়ার স্কোপ থাকলেও কেউ আমরা উদাস হচ্ছি না, বৈরাগীও না ।

হরি গোসাঁই মাথা চুলকে বলে, পিসু কথাটা ঠিক বুঝলাম না দাদা । পিসু পোকা না কি ?

না, না । পিসু মানে পিছু । বিশ্বর সঙ্গে মিলে যায় বলে পিসু কথাটা বেরিয়ে গেল ।

হরি গোসাঁই চিমটিটা ধরল না । গদগদ হয়ে বলল, আপনার পিসু ছাড়লে আমাদের চলবে কেন ? আমরা হচ্ছি একেবারে আনরিকগনাইজড জনসাধারণ । আমার কথাই ধরুন না । সারা জীবনে একজন মাত্র ভি আই পি-র কাছে কিছুটা ঘেঁষতে পেরেছি । সেই ভি আই পি হলেন আপনি । আত্মীয় স্বজনের কাছে বড় মুখ করে আপনার কথা কত বলি । অফিসেও একটু আধটু খাতির পাই ।

এই পার্কে আমাকে ধরলেন কী করে ?

বাসায় গিয়েছিলাম । দিদি বলল, পার্কে এসেছেন ।

মদন ধৈর্যশীল লোকটার মুখের দিকে চেয়ে ভোরের স্বচ্ছ হয়ে আসা আলোয় জনসাধারণকেই দেখতে পায় । এই সেই জনসাধারণ যাদের নিয়ে তাকে বহু কালের কারবার । এই সেই বিশ্বর বাবা যাদের পিছু পিছু একদিন সে খুঁজেছে, আর যারা এখন তার পিছু পিছু ঘোরে ।

মদন একটা শ্বাস ফেলে বলে, শ্রীমস্তুর কাছে একটা ডায়েরি আছে ।
তাতে—

তাতে লেখানো হয়ে গেছে । হেঁ হেঁ ।

ঠিক আছে, দেখব'বন ।

দেখবেন । সারা জীবন বড় দুঃখে কষ্টে কেটেছে । বিশ্বটা যদি ডাক্তার হয় তবে শেষ জীবনটা—

মদন হাসে । বাপদের ছেলপুলে নিয়ে কত আশাই থাকে । গভীর হয়ে

বলে, ও আশা না করাই ভাল ।

হরি গোঁসাই হঠাৎ নিভে গেল । মদন উদাস ভাবে চারদিকে চেয়ে হাঁটছে ।
পিছনে হরি গোঁসাই বলে, সে কথাটা অবশ্য ঠিক ।

মদন প্রসঙ্গটা ভুলে গেছে । ভাল মানুষের মতো বলে, কোন কথাটা ?
ধন্য আশা কুহকিনী ।

ওঃ । হ্যাঁ—

আবার কিছুক্ষণ চূপচাপ ! মদন হরি গোঁসাইকে ভুলে গিয়ে উদাস পায়ে
হাঁটতে থাকে । এখন আর খুব একটা আনন্দ হচ্ছে না তার । তবে ভালই
লাগছে ।

পিছন থেকে হরি গোঁসাই গলা খাঁকারি দিয়ে জানান দিল যে, সে আছে ।

দাদার সঙ্গে যে আজ বড় শ্রীমন্ত নেই ।

পাখিরা অনেকক্ষণ বাসা ছেড়েছে । এখন ঝোপে ঝাড়ে চিড়িক মিড়িক
করে ঘুরছে তারা । সূর্য মসজিদ ছাড়িয়ে উঠে পড়ল প্রায় । কলকাতার সব
জান কুশীতা প্রকট হল । দেখতে দেখতে মদন আনমনে জিজ্ঞেস করে, কে
শ্রীমন্ত ?

আপনার বডিগার্ডের কথা বলছিলাম । দিনকাল তো ভাল না । কালকের
খবর শুনেছেন তো ?

কিসের খবর ? মদনের গলায় এখনও অন্যমনস্কতা ।

নব হাটি জেল থেকে পালিয়েছে ?

মদন এবার সচেতন হয় । কিন্তু ইচ্ছে করেই অন্যমনস্কতার মুখোশটা পরে
থেকে বলে, কে নব হাটি ?

দাদা সব ভুলে গেছেন । নব হাটি মানে যে লোকটা নীলুকে খুন করল ।
আর যার মা এসেছিল কাল আপনার কাছে ছেলের বউয়ের জন্য চাকরি
চাইতে ।

ওঃ । হ্যাঁ ।

এ সময়টায় শ্রীমন্তকে একটু কাছে কাছে রাখবেন । নব লোক ভাল নয় ।
অবিশ্যি—

মদন উদাস গলায় জিজ্ঞেস করে, অবিশ্যি—

অবিশ্যি নবর এখন আর সেই তেজ নেই নিশ্চয়ই । পুলিশের তাড়া খেয়ে
গা-তাকা দিয়ে থাকতে হচ্ছে । এখন চাচা আপন প্রাণ বাঁচা অবস্থা । তবু...
তবু ?

তবু সাবধান থাকা ভাল । আমি কি আর একটুক্ষণ সঙ্গে থাকব দাদা ?

নব যদি এসময়ে আসে তবে ঠেকাতে পারবেন ?

টেকো হরি গোঁসাই অপ্রতিভ হেসে বলে, আজ্ঞে আমি ওসব লাইনের লোক
তো নই । তবে ঠেকাতে পারব । খুব চেষ্টা—

পারবেন ? তবে একটু চেষ্টায়ে শোনান তো । দেখি কেমন পারেন ।

লজ্জা পেয়ে হরি গোঁসাই বলে, দাদা কী যে বলেন !

তাহলে কী করে বুঝব যে, চৈচাতে পারেন ?

হরি গোঁসাই মাথা নিচু করে লজ্জার গলায় বলে, পারি কিন্তু ।

দেখি কেমন পারেন । চৈচান, খুব জোরে চৈচিয়ে বলুন, নব আসছে । ওই নব আসছে । খুন, খুন, খুন করে ফেললে ! চৈচান, চৈচান । বলে মদন এক পা পিছিয়ে কনুইয়ের ঠুতো দিয়ে উৎসাহ দিতে লাগল হরি গোঁসাইকে ।

হরি গোঁসাই বলল, তাহলে বিস্তর মেডিকলে ভর্তি ব্যাপারটা হবে তো ।

হবে, হবে । ওর বাপ হবে । নইলে কি আর বিস্তর আমার পিসু ছাড়বে ? এখন চৈচান দেখি ।

হরি গোঁসাই থমকে দাঁড়িয়ে গেল । চোখ বুজে মাথায় আর বুকে বার কয়েক হাত ঠেকিয়ে কোনও দেব-দেবীকে শ্রণাম করে নিল । তারপর বুক ভরে দম নিয়ে হঠাৎ আকাশ-ফাটানো গলায় চৈচাতে লাগল, নব আসছে ! ওই নব আসছে । খুন, খুন করে ফেললে—এ—এ—এ—এ—এ—

মুহূর্তের মধ্যে চারদিকে একটা হুড়োহুড়ি পড়ে গেল । কাক ডাকতে লাগল, পাখিরা ঝোপ ছেড়ে প্রাণভয়ে উড়ল, প্রাতঃসম্ভাষণকারীরা সটাসট দৌড়ে গিয়ে রেলিং টপকাতে লাগল, সামনের এক বাড়িতে দড়াম করে জানালা বন্ধ হয়ে গেল । হরি গোঁসাইয়ের যে এত আওয়াজ তা দেখলে বোকাই যায় না ।

মদন অবাক হয়ে বলল, বাঃ । আপনার গলা তো অ্যাসেট ।

বিনীত হাসি হেসে হরি গোঁসাই বলে, আজ্ঞে খুব জোর আওয়াজ হয় । একবার ভিড়ের ট্রেনে শুধু চৈচিয়ে জায়গা করে নিয়েছিলাম ।

হঁ । মদন গম্ভীর হয়ে বলে ।

আর কি চৈচাতে হবে দাদা ?

মদন মাথা নেড়ে বলে, না । এখন তাড়াতাড়ি সরে পড়া দরকার । চৈচিয়েছেন ।

আমি তাহলে আসি ?

আসুন । একটু পা চালিয়েই আসুন গিয়ে ।

বিস্তর তাহলে ?

পিসু পিসু থাকবে । বলে মদনও একটু পা চালিয়েই পার্ক থেকে বেরিয়ে আসে । কারণ, প্রথম ভয়ের ধাক্কাটা কাটিয়ে চারদিক থেকে লোক ছুটে আসছে ব্যাপারটা কী তা দেখতে । মদনকে একজন জিঞ্জেরস করল, কী হয়েছে দাদা ? খুন নাকি ? মদন এমনভাবে মাথা নাড়ল যাতে 'হ্যাঁ'ও হয়, 'না'ও হয় ।

একটু বাদে যখন সে জামাইবাবুর মুখোমুখি বসে চা খাচ্ছিল তখন আর তার মুখে উদাসীনতা ছিল না । জামাইবাবু মণীশ অথবা মনোযোগে খবরের কাগজ পড়ছে ।

জামাইবাবু ।

বলো ব্রাদার ।

আপনার চেয়ে খবরের কাগজটা দেখা আমার বেশি দরকার । এবার ছাড়ুন ।

তুমি তো এখন পায়খানায় যাবে ।

তা গেলেই বা । খবরের কাগজ নিয়ে যাব ।

যেয়ো । তার আগে যতটা পারি দেখে দিচ্ছি । তোমার ওটা ভারী ব্যাড হ্যাবিট ।

কোনটা ? খবরের কাগজ পড়াটা ?

না, এই খবরের কাগজ নিয়ে পায়খানায় যাওয়াটা ।

ব্যাড হ্যাবিট কেন হবে ? আমি বরাবর যাই । খবরের কাগজ না হলে কোষ্ঠ পরিষ্কার হয় না ।

দো ইউ আর অ্যান এম পি এবং তোমার সময়ও কম, তবু বলি এটা খুবই ব্যাড হ্যাবিট ।

তা হোক । এবার ছাড়ুন ।

ছাড়ছি । চা-টা খাও না ।

চা ফিনিশ ।

তবে চিফ না হয় আর এক কাপ করে দিক । ও চিফ ! শুনেছ ।

কী অত মন দিয়ে পড়ছেন ?

পড়ার কিছু নেই ব্রাদার । সব ছাতামাথায় ভর্তি কাগজ । সেই ছাতামাথাই দেখছি ।

আমার প্রেস কনফারেনসটা দিয়েছে ?

দিয়েছে একটুখানি । পাঁচের পাতার তলার দিকে ।

হেডিং কী করেছে ?

মালদহের অবস্থা ভয়াবহ । তারপর কোলন দিয়ে তোমার নাম ।

দূর । পলিটিক্যাল ব্যাপারগুলো দেয়নি তাহলে । আপনি যে কেন এত কিপটে ।

কেন বলো তো । ত্রিশ টাকা কিলোর চা খাওয়াচ্ছি ।

লোকে আরও দামি চা আমাকে খাওয়ায় । চায়ের খোঁটা দেবেন না ।

বলছি, মোটে একটা খবরের কাগজ রাখেন কেন ?

একটাই পড়ার সময় পাই না ।

তা ছাড়া সেই একটাও আবার বাংলা । বাংলা কাগজে খবর কম থাকে জানেন না ?

তোমার দিদিও একটু পড়ে যে । ও তো ইংরিজি বোঝে না ।

এবার থেকে দুটো করে রাখবেন । ইংরিজিটার দাম আমি প্রতি মাসে মানি অর্ডার করে পাঠিয়ে দেব ।

এম পি-দের প্রতিশ্রুতির দাম নেই, সবাই জানে । রিসক নেওয়াটা কি ঠিক

হবে ?

চিরু চা নিয়ে এসে মণীশের দিকে চেয়ে বলে, বড় গলায় চায়ের ফুম দেওয়ার দরকার ছিল না । আমি তো চা করছিলামই ।

মণীশ এক গাল হেসে বলে, তা জানতাম । তবু শালার কাছে নিজেকে উদার প্রমাণ করার জন্যই ওটুকু করতে হল ।

মদন মুখ গভীর করে বলে, এই বয়সে আর কি নতুন করে আপনার সম্পর্কে আমার ধারণা পালটাতে পারবেন ? আমি যে প্রথম থেকে জানি আপনি ক্রনিক মাইজার ।

অথচ দেখো পাড়াপ্রতিবেশীরা সবাই আলোচনা করে, মণীশবাবু টাকা জমাতে জানেন না । কেবল খরচ করেন, কাছা খুলে খরচ করেন ।

আপনার পাড়াপ্রতিবেশীরা স্বপ্ন দেখে । এবার খবরের কাগজটা ছাড়ুন ।

বড্ড জ্বালাচ্ছ হে । যাও না, বাইরের ঘরে সেই কাকভোরে এসে সব বসে আছে, গিয়ে তাদের সঙ্গে দুটো কথা বলে এসো না । ততক্ষণে...

ওরা বসে থাকার জন্যই এসেছে । তাড়া নেই ।

তোমরা লীডাররা বাপু বড্ড গেরামভারী ।

আমি গেরামভারী ।

নয়তো কী ? লোকেরা কথংবদ হয়ে বসে থাকে, আর তোমরা পায়খানায় বসে খবরের কাগজ পড়ো ।

লীডারদের নিয়মই তাই ।

এই নাও ব্রাদার ! বলে মণীশ খবরের কাগজটা ভাঁজ করে এগিয়ে দেয় ।
যতক্ষণ না দিচ্ছি ততক্ষণ শাস্তিতে চাটুকু খেতে পারব না ।

মদন খবরের কাগজটা খুলতে খুলতে বলে, জামাইবাবু ।

উ ।

আমি যদি মরে যাই তাহলে কী হবে বলুন তো ?

কেউ বিধবা হবে না ।

আর কী হবে ?

আমার টেলিফোনটাও হবে না ।

আঃ, কী হবে না তা জিজ্ঞেস করিনি । কী হবে তাই জানতে চাইছি ।


আসলে তুমি মরবে না ।

কী করে বুঝলেন ?

তোমারই বা মরার কথা মনে হচ্ছে কেন ? কোনওকালে তো এসব বলিনি । আমরা জানি তুমি হচ্ছে পজিটিভ লোক । এম পি-রা এমনিতেই একটু বেশিরকম আশাবাদী হয় । আজ হঠাৎ তোমার হল কী ?

মদন খবরের কাগজটা খুলতে খুলতে মৃদু হেসে বলে, মৃত্যুর একটা রোমান্টিক দিক আছে, তাই আজকাল মাঝে মাঝে ভাবি মরলে কেমন হয় ?

কিছু হয় না হে । মণীশ মাথা নাড়ে, মরার মধ্যে রোমান্টিক কিছু নেই, মহৎ



কিছু নেই। একেবারে মোটা দাগের ক্যাবলা একটা ব্যাপার। আমাদের দেশে গবা পাগলা বলে একটা লোক ছিল। সে গাইত, মনু রে, বাপের খবর রাখলা না, হায় যে মইরা ভ্যাটকাইয়া রইছে পাছায় পড়ছে জোছনা।

অল্লীল ! অল্লীল !

মোটাই নয়। মণীশ মাথা নাড়ে, একদম অল্লীল নয়। পাছায় জোছনা পড়ার ব্যাপারটা বরং খুবই করুণ। মরা-টরার কথা হলোই আমার গানটা মনে পড়ে।

আপনি যা একখানা জিনিস না জামাইবাবু !

মণীশ উঠতে উঠতে বলে, তুমি পেপার দেখো, আমি বরং ততক্ষণে বাথরুমের দখল নিই গে। তুমি পত্রিকা হাতে ঢুকলে তো পাক্সা দেড় ঘটা।

মণীশ বাথরুমে গেলে কিছুক্ষণ একা বসে আপন মনে ফুডুক ফুডুক করে হাসল মদন। দিনটা আজ ভালই বাবে। সকালে একটা চোঁচামেচি শুনেছে। বউনিটা ভালই বলতে হবে। তারপর এই জোছনার ব্যাপারটা। দূপুরে আজ রাইটার্সে দুজন মিনিষ্টারের সঙ্গে মিটিং আছে। তখন যদি কথাটা মনে পড়ে যায় তাহলে ঠিক ফুডুক করে হেসে ফেলবে সে। বিকেলে আছে পাটির গুরুত্বপূর্ণ মিটিং। তখনও কি মনে পড়বে ?

পত্রিকায় কয়েদি পালানোর কোনও খবর নেই। বাংলা কাগজে এমনিতেই খবর কম থাকে, তার ওপর এসব খবরের এমনিতেই তেমন গুরুত্ব নেই। তবে যারা নবকে জানে তারাই বুঝবে খবরটা কতখানি গুরুতর।

বাইরের ঘর থেকে পর্দা সরিয়ে ভিতরের বারান্দায় উকি দিল শ্রীমন্ত, দাদা, আপনার বন্ধু এসেছে।

আমি জগবন্ধু। কে এসেছে ? নামটা কী ?

মাধব হাজরা। ওই যে গোল পার্কের কাছে—

আর বলতে হবে না। মাধব দুনিয়ায় একটাই হয়। আসতে বল।

মাধব বোধহয় বাইরের ঘরে ফিতে বাঁধা জুতো খুলতে খানিক সময় নিল। তারপর ভিতরের বারান্দায় আসতেই তার মুখে উদ্ভাস্তিটা প্রথম লক্ষ করে মদন।

তবু মদন সব সময়ে নিজে খোশ থাকতে এবং অন্যকে খোশ রাখতে চেষ্টা করে। হালকা গলায় বলল, মূর্গা পেয়েছিস ?

কিসের মূর্গা ?

তোমর বাসায় আজ রাতে একটা আস্ত এম পির নেমস্তর যে।

ওঃ ! আচ্ছা, মূর্গা হবে। কিন্তু খবর শুনেছিস ?

খবর শোনাই আমার কাজ। নব হাটি পালিয়েছে, এই খবর তো ? তা অত ঘাবড়ানোর কী আছে ? বোস।

মণীশের পরিত্যক্ত চেয়ারে ধপ করে বসে পড়ে মাধব। তারপর হাঁফ ধরা গলায় বলে, এটা ইয়ার্কির ব্যাপার নয়।

এ কথায় সকালের হাসি খুশি ভাবটা মদনের মুখ থেকে মুছে গেল বটে, কিন্তু তার মুখে কোনও ভয় বা ভাবনা ফুটল না। মুখটা আন্তে আন্তে গম্ভীর ও নিষ্ঠুর হয়ে গেল। সে শুধু বলল, হঁ।

মাধবের চেহারাখানা সুন্দর। দারুণ ফরসা, জোড়া ব্রু, খুব লম্বা এবং স্বাস্থ্যবান। সুন্দর ছেলেদের সুন্দর বউ জোটে না, সুন্দর মেয়েদের জোটে না সুন্দর বর। মাধবের বউ বিনুক কিন্তু সুন্দর। দুজনই সুন্দর, দুজনের সংসার সুন্দর, স্নাট সুন্দর। কিন্তু তবুও কোথায় যে এদের খিচ তা আজও মদন বুঝতে পারল না।

মাধবের চেহারা আজ তেমন জলুস নেই। সকালে দাড়ি কামায়নি, লম্বা চুলগুলো পাট করা নেই, মুখে বেশ উদ্বেজিত ভাব, উৎকর্ষ। ডান হাতের মধ্যমায় গোমেদের আংটিটা বার বার ব্যস্ত আঙুলে ঘোরাচ্ছে। বলল, ইউ মাস্ট ডু সামথিং।

মদন ধীরে সুস্থে কাগজের শেষ পাতাটা উন্টে চোখ বোলাতে বোলাতে বলল, চা খাবি ?

চা ! যেন প্রস্তাবটায় কিছু অস্বাভাবিকতা আছে এমনভাবে কিম্বয় প্রকাশ করল মাধব। তারপর হঠাৎ সচেতন হয়ে বলল, হ্যাঁ খাব। দিদি কই ?

ঘরে। ছেলেমেয়েদের ইস্কুলে যাওয়ার জন্য তৈরি করে দিচ্ছে। মাধব কিছুক্ষণ চুপ করে বসে একবার আংটি ঘোরায়, একবার চুলে আঙুল ঢালায়। হঠাৎ একটু ঝুঁকে বলল, পেপারে কিছু দিয়েছে ?

মদন চোখ তুলে বলে, কী দেবে ?

নবর ব্যাপারটা ?

মদন মাথা নেড়ে পত্রিকাটা ভাঁজ করে রেখে দিয়ে বলে, একজন তৃতীয় শ্রেণীর কয়েদির পালানোর খবর তেমন কিছু গুরুতর নয়।

মাধব পিছন দিকে হেলে বসে কয়েক পলক চোখ বুজে থাকে। তারপর বলে, তা বটে। বাট ইট ইজ এ সিরিয়াস নিউজ ফর আস।

মদন মৃদু স্বরে বলে, আস নয়, বল মি। তুইই ভয় খেয়েছিস, আমি নয়।

মাধব চোখ খুলে মদনের দিকে একদৃষ্টে চেয়ে থেকে বলে, তোকে কি নব স্পেয়ার করবে ?

মদন মৃদু হেসে বলে, তার চেয়ে বরং জিজ্ঞেস করা ভাল, হোয়েদার আই উইল স্পেয়ার হিম।

মাধবের স্বাভাবিক চোখা চালাক ভাবটা আজ ছুটি নিয়েছে। তবু সে বলল, আমি তোর মতো হিরো নই। অ্যান্টিহিরো।

মদনের মুখে কথা ফুটল না। কিন্তু চাপা নিষ্ঠুরতাটা স্বলস্বল করতে লাগল। মাধব জানে, মদনের মধ্যে একটা কিছু আছে। কিন্তু সেটা কী তা এত বছরেও বুঝতে পারল না। ছেলেবেলায় আসানসোলে কলিয়ারির এলাকায় তারা এক সঙ্গে বেড়ে উঠেছিল। লোকে বলত মদনমাধব। এত

গলাগলি ছিল, তবু মদনের মধ্যে প্রকৃতিদত্ত একটু ফাউ জিনিসটার জোরেই না ব্যাটা এম পি। আর সেই ফাউ জিনিসটা যা মাধবের নেই, সেটা এখন মদনের মুখে চোখে ঢেউ দিচ্ছে।

মাধব তার খড়খড়ে দাড়িওলা গাল চুলকোলো। তারপর একটু মিয়োনো গলায় বলল, তুই কলকাতায় পা দেওয়ার সঙ্গে সঙ্গেই নব জেল ডেঙে পালাল, এর মধ্যে একটু অদ্ভুত যোগাযোগ আছে না? ব্যাপারটা ভেবে দেখেছিস?

মদন মাথা নাড়ে, না। অত ভাববার সময় নেই। ভেবে লাভও নেই। গোটা দুই মূর্গা কিনে নিয়ে বাড়ি যা। ঝিনুককে ভাল করে রাঁধতে বলিস।

ঝিনুক গত বছর পাঁচেক রান্নাবান্না করেনি।

বলিস কী?

ঝিনুক না রাঁধলেও আমরা না খেয়ে থাকি না। রান্নার লোক আছে, চিন্তা নেই।

তবে মূর্গা কিনে বাড়ি যা। একটু বেশি করে রান্না করতে বলিস। আমি তোদের না জানিয়েই বৈশম্পায়নকেও নেমস্তন্ন করে দিয়েছি।

বৈশম্পায়ন! বলে একটু হাসে মাধব, কিন্তু কোনও মন্তব্য করে না।

মদন অবশ্য তীক্ষ্ণ চোখে হাসিটা দেখল। বলল, হাসলি কেন? এনিথিং রং?

না, নাথিং রং।

ওকে নেমস্তন্ন করায় তোরা অসুবিধেয় পড়বি না তো।

মাধব মাথা নেড়ে বলে, অসুবিধে তো তোকে নিয়ে। ঝিনুক বলে দিয়েছে ড্রিংক করলে বাড়ি থাকবে না।

হোঃ হোঃ করে হাসে মদন। তারপর গলা নামিয়ে বলে, ড্রিংক কি বাদ যাচ্ছে নাকি?

না। তবে ছোট করে হবে।

ঝিনুক বাড়ি থাকবে?

মাধব এবার খুব অদ্ভুত ধরনের একটা হাসি হেসে বলে, বোধ হয় থাকবে। বৈশম্পায়ন আসছে জানলে থাকবেই মনে হয়।

তীক্ষ্ণধার চোখে মাধবের মুখটা দেখে নিচ্ছিল মদন। বুঁকে আস্তে করে বলল, ইচ্ছ দেয়ার এনি অ্যাক্কেয়ার?

সিরিয়াস কিছু নয়। দুজনেই দুজনের প্রতি একটু সফট। ব্যাপারটা আমি খুব এনজয় করি।

মদন হতাশার গলায় বলে, তোরা একেবারে হোপলেস। বউ অন্যের সঙ্গে প্রেম করলেও সেটা তোরা এনজয় করিস কী করে?

আস্তে মদনা, আস্তে। মাধব গলা আর এক পর্দা নামিয়ে বলে, দুনিয়াটাই তো রঙ্গশালা। কে কার বউ? কে কার প্রেমিকা? আমি পছেসিভ নেচারের লোক নই। আমি শুধু দেখি, শেষযৌবনা এক মহিলা মধ্যবয়স্ক একজনের

প্রেমে পড়ে কেমন বয়ঃসন্ধির ছুকরি হয়ে যাচ্ছে । ঘ্যাম নাটক মাইরি ।

সেই নাটকে তোর ভূমিকা কী ? পর্দা টানা ?

না । আমার ভূমিকা ছিল ভিলেনের । কিন্তু আমি মাইরি ফিলজ্জফার হয়ে গেছি । তবে রেফারির মতো নজরও রাখছি । বাড়াবাড়ি দেখলেই ফাউল বা অফসাইড বলে চোঁচিয়ে বর্শি বাজাব ।

এই সময়ে শোওয়ার ঘরের ভেজানো দরজা ঠেলে চিরু আসে । মাধবের দিকে চেয়ে বলে, বন্ধু এসেছে বলে তোর টিকি দেখা গেল । নইলে দিদি মরল কি বাঁচল সে খবরও তো নিস না ।

মাধব এক গাল হেসে বলে, তোমার মরার কী ? দিব্যি গায়ের গতরে হয়েছে ।

মোটা হয়েছে বলছিস ?

মোটা নয়, মোটা নয় । পরিপূর্ণ হয়েছে ।

ফাজিল । চা খাবি ?

মদন একটু ধমক দিয়ে বলে, আরে তুই দুনিয়াসুদু লোককে চা খাওয়াতে গিয়ে যে পতিদেবতাটিকে ভাত খাইয়ে অকিসে পাঠাতে পারবি না ।

না । না খেয়ে যাবে না, ডাল ভাত নেমে গেছে । সেই ভোর রাতে তুই যখন বেরলি তখনই উঠে সব সেরে ফেলেছি ।

মাধব একটা শ্বাস ফেলে বলে, তাহলে চিরুদি, গরিব ভাইকে একটু চা খাওয়াও ।

তুই গরিব ? কেয়াতলায় ফ্ল্যাট কিনেছিস, তুই যদি গরিব তো আমরা কী ?

তোমরা সবাই শুধু আমার ফ্ল্যাটটাই দেখলে । আর আমি যে দিনকে দিন শুকিয়ে যাচ্ছি ।

তুই আবার শুকোলি কোথায় ? চিরু অবাক হয়ে বলে, বেশ তো চেহারাটা দেখাচ্ছে । একটু এলোমেলো অবশ্য । রাতে ঘুমোসনি নাকি ?

না, সে সব নয় । মাঝা দেওয়ার সময় পাইনি ।

ঝিনুক কেমন ? বেশি মোটা হয়ে যায়নি তো ?

না, না । রেগুলার যোগাসন করে, কম খায়, সারাদিন শরীরের যত্ন করে, কাজকর্ম নেই, মোটা হবে কেন ? ডাল আছে ।

বউয়ের কথা উঠলেই তোরা অমন বোঁকিয়ে কথা বলিস কেন বল তো ? বউগুলো কি মানুষ নয় নাকি ?

বোঁকিয়ে বললাম কোথায় ? মাধব অবাক হওয়ার ভান করে ।

ওই যে বললি, সারাদিন শরীরের যত্ন করে, কাজ করে না, আরও সব কী যেন ।

তোমার মনটাই বাঁকা । একজন মহিলা নিজের শরীরের যত্ন নেয় এটা তো প্রশংসার কথাই । তুমি যে নাও না, তার জন্য আড়ালে আমরা তোমার নিন্দে করি ।

চিরু হেসে ফেলে বলে, ইয়ারবাজ । বোস, চা করে আনি ।

হ্যাঁ, যাও । রামাঘর ছাড়া তোমাকে কোথাও মানায় না ।

সেটা তোর জামাইবাবুও খুব ভাল বুঝেছে ।

এতক্ষণ মদন একটাও কথা বলেনি । কোনও কথা তার কানেও যায়নি ।
নিজের নখগুলোর দিকে চেয়ে শুঁকুচকে কী যেন ভাবছিল ।

মণীশ বাথরুম থেকে বেরিয়ে বলল, যাও ব্রাদার খবরের কাগজ নিয়ে
আধবেলার জন্য ঢুকে পড়ো ।

কোঁচকানো শু সটান হল, একটু হেসে মদন বলে, অত সময় যদি হাতে
থাকত জামাইবাবু ! এন্ট্রনি রাইটার্সে যেতে হবে ।

মণীশ মাধবকে দেখে খুশি হয়ে বলে, এই যে ব্রাদার ! মদন না এলে
মাধবের দেখা পাওয়া যায় না, আমাদের হয়েছে বিপদ । তোমার ফোন নম্বরটা
চিরুকে দিয়ে যেয়ো তো ।

যাব, কিন্তু আপনি জন্মেও ফোন করবেন না, জানি ।

আহা, কখন কী দরকার হয় তার কি ঠিক আছে ? তবে পরসা দিয়ে করতে
একটু গায়ে লাগে আজকাল । ফোনের চার্জ যা বেড়েছে ।

কেন, অফিস থেকে করবেন ।

মণীশ স্নান একটু হাসে, অফিস থেকে । অফিস থেকে গ্রাইডেট ফোন
করতে একটু কিন্তু লাগে ।

মদন মাথা নেড়ে মাধবকে বলে, জামাইবাবু একটা হোপলেস কেস, বুঝলি
মাধব ? হি ইজ হেলপলেসলি অনেস্ট । এ রোগের চিকিৎসা নেই ।

মাধব হাঁ করে একটু চেয়ে থেকে বলল, জামাইবাবুর অনেস্টি সম্পর্কে
আমার সম্মত নেই । কিন্তু এটা যে শুচিবায়ু হয়ে দাঁড়াচ্ছে ।

মণীশ খুব দুর্বলভাবে একটু হাসে ।

তুই ভয় পেয়েছিস ? মদন জিজ্ঞেস করে ।

শ্রীমন্তর মুখ করুণ গম্ভীর । কোনও বিপদ বা কামেলা পাকালে শ্রীমন্তর মুখ
ওইরকম হয়ে যায় । তাকাতে ভয় করে । সে মদনের দিকে চেয়ে মাথা নেড়ে
বলে, না । তবে কেয়ারফুল থাকা ভাল ।

মদন আত্মবিশ্বাসের হাসি হাসল । বলল, তা থাক । তবে ভয় পাওয়ার কিছু
নেই ।

শ্রীমন্ত মুখে কিছু বলল না । তবে মনে মনে বোধহয় মদনকে একটা বিত্তি
দিল । তার কারণ নব জেল থেকে বেরিয়েও মদনের নাগাল পাবে না । তার
আগেই চিড়িয়া ভেগে যাবে দিল্লি । তারপর বিদেশে । কলকাতার ঘুণচক্রে
নবর পান্না টানতে পড়ে থাকবে শ্রীমন্ত আর তার সাকরেররা । কাজটা খুব
সহজ নয় । যারা নবকে চেনে তারাই জানে ।

কথা হচ্ছিল একটা অ্যাম্বাসাডার গাড়িতে বসে । সকালবেলা । গাড়ি গাদবপুর পেরিয়ে বাঘাঘাটীনের ভিতর দিয়ে যাচ্ছে । সেই বোড়াল ।

দিল্লিতে আমার জন্য একটা চেষ্টা করবে বলেছিলে মদনদা ।

হবে । মদন অন্যান্যমন্ত্র ভাবে বলে, এখানেও তো বেশ আছিস ।

একে থাকা বলো । ভদ্রলোকের মতো থাকতে গেলে কলকাতায় কিছু হবে না । দিল্লিতে একটা ব্যবস্থা করে দাও ।

কী করবি ?

যা হোক । একটা দোকান, না হয় বাস বা ট্যাক্সির পারমিট ।

ওখানে পারবি না । শক্ত কাজ । তবু যদি যেতে চাস তো চেষ্টা করব ।

করো ।

তুই একটু ভয় খেয়েছিস শ্রীমন্ত ।

শ্রীমন্ত জানে, মদনদা এই যে দিল্লি যাবে, গিয়েই ফুলে মেরে দেবে তার কথা । ডি আই পি-য়া সব একরকম । মদনের ওপর নানা কারণেই একটু চটে আছে সে । লোকটা কথা দিয়ে কথা রাখে না । তার ওপর ভয়ের খোঁটা দেওয়া হচ্ছে । শ্রীমন্ত ঠাণ্ডা গলাভেই পাল্টি দিল, ভয় একটু তুমিও পেয়েছ মদনদা । নইলে এই সাত সকালে জরুরি কাজ ফেলে বোড়াল রওনা হতে না ।

মদন হাসে । একটুও অপ্রতিভ বোধ করে না । বলে, কাল নবর মাকে কথা দিয়েছিলাম । কানোয়ারকে সকালে ফোন করতেই রাজি হয়ে গেল । খবরটা দিয়ে আসা কি খারাপ ?

খারাপ বলছি না । কিন্তু আমার মনে হয়েছিল, নবর মাকে তুমি কাটিয়ে দেওয়ার জন্য ওকথা বলেছ ।

মদন একটু চুপ করে থেকে বলে, শত হলেও এক সময়ে নব আমার জন্য অনেক করেছে ।

শ্রীমন্ত কথা বাড়াল না । কিছুদিন যাবৎ মদনদার সঙ্গে তার বনিবনা হচ্ছে না এটা সে নিজেই টের পাচ্ছে । মদনদাও কি আর টের পাচ্ছে না ?

মদন একটা সিনেমা হলের হোর্ডিং দেখল ষাড় ঘুরিয়ে । মুখ ফিরিয়ে বলল, এ কথাটা যেন চাপা থাকে ।

নবর বউয়ের চাকরি তো ? ও নিয়ে ভেবো না ।

দিল্লি সত্যিই যেতে চাস ?

চাই । কলকাতায় কী হবে বলো । হুজুরি করা আমার রস্টে নেই । ওসব মেলা হয়েছে । এইবার সেটল করতে চাই ।

তুই বি কম পাশ না ?

টুকে যুকে । ওসব বিদ্যে ধোরো না । খ্যাড়াব ।

না, তোকে দিয়ে চাকরি হবে না সে আমি জানি ।

চাকরিটাও রস্টে নেই কিনা । আমার বাপ পুরুত ছিল । মেলা যজ্ঞমান ।

আমিও নাকি অনেকের কুলগুরু । রাস্তাঘাটে মাঝে মাঝে বেশ বুড়ো ব্যস্ত
মানুষও দুম করে পেদ্রাম ঠুকে দেয় । কতক বাড়ি আছে যেখানে গেলে আমার
জামাই আদর ।

মদন হাসে, লাইনটা তো ভালই ।

হ্যাঁ, ভাল না হলে আমার বাবা চিরকাল ও কান্ন করবে কেন ? চাকরি
আমাদের বংশে কম লোকই করেছে ।

নিষ্ঠাবান বামুনের ছেলে হয়ে তুই খুনখারাপি করিস কী করে ?

মাইরি মদনদা, ঠুকো না । খুনখারাপি আমার নয় না । একটু হাঁকডাকের
লোক ছিলাম বটে বরাবর । কিন্তু এতটা হয়ে যাব ভাবিনি ।

মদন শ্রীমন্তর হাতটায় একটু চাপ দিয়ে বলে, তুই একটু নরম আছিস ।

আছি মদনদা । স্বীকার করছি ।

নবর মতো তুই কেঠো মানুষ নোস ।

তাও নই ।

নবর সঙ্গে যদি পাল্লা টানতে হয়, পারবি ?

শ্রীমন্ত একগাল হাসে, পারব । তাতে আটকাবে না । তবে আমি ওর মতো
নীচে নামতে পারি না । তুমি ব্যাপারটা বুঝতে পারছ তো ?

পারছি । আমার লোক নিয়েই কারবার । তোর মুশকিল হল, তুই যে
ভদ্রলোক তা ভুলতে পারিস না । আর, কিছু লোক যে তোকে দেখলে প্রণাম
করে সেটাও তোকে কাছা ধরে টানে মাঝে মাঝে ।

শ্রীমন্ত হাসল । বলল সবই তো বোঝো দাদা ।

আমি তোরটা বুঝি । কিন্তু তুই আমারটা বুঝিস না ।

কেন বলছ ওকথা ?

এই যে বললি, ভয় পেয়েছি বলেই নাকি আমি নবর বউয়ের চাকরি করে
দিচ্ছি ।

ওটা একটা ফালতু কথা মুখ দিয়ে বেরিয়ে গেছে ।

মদন চুপ করে রইল । কিন্তু তার মুখের দিকে চেয়ে শ্রীমন্তরও বুকেটা একটু
গুড় গুড় করে ওঠে । তার গায়ে জোর আছে, পকেটে লোডেড রিভলভার
আছে, সাহসও আছে, তবু সে জানে মদনদার মতো লোক তার মতো
হাজারজনাকে নাচিয়ে বেড়াতে পারে । বে-খেয়ালে বেচাল বলে ফেলেছে ।

শ্রীমন্ত একটু চুপ করে থেকে বলল, মদনদা, রেগে আছ মাইরি ?

মদন জবাব দিল না । ঘাড় ঘুরিয়ে বাইরে চেয়ে রইল ।

বোড়ালে বড় রাস্তায় গাড়ি থামিয়ে মদন নামল । শ্রীমন্ত নামতে যাচ্ছিল,
মদন হাত তুলে বলে, না । তুই থাক ।

শ্রীমন্ত অবাক হয়ে বলল, একা যাবে ?

একাই যেতে হবে ।

তোমার কাছে আর্মস নেই ।

তাতে কী ? আমি কোনওকালে আর্মস নিয়ে চলি না । ভয় নেই, আর্মস ছাড়াও আমার অন্য কিছু আছে সেটা তুই বুঝবি না ।

কাজটা ঠিক করছ না মদনদা । নব এখন ফ্রি ঘুরে বেড়াচ্ছে । বাড়িতে একবার টু দেবেই ।

দূর বোকা ! নব তোর চেয়ে বেশি বুদ্ধি রাখে । ও জানে, পুলিশ ওর বাড়ির চারদিকে জাল পেতে আছে ।

তা অবশ্য ঠিক । শ্রীমন্ত মাথা চুলকায় । একটু কেমন লাগে শ্রীমন্তের । মদনদা তাকে সঙ্গে নিচ্ছে না । মদনদা গম্ভীর । কোথাও একটা তাল কেটে যাচ্ছে ।

ভয় নেই । বলে মদন একটা ভাঙাচোরা মেটে রাস্তা ধরে এগোতে থাকে ।

এদিকে অনেক নিবিড় গাছপালা, পুকুর, ফাঁকা জমি । একেবারেই হন্দ গ্রাম । বেশির ভাগ নিম্নমধ্যবিত্তদের বাস বলে বাড়িঘরগুলোর তেমন বাহ্যর নেই । ম্যাড়ম্যাড়ে, শ্রীহীন । মদনের খুব খারাপ লাগছিল না । সে একবার ঘড়ি দেখল । প্রায় এগারোটা । বেলা একটায় রাইটার্সে মিটিং । সময় আছে । ভবু সে একটু পা চালিয়ে হাঁটে ।

আধ মাইলের মতো হেঁটে একটা শ্রীহীন, ভারী গরিব চেহারার চালাঘরের সামনে উঠোনে পা দেয় মদন । নব টাকা কামাই করেছিল মন্দ নয়, কিন্তু ঘর সংসারের পিছনে কিছুই ঢালেনি । কেবল অন্য সব ফুর্টিতে উড়িয়ে দিয়েছে । এই কাঠা তিনেক জমিও ওকে পয়সা দিয়ে কিনতে হয়নি । খোপজঙ্গলে ভরা এই তিন কাঠা এক মুসলমানকে ভোগা দিয়ে দখল করেছিল সে । সেই জমি আর চালা ঘরটাই এখন নবর আত্মীয়দের একমাত্র আশ্রয় ।

মদন উঠোনে পা দিয়ে একবার ফিরে চাইল । রাস্তায় দাঁড়িয়ে একটা ঘাড়োগর্গানে চেহারার লোক তাকে দেখছে । গায়ে হাফ-হাতা নীল রঙা একটা শার্ট, পরনে ময়লা ধূতি । সাদা পোশাকের পুলিশকে চিনতে এক লহমাও লাগে না মদনের । সে একটু নিশ্চিন্ত বোধ করে । তারপর অনুচ্চ স্বরে ডাকে, গৌরী । গৌরী ।

এত ভদ্র গলায় বোধহয় বহুকাল কেউ গৌরীকে ডাকেনি । খোলা দরজায় গৌরী এসে অবাক চোখে তাকায় ।

গৌরী ফর্সা নয় । তবে ভারী মিঠে মোলায়েম একটা শ্যামলা রং ছিল তার । ছিল অকুরন্ত স্বাস্থ্যের শরীর । ছিল অক্লদ দুখানা চোখ । মুখে উপচে পড়ত শ্রী ।

এখন তার কিছুই প্রায় নেই । শরীর শুকিয়ে অর্ধেকে দাঁড়িয়েছে । রং কালো হয়ে গেছে । এখনও শুধু চোখ দুখানা আছে । তাকালে তাকিয়ে থাকতে ইচ্ছে করে আজও ।

আমি মদনদা । চিনতে পারছ ?

গৌরীর শুকনো হাড়িসার মুখে একটু হাসি ফুটল । খুব অবিবাসের হাসি ।

প্রথমটায় বুঝি কথা সরল না। তারপর মৃদু লাজুক স্বরে বলল, এসেন তাহলে। আসুন।

বেশিক্ষণ বসার সময় নেই।

গৌরী হারিয়ে গিয়েছিল, এই কথায় হঠাৎ যেন ঝলসে উঠল পুরনো গৌরী। বলল, একটু বসে না গেলে লোককে কী করে বিশ্বাস করাব যে, একজন এম পি আমাদের বাড়িতে এসেছিল?

মদন মৃদু হেসে নামমাত্র দাওয়ায় উঠে চটি ছেড়ে রাখে। বলে, ঘরে নয়। এইখানেই একটা মাদুর-টাদুর পেতে দাও।

গৌরী বলে, না। এখানে আব্রু নেই। ঘরে আসুন। গরম লাগবে একটু তা আমি পাখার বাতাস দেব খন।

অগত্যা মদন ঘরে ঢোকে। যেমনটি আশা করা যায়, ঘরটি ঠিক তেমনই। বেড়ার গায়ে গুটি তিনেট ছোট জ্ঞানলা বসানো। রোদে তাতা টিনের গরমে ভেপসে আছে ভিতরটা। দু ধারে দুটো সস্তা চৌকিতে অত্যন্ত নোংরা বিছানা। কয়েকটা ফুটপাথে কেনা ব্যাকে রাজ্যের কৌটো-টৌটো রাখা। তবে একটা ট্রানজিস্টার রেডিও আছে, লক্ষ করে মদন।

তোমার শাস্তি কই?

উনি একটা বিড়ির কারখানায় যান।

ছেলেমেয়ে?

গৌরী একটা শ্বাস ফেলে বলে, পাড়ায় পাড়ায় ঘুরছে।

লেখাপড়া করে না?

নাম লেখানো আছে ইস্কুলে। যায় বলে তো মনে হয় না।

তোমার কটি?

দুজন। বড়টা ছেলে। ছোটটা মেয়ে।

গৌরীর হাত পাখাটা নড়বড়ে। মচাৎ মচাৎ শব্দ হচ্ছে। মদন বলল, থাকগে। পাখা রেখে দাও।

গৌরী রাখল না। বলল, কেমন আছেন?

ভাল নেই গৌরী।

আপনি ভাল নেই? তবে আমরা কোথায় যাব।

তোমার শাস্তি গতকাল আমার কাছে গিয়েছিল।

জানি। আমি বারণ করেছিলাম, শোনেনি।

বারণ করেছিলে কেন?

গৌরী একটু উদাস হয়ে বলে, কী হবে গিয়ে? আমার জীবনে তো আর ভাল কিছু হবে না।

মদন একটু চুপ করে থেকে বলে, তোমার চাকরিটা হয়ে গেছে।

কোথায়?

নবর কারখানায়।

খবরটা শুনে গৌরী গা কমল না । বলল, ও ।

কারখানায় ওদের অফিসও আছে । সেই অফিসে ।

গৌরী জবাব দিল না । হাতপাখার মচাৎ মচাৎ শব্দ হতে লাগল ।

মদন একটু চূপ করে থেকে জিজ্ঞেস করল, নবর কারখানায় কি তুমি চাকরি করতে চাও না ?

গৌরী মৃদু স্বরে বলে, এই প্রশ্নটাই আপনার আগে করা উচিত ছিল মদনদা ।

মদন বুঝদারের মতো মাথা নেড়ে বলল, কাল তোমার শাশুড়ি গিয়ে নবর কারখানায় তোমাকে একটা চাকরি দেওয়ার কথা বলল, তখনও ভেবে দেখিনি যে, তোমার কাছে চাকরিটা কতখানি অস্বস্তিকর হয়ে দাঁড়াবে ।

গৌরী একটা শ্বাস ফেলে বলল, যাক আপনার বুদ্ধি এখনও লোপ পায়নি দেখছি । একটু দেরিতে হলেও ব্যাপারটা বুঝতে পেরেছেন ।

মদন মাথা নেড়ে বলে, বুদ্ধির ধার কমেও যাচ্ছে । আগের চেয়ে মাথা এখন অনেক কম খেলে ।

গৌরী একটু ক্লান্ত স্বরে বলে, নবর মাকে অনেকবার বোঝানোর চেষ্টা করেছি যে, ওর কারখানায় আমার কাজ করা বিপজ্জনক । ওর শত্রু অনেক । তার ওপর ওর উন্টো ইউনিয়ন এখন কারখানা দখল করেছে । ওখানে চাকরি করা কি সম্ভব ! কিন্তু নবর মা তা মানতে চায় না ।

কী বলে ?

অনেক কিছু বলে । সব তো আপনাকে বলা যায় না । এমনকী বেশ্যাগিরি করেও টাকা আনতে বলে । আর শুনবেন ?

মদন একটু গভীর হয়ে যায় । তারপর বলে, বুড়ি তার উপযুক্ত কথাই বলে । তাতে উত্তেজিত হওয়ার কিছু নেই ।

আমি উত্তেজিত হই না তো !

নবর সঙ্গে কি জেলখানায় মাঝে মাঝে দেখা করতে যাও ?

না । ওর মা যায় । ছেলে মেয়েও কখনও সখনও যায় ।

তুমি যাও না কেন ?

কেন যাব ?

মদন একটু হাসল, রাগটা কি নবর ওপর ? না আমার ওপর ?

আপনার ওপর রাগ করব । ছিঃ ছিঃ, কী যে বলেন ।

ঠাট্টা করছ ?

আপনি ঠাট্টা ইয়ার্কির অতীত হয়ে গেছেন মদনদা ।

শোনো, তোমার জন্য একটা কাজের ব্যবস্থা করা খুব শক্ত হবে না । ট্রেড ইউনিয়ন তো কম করিনি । কিন্তু তোমাকে একটা কথা বলে যাই, এখানে আর থেকো না ।

গৌরী অবাক হয়ে বলে, থাকব না ? কেন ?

কারণ আছে ! তোমার কোথাও যাওয়ার জায়গা নেই ?
গৌরী বিহ্বল মুখে মাথা নেড়ে বলে, না । কোথায় যাব ?
বাপের বাড়ি এখনও কি ম্যানেজ হয়নি ?
না । কোনওকালে হবেও না ।

তাহলে ?

আমার যে কোনও জায়গা নেই, সে তো আপনি জানেন ।

চিন্তিত মুখে মদন একটা হুঁ দিল । তারপর আরও খানিকক্ষণ ভেবে বলে,
দূরে যেতে হলে পারবে ?

কোথায় ?

ধরো যদি দিল্লি যেতে হয় ?

আমার জন্য আপনি এত ভাবছেন কেন ? আমি বেশ আছি । এর চেয়ে
বেশি বিপদ আর কী হবে ?

একটু দ্বিধা করে মদন বলে, কাল নব জেল থেকে পালিয়েছে । জানো ?

এতক্ষণ ভাঙা পাখার মচাৎ মচাৎ শব্দে কান অভ্যস্ত হয়ে গিয়েছিল
মদনের । এখন হঠাৎ পাখার শব্দটা বন্ধ হয়ে যাওয়ায় নিস্তকতাটা খুব বড় করে
শোনা গেল ।

অবশ্য কয়েক সেকেন্ড বাদেই আবার পাখার মচাৎ মচাৎ শব্দ দ্বিগুণ জোরে
হতে লাগল । গৌরী বলল, আপনি ঘরে ভীষণ ঘেমে যাচ্ছেন । দাওয়াটাতেও
রোদ পড়েছে ।

আমার জন্যে ভেবো না । আমি এক্ষুনি চলে যাব । হাতে অনেক কাজ ।

সে তো জানি । এত বড় দেশের দণ্ড-মুণ্ডের একজন কর্তা তো আপনিও ।

তোমার মুখে এসব কথা শুনতে ভাল লাগে না গৌরী ।

কেন মদনদা ? আমি কি আলাদা কিছু ?

আলাদাই তো ছিলে । এখন কেমন ম্যাড়ম্যাড়ে হয়ে গেছ । কেবল কি
ঠেস দিয়ে কথা বলতে হয় ?

আমার আজকাল স্বাভাবিক কথা আসতে চায় না । মনটা খুব সংকীর্ণ হয়ে
গেছে বোধ হয় । হওয়ারই কথা ।

না গৌরী, আমাকে দেখলেই তোমার প্রতিহিংসা জেগে ওঠে ।

প্রতিহিংসা কেন হবে ? কী যে বলেন, বলে গৌরী হঠাৎ হাত পাখাটা
থামিয়ে উৎকর্ণ হয়ে কী শুনল, তারপর বলল, নবর মা আসছে ।

মদন মৃদু একটু হেসে বলে, বুড়ি খুব খাতার না ?

গৌরীও হাসে, নবর মা তো, একটু তেজি তো হবেই ।

তোমার সঙ্গে খুব লাগে ?

গৌরী মাথা নাড়ে, লাগে, তবে একতরফা । আমি জবাব দিই না ।

সে কি । মদন অবাক হয়ে বলে, জবাব দাও না কেন ? এক সময়ে তো
তুমি দারুণ ভাল ঝগড়াটি ছিলে । যাকে তাকে ক্যাট ক্যাট করে কথা

শোনাতে ।

গৌরী অবসর মুখে বলে, আপনি তো আমার দোষ ছাড়া গুণ কখনও দেখেননি ।

হাত নেড়ে মদন বলে, ওসব কথা রাখো । আমি তোমাকে ভাল চিনি ।
কথা হচ্ছে শাওড়ির সঙ্গে একটু ঝগড়া টগড়া করো না কেন ? তাতে তো সময়টাও ভাল কাটে ।

কী যে বলেন মদনদা । গৌরী বিরক্ত মুখে জবাব দেয় ।

কেন, ঝগড়া কি খারাপ ?

সে আপনিই জানেন । আমার ভাল লাগে না ।

বুড়ির মুখ কেমন ? খুব খারাপ কথা বলে ?

গৌরী হেসে ফেলে । বলে, কেমন আবার । আন্তাকুঁড় ।

তাহলে তো তোফা ।

আপনি আবার ঝগড়া-প্রিয় হলেন কবে থেকে ?

আহা, পারলামেন্টে তো আমরা ঝগড়াই করি । দারুণ ঝগড়া । তবে সেখানে গালাগাল চলে না, পরেণ্টে পরেণ্টে ল্যাক্সালেসি হয় । আমার অবস্থা ওরকম বাবু-ঝগড়া ভাল লাগে না । বহুকাল বস্তিমাৰ্কা ঝগড়া শুনিনি, একটু শোনাবে ?

গৌরী झুকুটি করে তেতো গলায় বলে, আমি কি বস্তির মেয়ে ?

আরে না । তুমি আবার ঘুরিয়ে ধরলে । আমি নবর মার কথা বলছিলাম ।
একটু ঝুটিয়ে দিলে একেবারে ভাগীরথীর উৎস খুলে যাবে । দাও না একটু ঝুটিয়ে ।

গৌরী উদাস হয়ে বলে, আপনি খোঁচান গিয়ে । আমি নিত্যা শূনছি । ওই আসছে ।
উন্টাদিকের বাড়ির বউয়ের সঙ্গে কথা বলছিল এতক্ষণ । কথা থেমেছে ।

বুড়িকে খবরটা দেবে নাকি ?

কোন খবর ?

নব যে পালিয়েছে ।

উদাস মুখে গৌরী বলে, আপনিই দিন ।


তুমি এত উদাস ভাব দেখাচ্ছ কেন বলো তো ! নবকে ঝুঁজতে পুলিশ সব দিকে ঘুরছে । এ বাড়িও তাদের নজরবন্দী । নবকে ধরার জন্য দরকার হলে গুলিও চলেবে । আমার নিজের ধারণা, নব মরতেও পারে ।

তার আমি কী করব ?

নব মরলে তুমি বিধবা হবে, জানো না ?

খুব জানি । তবে আমার বিধবা হওয়ার আর বাকি কী ? বিয়ের দিন থেকেই তো আমি বিধবা ।

নবর ওপর তোমার খুব রাগ ।



রাগের স্টেজ পার হয়ে গেছে। এখন শুধু ঘেমা।

তুমি যা পট্টাপট্টি কথা বলো। কিন্তু নবর সঙ্গে তো তোমাকে কেউ খোলায়নি। তুমি নিজেই ঝুলেছ।

গৌরী একটু থতমত খেয়ে বলে, আমি ঝুলব কেন? আমি নবকে কোনওকালে চাইনি তো।

মদন গম্ভীর হয়ে বলে, আমি তখন লীডার ছিলাম না গৌরী। এ পাড়ায় সে পাড়ায় একটু আধটু সোশ্যাল ওয়ার্ক করতাম। নবর মতো ফেরোসাস শুণ্ডা বা নীলুর মতো ভাল ওয়ার্কারকে তখন আমার খুব দরকার হত। যদিও আমরা তিনজন ছিলাম তিনরকম, কিন্তু কাজ করতাম এক সঙ্গে। আর একটি জায়গায় আমাদের মিল ছিল। আমরা তিনজনই তোমাকে পছন্দ করতাম।

গৌরীর মুখ সাদা দেখাচ্ছিল।

মদন একটু চোখের ইশারা করে নিচু গলায় জিজ্ঞেস করে, বুড়ি কন্দুর? এল নাকি?

গৌরী মাথা নেড়ে বলে, পুকুরে হাত-পা ধুতে গেছে। এক্ষুনি আসবে।

মদন বলে, হ্যাঁ, আমরা তিনজনই তোমাকে পছন্দ করতাম। তাই না?

নীলুর কথা থাক। তবে আপনারা দুজন করতেন। মানছি।

কিন্তু তুমি নবকেই দেহ মন দিয়েছিলে, আমাদের পাশ্চা দাওনি।

নবকে আমি মন দিইনি। খুব ক্ষীণ গলায় গৌরী বলল।

শুধু দেহ?

সেটাও ও জোর করে নিত।

আর মনটা? সেটা কাকে দিয়েছিলে? আমাকে, না নীলুকে?

তা জেনে কী হবে? আপনি তো আগে কখনও জানতে চাননি।

তা ঠিক। তবে জানতে চাইতে হবে কেন বলো তো। মন দিলে তো এমনিতেই টের পাওয়ার কথা।

বহু মেয়েই আপনাকে মন দিয়েছিল, তাদের দিকে তাকানোর সময় আপনার ছিল না।

সময় ছিল না ঠিকই, কিন্তু তাই বলে টেরও পেতাম না ভেবেছ?

তোমারটাই টের পাইনি কোনওদিন। তবে নীলু টের পেত কিনা জানি না।

কামার আগে যেমন মুখ হয় গৌরীর মুখ এখন ঠিক সেইরকম। চোখ হির, লাল, চোঁটে চোঁটে চেপে আবেগটাকে ঠেকাচ্ছে। পাখাটা রেখে ঘর থেকে বেরুতে যাচ্ছিল। কিন্তু ঠিক সেই সময় দরজায় নবর মা উঠে দাঁড়াল।

ঘরের মধ্যে আবছায়াতেও বুড়ির নজর মদনকে চিনে ফেলেছে। চোখে ভারী অবাক ভাব। মুখখানা হাঁ করা।

মদন মৃদু একটু হেসে বলে, এই যে মাসি। আপনার বউমার চাকরির একটা খবর আছে। তাই দিতে এলাম।

নিজে এলে। কী ভাগ্যি। আমি ভাবছিলাম, বড় মানুষ, বোধহয় গরিবের

কথা ভুলেই গেছ ।

বুড়ির গলাটা টনটনে । স্বাভাবিক স্বরটাও সাত বাড়িতে শোনা যায় ।

মদন বলল, নব আমার সাক্ষেদ ছিল । তার জন্য এটুকু করা কিছু না ।

তা ঠিক । নবর মা এক গাল হেসে বলে, তা কাল থেকেই কি যাবে বউমা ?

মদন মাথা নেড়ে বলে, না মাসি । চাকরি এখানে নয় দিল্লিতে ।

দিল্লি ? ও বাবা, তাহলে এখানে কী হবে ?

এখানে আপনি তো রইলেন ।

বুড়ি গলা জলে আঁকুপাকু ঝেতে থাকে । কথা ফোটে না মুখে । এই সময়ে বুড়ির পাশ কাটিয়ে গৌরী ঘর থেকে বেরিয়ে গেল ।

মদন চোখ টিপে বলে, চাকরি তো এখানেই ঠিক হয়ে গিয়েছিল, কিন্তু নবর বউ করতে চাইছে না । বলে, নবর কারখানায় চাকরি করতে নাকি ঘোমা করে ।

বলল ? বুড়ির গলা সাত বাড়ি ছেড়ে সাতটা গাঁয়ে পৌঁছে যায় ।

মদন উঠে পড়ে । ভাগীরথীর মুখ খুলে গেছে । এবার খেউড়ের বেনোজল নেমে আসবে । খুব ইচ্ছে ছিল মদনের, বসে থেকে শুনে যায় । কিন্তু ঘড়ি ঘোড়ার মতো দৌড়াচ্ছে । রাইটার্সে মিটিং । বিকেলে পার্টির জরুরি সভা ।

মদন দাঁড়িয়ে বলল, আমি দিল্লি গিয়েই ব্যবস্থা করছি । নবর বউ যেন ডাড়াডাড়ি চলে যায় । সম্ভব হলে আজই ।

গিয়ে কোথায় উঠবে ?

সে ব্যবস্থা হয়ে যাবে । চলি ।

বলে মদন বেরিয়ে আসে । রাস্তায় পড়ে কয়েক কদম গিয়ে একটু দাঁড়ায় । ওই শোনা যাচ্ছে সারা এলাকা মাং করে নবর মায়ের গলা চৌদুনে পৌছলো...গোছো মাগি... অমুকভাতারি...তমুক ভাতারি...

মদন আর দাঁড়াল না । মৃদু একটু হেসে হাঁটতে লাগল । লাগ ভেলকি লাগ । নারদ নারদ ।

সময়ের একটু আগেই পৌঁছে গেল বৈশম্পায়ন । ভারী লজ্জা-লজ্জা করছিল তার । রাতে খাওয়ার নেমস্তম্ভ, কিন্তু এখনও ভাল করে দিনের আলোটাও মরেনি ।

কিন্তু না পৌঁছে উপায়ই বা কী ? কাল থেকে ঘরে শুয়ে শুয়ে শরীরে জড়তা এসে গেছে । আর মনটা পাগল-পাগল করছে কেয়াতলার এই বাড়িটার কথা ভেবে । উদ্দাম এক হাওয়া এসে পালে লাগছে বার বার । বন্দর ছাড়তে

বলছে। ভেসে পড়ো। ভেসে পড়ো। সামনে অকূল দরিয়া। মৃত্যুশাসিত এই পৃথিবীতে মানুষের সময় বড় কম। লাভালাভ, ভোগ-উপভোগ সব সেরে নাও বেলাবেলি।

আজও দরজা খুলল কিশোরী বি পুনম। বাইরের ঘর আজ আরও পরিপাটি সাজানো। চন্দনের গন্ধওয়ালা ধূপকাঠি জ্বলছে। অন্তত চার ডজন রজনীগন্ধা। ঘরে কেউ নেই।

ইতস্তত করে বৈশম্পায়ন জিজ্ঞেস করে, মাধব আসেনি ?

না, মামাবাবুর তো অফিস।

এ কথায় আরও লজ্জা পায় বৈশম্পায়ন।

বড্ড বেশি আগে আগে চলে এসেছে। এখন কিছু করার নেই। সে সোফার এক কোণে বসে সিগারেট ধরাল। ভিতরে ভিতরে একটা কামনা শেয়ালের মতো ছৌঁক ছৌঁক করছে, উকি মারছে এদিক সেদিক।

কিন্তু এই নিরিবিচলি ঘরটিতে বসে, ঠুলি পরানো আলোয় কিছুক্ষণ চারদিকের ভৌতিকতাকে অনুভব করতে করতেই দূর, বহু দূর থেকে মৃত্যু নদীর কম্পন গান ভেসে এল। সাদা পাথর, বিশাল উপত্যকা, অন্তহীন নদী, অবিরল তার গান।

ছসস্ত সিগারেটটা পড়ে গেল আঙুল থেকে। নিচু হয়ে তুলবার সময় সে দুর্দান্ত সুগন্ধটা পেল বাতাসে। এই সব সুবাস মাখে একজন। মাত্র একজনই। সে ঘরে এসেছে নিঃশব্দে। সিগারেটটা কুড়োতে প্রয়োজনের চেয়ে বেশি সময় নিল বৈশম্পায়ন।

সামনে সোফায় ততক্ষণে মুখোমুখি স্থির হয়ে বসেছে ঝিনুক।

বৈশম্পায়ন মুখ তুলে বলল, কী খবর ?

ঝিনুকের পরনে বেরোনোর পোশাক। হাতে ড্যানিটি ব্যাগ, পায়ে চটি, চোখে স্কুটি।

ঝিনুক মৃদু কিন্তু রাগের গলায় বলে, আমি বাড়ি থেকে বেরিয়ে যাচ্ছি।

বৈশম্পায়ন একটু অবাক হয়ে বলে, সে কি ? কেন ?

কেন তা আপনাদের বোঝা উচিত।

বৈশম্পায়ন ঝিনুকের অসহনীয় সৌন্দর্যের দিকে চেয়ে মনে মনে ভীষণ হতাশা বোধ করে। এত রূপ যার সে কি কখনও সহজলভ্য হতে পারে ? বড় দূর, বড় দুর্লভ ঝিনুক।

সে বলল, আমি তো ঠিক বুঝতে পারছি না। আমার জন্যেই নাকি ?

আপনার জন্য। ও মা, কী কথা বলে লোকটা। আপনার জন্য বাড়ি থেকে পালাব কেন ?

বৈশম্পায়ন আবার লজ্জা পেয়ে বলে, তাহলে ?

বাড়ি থেকে পালাচ্ছি আপনার বন্ধুর জন্য। কাউকে খেতে বললেই কি সঙ্গে একটা ককটেলেরও অ্যারেঞ্জমেন্ট করতে হবে ? এত বিরক্তিকর।

দেখবেন আরোজনটা ?

বলে ঝিনুক উঠে লিভিংরুমে চলে যায়। একটু বাদে দু হাতে গোটা চারেক বড় বোতল নিয়ে আসে। বলে, শুধু এতেই শেষ নয়। আরও ছটা বিয়ারের বোতলও আছে। ফ্রিজে সব ঠাণ্ডা হচ্ছে। কার না মাথা গরম হয় বলুন তো ?

বৈশম্পায়ন স্কচ দেখে এবং বিয়ারের কথা শুনে শুকনো জিব দিয়ে ঠোট চটে বলল, ঠিকই তো।

ঝিনুক স্বংকার দিয়ে বলে, আর ভাল মানুষ সাজতে হবে না। মদ দেখলেই আঙ্গকাল পুরুষগুলো এমন হ্যাংলামি করে। এতে আপনারা কী আনন্দ পান বলুন তো।

আনন্দ। ওঃ, না ঠিক আনন্দ নয় বটে।

ঝিনুক ভীষণ জোর ও আত্মবিশ্বাসের সঙ্গে বলে, একটুও আনন্দ নেই। মদ খেয়ে ভুল বকে, আনবিকামিং বিহেভ করে, তারপর বমি আছে, হুম্রোড আছে। কী বিস্তী ব্যাপার বলুন তো। তবু শুদ্ধের পয়সা খরচ করে সেই অস্বাভাবিকতাকে গ্রহণ দেওয়া চাই।

সেই জন্যই আপনি বেরিয়ে যাচ্ছেন ?

ঝিনুক পুনরুৎসাহে ডেকে বোতলগুলো আবার ফ্রিজে পাঠিয়ে দিয়ে বলল, বোতলের গা থেকে মেঝেয় জল পড়েছে, মুছে নিয়ে যা তো।

ঘর মুছে পুনরুৎসাহে চলে যাওয়ার পর ঝিনুক বলল, আমার কথার একটুও দাম দেয় না। এম পি বন্ধু এসেছে তো কী হয়েছে ? তাই বলে বাড়িটাকে গুঁড়িখানা বানাতে হবে ? আর আঙ্গকালকার এম পি-রাই বা কিরকম ? যখন তখন তারা মদ খাবে কেন ?

মদের সপক্ষে কেউ বলার নেই দেখে বৈশম্পায়ন খানিক ভেবে এবং খানিক সাহস সঞ্চয় করে মৃদু করে বলল, ঠিক মদ খাওয়া নয়। স্টিমুল্যান্ট হিসেবে একটু খাওয়া তেমন খারাপ নয়। অনেক বড় বড় লীডারও খেতেন।

স্টিমুল্যান্ট। বলে ঝিনুক ব্যঙ্গের হাসি হাসল। বলল, তা হলে তো বলার কিছুই ছিল না। আমি আপনার বন্ধুকেও চিনি, মদনকেও চিনি। মদ পেলে এমন হামলে পড়বে যে, দেখলে মনে হয় এটা ছাড়া দুনিয়ায় আর কোনও ইমপরট্যান্ট জিনিস নেই। হোটেল থেকে এক কাঁড়ি দামি খাবার নিয়ে আনবে, তার কিছুই শেষ পর্যন্ত খেতে পারবে না। বহুবীর এরকম ঘটছে।

তাহলে তো—বলে বৈশম্পায়ন সংশয় প্রকাশ করে।

সেই জন্যেই আমি বেরিয়ে যাচ্ছি। মাতালদের আমি দু চোখে দেখতে পারি না।

সব কথা যে বৈশম্পায়ন শুনেতে পাচ্ছে বা বুঝতে পারছে তা নয়। সে চেয়ে আছে, বহুবীর চেষ্টাও করছে, কিন্তু ঝিনুকের সৌন্দর্য থেকে একটা সম্বোধন ওর গায়ের সুগন্ধের মতোই বার বার উড়ে এসে আচ্ছন্ন করছে তাকে। ঝিনুক। কী সুন্দর।

বৈশম্পায়ন সিগারেটটা অ্যাসট্রেতে ঠুঁজে রেখে বলল, আপনি যদি বেরিয়ে যান তাহলে আমারও খালি বাড়িতে বসে থাকার মানে হয় না ।

এই বলে বৈশম্পায়ন উঠতে যাচ্ছিল, ঝিনুক ভারী নরম মায়াবি গলায় বলল, আপনি তো ওদের মতো একষ্টোভার্ট নন, তবে আপনি খান কেন বলুন তো । যারা সিরিয়াস মানুষ, যাদের মনের গভীরতা আছে তারা কেন এসব বাজে ফুর্তি করবে, আমি কিছুতেই বুঝতে পারি না ।

বৈশম্পায়ন অপরাধী মুখ করে লাঞ্ছক গলায় বলে, আমার মদে কোনও নেশা নেই, তবে প্রেজুডিসও নেই ।

নেশা মাধবেরও নেই । কিন্তু কোনও অকেশন পেলেই মদের চৌবাচ্চায় লাফিয়ে পড়বে । আজকাল লোকে এত মদ খায় কেন তা আমি একদম বুঝতে পারি না ।

বৈশম্পায়ন সম্মোহনের আর একটা ঘোর কাটাল । ঝিনুক ! কী সুন্দর ।

মৃত্যু-নদীর কলরোল কানে ভেসে আসছে । ফুরিয়ে যাচ্ছে আয়ু । জীবনে সময় বড় কম । বড় কম । তুমি কি জানো, ঝিনুক, কিশোরী বয়স থেকে আমি তোমার প্রেমিক ।

বৈশম্পায়ন যে হাসিটা হাসল তাও সম্মোহিতের হাসি । বলল, কেন যে খায় তা আমিও জানি না । মদের দামও আজকাল ভীষণ, তবু তো যাচ্ছে ।

ঝিনুক ত্রু কুঁচকে বলল, মদের দাম কি খুবই বেশি ?

খুব বেশি । প্রতি বছর বাজেটে ট্যাক্স বসে আর দাম ওঠে ।

ওই বোতলগুলোর দাম কত হবে জানান ?

মাথা নেড়ে বৈশম্পায়ন বলে, আমার ঠিক আইডিয়া নেই । তবে পঞ্চাশ বাট টাকা বা তারও বেশি ।

চোখ কপালে তুলে ঝিনুক বলে, একেকটা বোতলের অত দাম ?

খুব কম করে ধরেও ।

ইস্‌স ! বলে ঝিনুক তার চমৎকার হাতখানা ছোট কপালে রেখে গভীর হয়ে বসে থাকে কিছুক্ষণ ।

মদ খুবই একসপেনসিভ নেশা । বৈশম্পায়ন মৃদুস্বরে বলে, আপনি কি জানতেন না ?

ঝিনুক শুকুটি করে বৈশম্পায়নের দিকে চেয়ে বলে, আমার মদের দাম জানান্য কথা নাকি ?

বৈশম্পায়ন চোঁক গিলে বলে, ঠিক তা মিন করিনি । তবে আজকাল সবাই সব খবর রাখে ।

ঝিনুক বিরক্ত গলায় বলে, আমি সকলের মতো নই ।

বৈশম্পায়নের ভিতর থেকে কে যেন সঙ্গে সঙ্গে পৌঁ ধরে, তা ঠিক । আপনি অন্যরকম ।

ঝিনুক আবার শুকুটি করতে গিয়ে হেসে ফেলে বলে, আমি কিরকম বলুন

বৈশম্পায়নের ঠোঁটের কথা ঠোঁটেই মরে যায়। আর একটা সম্মোহনের টেড এসে আচ্ছন্ন করে তাকে। বিনুক। কী সুন্দর! তুমি যেখান দিয়ে হেঁটে গাও সেই পথে সোনার ঝুঁড়ো ছড়িয়ে থাকে। যেদিকে তাকাও, আলো হয়ে যায়। তোমার জন্যই সেতু বন্ধন। তোমার জন্যই ট্রেনের যুদ্ধ। তোমার জন্যই বেঁচে থাকা মরে যাওয়া। তুমি কিরকম তা কি বলে শেষ করা যায়? কখনও অত ক্ষমতা নেই বিনুক।

বিনুক এই অসহায় লোকটিকে রেহাই দিয়ে একটা শ্বাস ফেলে বলল, আমি শীঘ্র খারাপ, জানি।

না, না। বৈশম্পায়ন প্রায় আত্মনাশ করে ওঠে।

বিনুক উঠে দাঁড়ায়। বলে, আপনার বন্ধুর ফিরতে দেরি হবে। অফিস থেকে বেরিয়ে কোন চাইনিজ রেস্টুরেন্টে যাবে খাবার আনতে। আপনি কি কষ্টকণ একা বসে থাকতে চান?

না। বৈশম্পায়ন উঠে দাঁড়িয়ে বলে, বরং একটু ঘুরে আসি।

কোথায় যাবেন?

বিশেষ কোথাও না।

বিনুক মৃদু একটু হাসে। বলে, তাহলে আমার সঙ্গে চলুন।

কোথায়?

‘আমার বোন থাকে কাছেই, গোলপার্কের ওদিকটায়। ওর জন্য একটা থিটার করেছি, বলে আসি।

বৈশম্পায়ন এত সৌভাগ্যের কল্পনা করেনি। একটু অবিশ্বাসী চোখে চেয়ে থেকে বলল, চলুন।

গাড়িয়া স্টেশনের খানিকটা আগেই চলন্ত ইলেকট্রিক ট্রেনের কামরা থেকে লোকটা লোক লাইনের ধারে লাফিয়ে নামল। কাজটা খুব সহজ নয়। ইলেকট্রিক ট্রেনের কামরায় নামবার সিঁড়ি নেই, পাটাতনও বেশ উঁচু আর লাইনের ধারে অতি সংকীর্ণ জায়গায় নুড়ি পাথর ছড়ানো, যমদূতের মতো গা ঘেঁষা লোহার পোস্ট। কিন্তু লোকটা নামল অনায়াসে, যেন প্রতিদিন এইভাবে নামা তার অভ্যাস। কামরার কিছু লোক তাকে বহুক্ষণ লক্ষ করছিল, এমন তারা মুখ বের করে তাকে চলন্ত ট্রেন থেকে দেখছে। কেউ অক্ষয় কিছু বলল না। তার চেহারাটাই এমন যে, লোকে কিছু বলতে সাহস পায় না, কাছে এগোতে চায় না।

ট্রেনটা এগিয়ে গিয়ে থামল। কয়েকশো গজ দূরেই স্টেশন। স্পষ্ট সিঁড়ির আলোয় সব দেখা যাচ্ছে। বহু লোক। গিজগিজে ভিড়। সে

এখন যতদূর সম্ভব ভিড় এড়াতে চায়।

নামবার সময় উপুড় হয়ে মাটিতে হাতের ভয় দিয়েছিল সে। এখন সোজা হয়ে দাঁড়িয়ে দু হাতে ঘমাঘবি করে ধুলো ময়লা ঝেড়ে ফেলল।

চারদিকে শরতের ভারী সুন্দর এক বিকেল। বাঁয়ে গড়িয়ার বাজারে বোধহয় আজ হাট বসেছে। খালে একমাথা ভর ভরন্ত জল। আকাশে হেঁড়া হেঁড়া মেঘ। গাছপালা গভীর সবুজ। মেঠো গন্ধ। অব্যবহৃত মুক্ত মাঠঘাটে অগাধ বাতাস। গরম না, ঠাণ্ডাও না। লোকটা অবশ্য প্রকৃতির এই সাজগোজ লক্ষ করল না। তার সতর্ক তীক্ষ্ণ চোখ চারদিকে ঝেঁটিয়ে পরিস্থিতিটা দেখে নিচ্ছিল। যা দেখল তাতে নিশ্চিন্ত হল সে। অবশ্য এই নিশ্চিন্ত অবস্থাটা বেশিক্ষণের জন্য নয়। বহু চোখ তাকে ঝুঁজছে। ঝুঁজে পেলে যে আবার ধরে জেলে পুরবে, তা নাও হতে পারে। বেকায়দা দেখলেই গুলি চালাবে। তার অবস্থাটা খুব সুখের নয়। সুখে সে কোনওকালে ছিলও না। একটা রাতও নিশ্চিন্তে ঘুমোয়নি বড় হওয়ার পর থেকে। কোনও পথেই সাবধান না হয়ে হাঁটেনি কখনও। খুব ঘনিষ্ঠ লোককেও আগাপাশতলা বিশ্বাস করেনি।

ইশারা ছিল অনেক আগেই থেকেই। দিন পনেরো আগে একজন পলিটিক্যাল আড়কাঠি জেলখানায় তার সঙ্গে দেখা করে যায়। বেশি ধানাই পানাই করেনি, সোজা বলেছে, আমাদের হয়ে কাজ করবে ?

সে বরাবরই এ দলের বা সে দলের হয়ে কাজ করেছে। সুতরাং এ প্রশ্নের জবাব দিতে ভাবতে হয়নি, করব।

বাস, কথা ওইটুকুই। কিন্তু তার মধ্যেই ইশারাটা ছিল। পরন্তু বিকেলে একজন কয়েদির মারাত্মক পেট ব্যথা। তাকে পুলিশের গাড়িতে হাসপাতালে নেওয়ার সময় তার ডাক পড়ল স্টেচার ধরতে। হাসপাতাল পর্যন্ত রুগির সঙ্গে ছিল সে। বেড়ে তুলে দিল। আর তারপরই দেখল, পালানোর জন্য কসরতের দরকার নেই। শুধু ইচ্ছে। অত্যন্ত তৎপরতার সঙ্গে সে পেছাপাখানা হয়ে পিছনের সিঁড়ি দিয়ে নেমে গেল। কয়েদীর পোশাকটাই ছিল সবচেয়ে বেশাঙ্গা জিনিস, কিন্তু কলকাতার লোক আজকাল এতরকম বিচিত্র পোশাক পরে যে, লোকে তেমন মাথা ঘামায় না।

লোকটার বুদ্ধি তেমন বেশি নয়, লোকটার মনে খুব একটা জটিলতা নেই, দুনিয়া সম্পর্কে তার ধারণা খুবই স্পষ্ট এবং মোটা দাগের। তার বেশির ভাগ অনুভূতিই শারীরিক। যেমন ঘোঁনতা এবং ক্ষুধাবোধ। তবে শরীরের ব্যথা-বেদনার বোধ তার খুবই কম। তার মানসিক অনুভূতি এক আঙুলে গোনা যায়। কোনও ফালতু দুঃখ-দুঃখ আর তার নেই। শুধু আছে একটা প্রচণ্ড একরোখা আগুন রোগ, আছে ভয়ঙ্কর রকমের টাকার লোভ, দুনিয়ায় প্রায় কারও প্রতিই তার কোনও গভীর ভালবাসা নেই, মানুষকে খুন করতে তার দুঃখ হয় না বটে, কিন্তু খুন করার পর সে বহুক্ষণ খুব অস্থির থাকে, তার একটা পশুসুলভ ভয়ও আছে, কিন্তু সেটা খুব কমই সে টের পায়। তবে একটা

অনুভূতি তার প্রথর, সে আগে থেকেই বিপদের গঙ্ঘা পায় ।

পরশু রাতে কলকাতার ভিড়ে ছাড়া পেয়ে তার প্রথম জেগেছিল এক হিংস্র মশও কাম । সেই তাড়নায় তার হিতাহিত জ্ঞান ছিল না । অজ্ঞানতায় দুনিয়া খুঁজা তাড়াতাড়ি পান্টায়, দোস্তরা রং বদলে ফেলে, দল ভেঙে যায় । সে ঘোলাখানায় থাকতে কী কী হয়ে গেছে তা না জানলে সে লাইনটা ধরতে পারবে না । লাইন ধরতে না পারলে বেরিয়েও লাভ নেই । খাবি খেয়ে মরতে হবে । তাই কোনও ঝুঁকি নেওয়া তার উচিত ছিল না । কিন্তু সেই কাম তাকে তাড়া করে আনল কসবা পর্যন্ত । নীতু বরাবর তার বাধা ছিল, বাঁধাও ছিল । সে নীলু হাজরার ঝুঁকো খুনের মামলায় ঘানি টানতে যাওয়ার পর নীতু বিয়ে করেছে । বেশি দিন নয়, মাত্রই । নীতুকে নিয়ে মাঝে মাঝে থাকবে বলে সে গাখতলার দিকে বস্তির যে ঘরটা ভাড়া নিয়ে রেখেছিল সেই ঘরেই সংসার পেতে বসেছে ।

সেই সমা-পাতা সংসারে সে রাত নটায় হানা দিল ।

কি রে নীতু ! জন্মিয়ে নিয়েছিস ?

যে নীতু তাকে দেখলে গলে পড়ত সে ছাইয়ের মতো সাদা হয়ে গেল ।
অদ্ভুত এক নাকিসুরে বলে উঠল, তুমি পালিয়েছ । অ্যাঁ !

কেন, তাতে তোর অসুবিধে হল ?

বিয়ের জল পড়ে নীতুর রক্ত চেহারাটা কিছু ফিরেছে । বেড়ার সঙ্গে সিটিয়ে
দাড়িয়ে বলল, ও এইমাত্র ম্যাচিস কিনতে মোড়ে গেল, একুনি আসবে ।

লোকটা কে ?

তুমি চিনবে না ।

কী করে ?

আটা চাকি আছে ।

তা তুই ভয় পাচ্ছিস কেন ? কিছু খেতে মেতে দিবি ?

নীতু রুটি সেকছিল জনতা স্টোভে । ঘরময় কেরোসিনের গন্ধ । এ কথায়
একটু সহজ হয়ে বলল, মিচ্ছি । বোসো । এই পোশাকে এলে, লোকে
দেখেনি ?

দেখেছে ।

পুলিশও দেখেছে তাহলে ।

দেখলে দেখেছে । ভয় পাচ্ছিস ?

নীতু একটু হাসল । একেবারে মড়ার হাসি । মৃদুস্বরে বলল, পুলিশ এলে
তো মুশকিল ।

তোর মুশকিল কী ? মুশকিল তো আমার ।

তোমার কথাই ভাবছি ।

তোর লোকটার জামা প্যান্ট আছে কিছু ?

নীতু মুখ নিচু করে বলল, আছে, তবে তোমার গায়ে হবে না ।

দেখি । বের কর ।

নীতু খুব দ্বিধা আর অনিচ্ছের সঙ্গে ঘরের একধারে রাখা একটা সস্তা আলনা থেকে একটা প্যান্ট আর হাওয়াই শার্ট নিয়ে আসে । লোকটা দেখে, দিবা ফিট করবে তাকে । কোমরটা একটু টিলে হতে পারে, ঝুল একটু বা বেশি । তা হোক, এই অবস্থায় ওটুকু কিছু না ।

জামা প্যান্ট পাশে রেখে লোকটা মাটি ওঠা ঠাণ্ডা মেঝের ওপর বসে বসল, দে ।

নীতু খুব আশ্তে ধীরে এবং অনিচ্ছের সঙ্গে একটা অ্যালুমিনিয়ামের থালায় রুটি আর কুমড়োর তরকারি বেড়ে দিয়ে বলে, ডাল আছে ।

কাঁচা লঙ্কা দে, আর পেঁয়াজ থাকে তো পেঁয়াজ । হাতটা কোনওরকমে গ্রাসের জলে একটু ধুয়ে সে দিকবিদিক-স্খানশূন্য হয়ে প্রথম কয়েক গ্রাস খাওয়ার পরই সচেতন হল । দরজার দিকে মুখ করেই বসেছিল, কিন্তু পাড়ের দিকে নজর থাকায় খেয়াল করেনি । দরজা খুলে একটা লোক ভিতরে ঢুকতে গিয়ে থমকে চেয়ে আছে ।

চোখ তুলে সে লঘু স্বরে বলে, এসো নটবর । দরজাটা বন্ধ করে দাও ।

লোকটার চেহারা দেখলেই মালুম হয়, একে নিয়ে মাথা ঘামানোর কিছু নেই । চুলগুলো ছোট করে ছাঁটা, ঘাড়টা একটু তুলে কামানো, রোগা, তামাটে রং, মুখটা ভালমানুষের মতো । খেটে খাওয়া লোকের মতো মজবুত চেহারা । ব্যাস চল্লিশের কিছু নীচে হবে । সে চোখ পাকিয়ে তাকালে পেছাপ করে দেবে লোকটা তাকে একটুকু দেখেই বুঝে গেছে । ঘরে ঢুকে সাবধানে দরজাটা বন্ধ করে দিল । তারপর কোনও কথা না বলে নিঃশব্দে বিছানায় গিয়ে বসল । নীতু টু শব্দটি করল না ।

কয়েক চোপাটে রুটি উড়িয়ে ভরপেট জল খেয়ে লোকটা উঠল । এবার আর একটা কাজ । নীতুকে চাই ।

চাই বটে কিন্তু সমস্যা এই ফালতু লোকটাকে নিয়ে । মুখ দেখলেই বোঝা যায়, এ লোকটা ভীড়, কিন্তু বিশ্বাসযোগ্য নয় । যদি স্বর থেকে একে বের করে দেওয়া যায় তবে বাইরে গিয়ে বস্তি আর পাড়ার লোক জুটিয়ে আনতে পারে । আর ঘরে থাকলে নীতুর অসুবিধে । শত হলেও এর সঙ্গেই তো সে ঘর করছে ।

তবে এসব সমস্যা নিয়ে ফালতু মাথা ঘামাতেও সে রাজি নয় । এতকাল সে নীতুকে যেমন ইচ্ছে কাছে লাগিয়েছে । দু দিন চোখের আড়াল হয়েছিল, সেই ফাঁকে এই ট্রেকারি । সুতরাং নীতুর যদি কিছু অসুবিধে হয় তবে সেটা ওর পাওনা ।

লোকটা তার হাফপ্যান্টে হাত মুছে বসল, তারপর কাপ্তান ! কী খবর ? নীতু তোমার দেখ-ভাল ঠিক মতো করছে তো ?

লোকটা হাঁ করে চেয়েছিল । হাতে একটা বিড়ির বাণ্ডিল আর একটা

মেশলাই তখনও ধরা । কথার জবাব দিতে গিয়ে দুবার গলা খাঁকারি দিয়ে বলল, হ্যাঁ ।

জেলখানার কামিজটা গা থেকে খুলে ফেলে সেইটে ঘুরিয়েই লোকটা একটু ছাওয়া খেয়ে পরিস্থিতিটা ঠিক মতো বুঝে নিল । নীতু তাকে জানে, সুতরাং নীতু ঝামেলা করবে না । কিন্তু এই লোকটা করতে পারে । আর কিছু না হোক, ভয়ে চেষ্টাতে পারে । এই ঘরটার সুবিধে যে, এটা কোণার ঘর । উত্তর দিকে আর ঘর নেই, উঠোন । কিন্তু দক্ষিণের ঘরে লোকজনের সাড়া শব্দ পাওয়া যাচ্ছে । বস্তুি জুড়েই নানারকম কথাবার্তা, চাঁচানি, চ্যাঁ ভ্যাঁ, চাঁচানোমাত্রই লোক জুটে যাবে ।

লোকটা খুব ঠাণ্ডা গলায় নীতুর মানুষকে বলল, তুমি যাকে নিয়ে ঘর করছ সে আমার রাখা মেয়েমানুষ, তা জানো কাপ্তান ?

লোকটা আবার গলা খাঁকারি দিয়ে বলে, একটু আধটু শুনেছিলাম ।

নীতু আসলে আমার মেয়েমানুষ । তুমি ফালতু লোক । তাই না ?

লোকটা চোখ সরিয়ে নিয়ে ভয় ছাওয়া গলায় বলে, আমি ঝামেলায় যেতে চাইনি । কিন্তু নীতু বলল—লোকটা থেমে যায় ।

কী বলল ? সে ধমক দেয় ।

বলল আপনার অনেকদিনের মেয়াদ । ওকেও দেখাশোনার কেউ নেই । তাই—

কথা বাড়িয়ে লাভ নেই কাপ্তান । আমার মেয়াদ শেষ হয়ে গেছে । এখন নীতুকে আমি ফেরত চাই । তুমি কী করবে ?

আমি । বলে লোকটা অগাধ জলে পড়ে চারদিকে তাকাল ।

এতক্ষণ নীতু কথা বলেনি । কিন্তু এইবার আটা মাথা হাত শব্দ করে ঝেড়ে বলল, নবদা, আমি ওকে বিয়ে করেছি । তুমি এখন ওসব কথা বোলো না ।

তোরও বিয়ে হয় নীতু ? ঘাঁটাপড়া মেয়েমানুষের বিয়ে ? ওপরের ওই বাঁশ দেখছিস ? ওর সঙ্গে তোর চুল বেঁধে ঝুলিয়ে রাখব । বলে সে নীতুর দিকে চেয়ে থাকে ।

নীতু চোখ নামায় বটে, কিন্তু প্রায় সঙ্গে সঙ্গে তার ফোঁপানির শব্দ পাওয়া যায় ।

নব নীতুর মানুষটার দিকে চেয়ে বলে, কী করবে কাপ্তান ? যাবে ? না থাকবে ?

লোকটা নীতুর দিকে চেয়ে শুকনো মুখে একটা হাস ছেড়ে বলে, নীতু ছাড়া কি আপনার চলবে না ? আমরা অনেক ভেবেচিন্তে শুধিয়ে সংসার পেতেছিলাম ।

ওসব বাত ছাড়ো । আজ রাতের মতো নীতুকে আমার চাই । তুমি বসে বসে দেখবে ? না যাবে ?

লোকটা জিব দিয়ে ঠোট চাটল । প্রাণের ভয় বড় ভয় । তবে ভলানি

সাহসটুকু উপুড় করে ঢেলে সে বলল, নীতুকে আমার খুব পছন্দ ছিল। ওকে ছেড়ে যেতে কষ্ট হবে দাদা। বলতে বলতে তার চোখে টলটল করে জল ভরে এল।

নীতু ফোঁপাতে ফোঁপাতে বলে, তোমারও তো বউ আছে নবদা? গৌরীদিকে স্কিন্জের কোরো তো, পারে কিনা তোমাকে ছাড়া আর কাউকে—

এ কথায় নব আর একটু গরম হল। চাপা হিংস্র গলায় বলল, মুখ ভেঙে দেব বেশি কথা বললে।

লোকটার সাহসের তলানি আরও কয়েক ফোঁটা অবশিষ্ট আছে দেখা গেল। সে বিড়ি আর দেশলাই বার বার এ হাত ও হাত করতে করতে বলল, নীতুকে কি আপনি বরাবরের জন্য চান দাদা? নাকি আজ রাতটা হলোই চলে?

লোকটা ব্যবসা জানে। নব কামিজটা দূরের আলনার দিকে ঝুড়ে দিয়ে বলে, অত সব ভেবে দেখিনি। এখন চাই, এটুকু বলতে পারি।

লোকটা শুকনো মুখে বলল, আমাদের একটা সিস্টেম না কী যেন বলে তাই তৈরি হয়ে গেছে তো। তাই বলছিলাম—

কী বলছিলে কান্তান?

বলছিলাম নীতুকে ছাড়া যদি আপনার না চলে তাহলে আজ রাতের মতো আমি বরং আমার এক পিসি আছে বাধ্যতীনে, তার কাছে গিয়ে থেকে আসি। কাল পরশু আমরা অন্য জায়গায় উঠে যাব।

এই সময় নীতু হঠাৎ ফুঁসে ওঠে, না, তুমি যাবে না। কিছুতেই যাবে না! বলে উঠতে যচ্ছিল নীতু।

নব তখন মারল। বেশি জোরে নয়, ডান পা সামান্য তুলে মাজার একটু ওপরে। নীতু আবার বসে পড়ল। কিন্তু চৈতাল না। প্রাণের ভয়।

লোকটা তাড়াতাড়ি উঠে বলল, মারবেন না। আমি যাচ্ছি নীতু। কাল বেলাবেলি চলে আসব। ভেবো না।

নীতু বিহ্বল মুখে বসে শূন্য চোখে চেয়েছিল। লোকটার কথায় একটু নড়ল। তারপর ধীরে অটা মাখার কানা উচু কলাই করা বাটিটা সরিয়ে রাখল।

নব লোকটার দিকে চেয়ে বলে, বাইরে গিয়ে কোনওরকম গোলমাল করবে না তো।

লোকটা গম্ভীর মুখে মাথা নেড়ে বলে, না। আমি তেমন মানুষ নই। আর নীতু তো আপনার হাতেই রইল।

লোকটা নিশ্চল চলে গেলে নব গিয়ে দরজা দিল। তারপর এক ঝটকায় নীতুকে তুলে আনল বিছানায়।

তবে এরকম কাঠের মতো শক্ত, বিশ্বাস মেয়েমানুষ সে জীবনে ভোগ করেনি।

রাত্রে বিভিন্ন খবর সংগ্রহ করতে গিয়ে আরও দুবার নীতুর গারে হাত

তুলতে হয়েছিল নবকে । তবে খবর বিশেষ কিছু পেল না । হয় নীতু খবর চেপে যাচ্ছিল, নয়তো জানেই না ।

পরদিন বেলা দশটা নাগাদ লোকটা আবার এল । মুখ শুকনো, চোখ লাল, বার বার ঢোক গিলছে । নীতু নবর জন্য স্টোড ছেলে দ্বিতীয় দফা চা করছিল । শক্ত মুখে একবার তাকাল লোকটার দিকে । কিছু বলল না । লোকটাও না ।

শুধু নব খুব আদর দেখিয়ে বলল, কী খবর কাপ্তান ? সারা রাত নীতুর কথা ভেবে মেয়েমানুষের মতো কান্নাকাটি করেছ নাকি ? তুমি সতী বাটে হে ?

লোকটা তার দিকে চাইল না । মাথা নিচু করে উঁবু হয়ে ঘরের মাঝখানটার বসে রইল ।

লোকটার ক্ষুর দিয়ে দাড়ি কামাল নব, লোকটার তোলা জলে স্নান করল, লোকটার পয়সায় কেনা চালেব ভাত খেল, তারপর লোকটার জামা আর প্যাণ্ট পরে এবং লোকটার কাছ থেকেই গোটা ত্রিশেক টাকা নিয়ে বেরিয়ে পড়ল । নীতুটা অন্যের হয়ে গেছে । ওকে আর ফিরে পাওয়া যাবে না ভেবে একটু গা স্বালা করল তার । কিন্তু এসব গায়ে মাখার মতো সময় নেই । নীতু আর কাপ্তান আজই এ জায়গার পাটি ওঠাবে ভেবে রওনা দেবার আগে বলে গেল, ঘরটা আমার নামে নেওয়া আছে হে কাপ্তান, বাড়িওলাকে আবার ছেড়ে দিয়ে যেয়ো না । একটা ভাল লাগিয়ে মোড়ে মাস্তুর দোকানে আমার নাম করে চাবিটা রেখে যেয়ো ।

পালালেই যে মুক্তি পাওয়া যাবে না তা জানে নব । কিছুদিন আগে যে পলিটিকসওয়ালা দেখা করতে এসেছিল তার সঙ্গে পরশু দিনের ঘটনাটা দুইয়ে দুইয়ে চার হয় । সকলের নাকের ডগার ওপর দিয়ে সে খুনের আসামী নইলে বেরিয়ে এল কী করে ? পিছনে একটা মতলব কাজ করেছে । সেই মতলবটা বুঝতে লাইন ধরতে হবে, যত তাড়াতাড়ি সম্ভব । একবার বেরিয়ে আসতে দিয়েছে বলেই যে পুলিশ জামাই-আদর করবে তা নয় । বিস্তর পুলিশ মতলবটার খবর জানে না ।

দিনের বেলা লোকালয়ে তাই একটু গা ছম ছম করছিল নবর । তবু যত তাড়াতাড়ি সম্ভব তাকে সেই পলিটিকসওয়ালার সঙ্গে মোলাকাৎ করতে হবে । কিন্তু লাইনটা জানে না নব । লাইনটা জানতে সে দু-চার জায়গায় টু দিল । খুব সুবিধে হল না । তবে বিকেলের দিকে বালিগঞ্জে এক পাঞ্জাবীর দোকানে রুটি তড়কা খেতে খেতে স্কীণভাবে মনে পড়ল, ওই পলিটিকসওয়ালা যে পাটির লোক সেই পাটির একটা ছোকরাকে সে চেনে । নাম জয়দ্রথ । তার নাদা এক ব্যাক্তের অফিসার, তারও একটা শক্ত যেন কী নাম । কিন্তু আশ্চর্যের বিষয়, ওই একই গ্রুপের লোক মদনদাও । আর কে না জানে মদন ফোর ট্রেন্টি তাকে পুরো ফলস কেসে ঘানি গাছে জুড়ে দিয়েছিল ।

লাইন থেকে নেমে ডান হাতে পিচ রাস্তা ধরে হাঁটতে হাঁটতে নবর গায়ের

রোয়া দাঁড়িয়ে যাচ্ছিল রাগে ।

জয়ের বাড়িটা খুঁজে বের করতে খুব সময় লাগল না নবর । জয় বাড়িতে নেই, তার মা বলল ।

কখন আসবে জানেন ?

কী জানি বাবা । এম পি মদন কলকাতায় এসেছে, তার পিছু পিছু ঘুরে বেড়াচ্ছে সারাদিন ।

মদন এসেছে । নবর গায়ের রোয়া আর একবার দাঁড়াল । গা-জ্বালা করল তার ।

দুনিয়ার রং এ-বেলা ও-বেলা পাণ্টে যায় । যারা তার পালানোর পথ করে দিয়েছে তাদের রঙ পালটাবে । কিন্তু একসময়ে যার হয়ে সে খুনখারাপি মারদাঙ্গা করেছে, বিস্তার আমেলা থেকে তাকে নিজের জান দিয়ে বাঁচিয়েছে তার বেইমানীর শোধ নেওয়ার মওকা আর পাবে না ।

নব বড় রাস্তার কাছাকাছি একটা তেমাথায় স্থির হয়ে দাঁড়িয়ে জয়ের জন্য অপেক্ষা করতে লাগল ।

প্রথম থেকেই মিটিংয়ে বেড়াল কুকুরের ডাক আর টেবিল চাপড়ানি চলছিল । কর্মী বৈঠকে এরকম মাঝে মাঝে হয়ও । কিন্তু আজকের মিটিংয়ের জেম্পো প্রথম থেকেই অ্যাগসা চড়ে ছিল যে, কারও কোনও কথা কেউ শুনতে পাচ্ছিল না । দলের রাজ্য কমিটির সেক্রেটারি, প্রেসিডেন্ট, ট্রেজারার থেকে শুরু করে জনা দশ বারো নেতা পার্টি অফিসের বড় ঘরের মেঝেয় দেয়ালে ঠেস দিয়ে শতরক্ষীতে অসহায়ভাবে বসা । তার মধ্যে মদনদাও । সবাই কথা বলার চেষ্টা করে করে হেদিয়ে পড়েছে ! সেক্রেটারি বার তিন চার চেষ্টা করেছিলেন, একবার একটা গোল করে পাকানো সিগারেটের প্যাকেট এসে তাঁর কপালে লাগল, সেই সঙ্গে চিৎকার, বসে পড়ো চাঁদু । সেক্রেটারি সেই যে বসে পড়েছেন আর গুঠেননি । ট্রেজারার একবার বাথরুমে যেতে চেয়েছিলেন, তিন চারটে মণ্ডা ছোকরা কাঁধ চেপে বসিয়ে দিল ওসব হবে না । গুরুপবাজির হিমে করে নাও আগে, তারপর হিসি টিসি ।

জয় খুব ভিতরে সৈঁধোতে পারেনি, দরজা দিয়ে ঢুকে প্রচণ্ড ভিড়ে দেয়ালে সৈঁটে গেছে । পাশে হরি গোসাঁই, জয় ফিসফিস করে একবার বলল, বড় বড় নেতারা এভাবে হেকেল হচ্ছে, এ খুব অন্যায় ।

হরি ঝিক করে হেসে বলে, চেপে যা । হচ্ছে হোক । একটু হওয়া দরকার ।

মদনদা কোনও ইনিসিয়েটিভ নিচ্ছে না, দেখেছ ?

চালাক লোক । পাবলিকের চোখে ইমেজ রাখছে ।

কিন্তু মদনদা দাঁড়ালে সব সমাধান হয়ে যাবে ।

হলে এতক্ষণে মদনদা দাঁড়াত রে । তা নয় । কালকের ফ্রোজডোর মিটিংয়ে বসে নেতারা এককট্টা হতে পারেনি ।

বিমর্ষ মুখে জয় বলল, আজকাল নেতারা একদম এককট্টা হতে পারছে না হরিদা । কী হবে বলো তো ?

দল ভাঙবে । আবার কী ? বাঁ কোণে নিত্য ঘোষ বসে আছে কেমন বেড়ালের মতো মুখ করে দেখছি ?

জয় একটা শ্বাস ফেলে বলল, দেখেছি । কিন্তু নিত্যদা আলাদা দল করতে চাইলেই কি হবে ? নিত্যদার যে সেই ইয়েটা—কী যেন বলে—সেইটে নেই ।

কিয়েটা ?

ওই যে । জয় সহজ ইংরিজি শব্দটা হাতড়াতে হাতড়াতে বলে, ওই যে ইনফ্লুয়েন্স না কী যেন !

তোমার মাথা । এই মিটিংয়ে বারো আনাই নিত্য ঘোষের লোক ।

সে বুঝেছি । কিন্তু কী করে হয় বলো তো হরিদা । নিত্যদা তিন বার অ্যাসেমব্লিতে দাঁড়িয়ে হেরে গেছে । ওকে কে পৌছে ?

সবাই কি ভোটে জেতে ? জিতলেই যে তাকে সবাই পৌছে এমনও নয় ।

আমি বলছি হরিদা, একবার মদনদা যদি সবাইকে বোঝানোর চেষ্টা করে তাহলে—

কী বোঝাবে ?

এটা যে নিত্য ঘোষের চক্রান্ত সেই কথাটা ।

বিপদ আছে রে ।

কী বিপদ ?

তখন নিত্য ঘোষও উঠে দাঁড়িয়ে মদনদার আর একটা চক্রান্ত ফাঁস করে দেবে । ওরা কেউ কাউকে ঘটিতে চাইছে না এখন । দল ভাগ হলে তখন কোমর বেঁধে লড়বে । এখন ক্যাডার কালেকশন ।

মদনদার চক্রান্তের কথা নিত্য ঘোষ কী বলবে ? মদনদার আবার চক্রান্ত কী ? তুমি যে কী বলো হরিদা ।

হরি গোঁসাই কী একটু বলার জন্য চুলবুল করেও সামলে গেল, বলার তো ট্যাকসো লাগে না । পাবলিকের সামনে একটা কিছু টক ঝাল বললেই পাবলিক খেয়ে নেয় । আর পলিটিক্সওয়ালাদের কটা কথা সত্যি ? চক্রান্ত না থাকে তো বানিয়ে একটা বলে দেবে ।

দোকো বিশ্বাস করবে না ।

চৈচামেচি বাড়ছিল । আগের দিকে খুব একটা ঠেলাঠেলি চলেছে । একটা ছোকরা কী একটা বলছিল চৈচিয়ে, তিন-চারজন তাকে ধরে খুব ঝাঁকছে । ধাক্কা মেরে মেরে ভিড় ঠেলে বের করে আনছে । হরি গোঁসাই আর জয় দুজনেই ছোকরাকে চিনল । মদনদার বডিগার্ড শ্রীমন্ত ।

জয় উদ্ভাসিত হয়ে বলে, স্টেট আর সেশ্যল লীডারদের সামনে কী হচ্ছে দেখো হরিদা ।

কিছু করার নেই । দেখে যা । বলে হরি গোসাঁই জয়ের হাতে একটু চাপ দেয় ।

এরপর কি পার্টি মিটিং-এও পুলিশ ডাকতে হবে নাকি ? থ্রেস্টিজ বলে কিছু থাকল না ।

গলা উচুতে তুলিস না । লোকে তাকাচ্ছে । চাপা গলায় হরি গোসাঁই বলে ।

মদনদা তবু কিছু করছে না, দেখেছ ?

কী করবে ? এতগুলো অ্যাশ্টি লোক ।

সবাই অ্যাশ্টি ? পার্টি ভাগ হলে মদনদা কোনদিকে থাকবে তা জানো ?

হরি গোসাঁই ঠোট উন্টে বলে, কে জানবে ? নিত্য ঘোষ ডিসিডেন্ট, একটু জানি । দিল্লির একটা ক্যাকশন নিত্য ঘোষকে অ্যাপ্রুভালও দিয়েছে । যে গ্রুপ স্ট্রং হবে মদনদা সেই দিকেই থাকবে মনে হয় ।

জয় কথটা শুনে খুশি হল না । একটু তেরিয়া হয়ে বলল, মদনদা কি সেই ধাঁচের লোক ? যদিও আশুন দেখবে সেদিকেই হাত সেকবে ?

দূর বোকা ! উন্টে বুঝেছিস । বলতে চেয়েছিলাম, মদনদা যেদিকে জয়েন করবে সেদিকটাই আলাটিমেটলি স্ট্রং হবে । চল বাইরে গিয়ে শ্রীমন্তকে ধরি । ব্যাপারটা একটু বোঝা যাবে ।

জয়ের ইচ্ছে ছিল না । সে এই মিটিংয়ের শেষটা দেখতে চায় । কিন্তু সামনের দিকে হুড়োহুড়ি বাড়ছে । ঠেলঠেলি চলছে ভীষণ । দেখা যাচ্ছে না ভাল, তবে বোঝা যাচ্ছে সামনে আর একটা মারপিট লেগেছে । মদনদার কিছু হবে না তো ?

হরি গোসাঁইয়ের পিছু-পিছু জয় বেরিয়ে আসে ।

পার্টি অফিসের সামনে বারান্দা । বারান্দার নীচে একটু বাঁধানো জায়গা । কোথাও তিল ধারণের জায়গা নেই । বিস্তর চেনা অচেনা আধচেনা পার্টি ওয়ার্কার দাঁড়িয়ে আছে ।

শ্রীমন্ত ভিড় ছাড়িয়ে এগিয়ে গিয়ে ফুটপাথে দাঁড়িয়ে আছে । যেখানে দাঁড়িয়ে আছে সেখানেই একটা জিপ । একটা লোক জিপের সামনের সীটের ওপর একটা খোলা ফার্স্ট এইড বকস থেকে তুলোয় কী একটা ওষুধ তুলে শ্রীমন্তের কঙ্কিতে লাগাচ্ছে ।

শ্রীমন্ত ! কী ব্যাপার ? হরি গোসাঁই খুব সন্তর্পণে জিজ্ঞেস করে ।

শ্রীমন্ত একবার বাখা-চোখে তাকায় । বাবারে, কী চোখ । লাল, জ্বলজ্বলে আগুনে । শ্রীমন্ত বিগড়োলে খুব গড়বড়, সবাই জানে । হরি গোসাঁই দ্বিতীয়বার প্রশ্ন করার সাহস পেল না ।

জিপের লোকটা শ্রীমন্তের হাতে একটা ব্যান্ডেজ বেঁধে দিয়ে গম্ভীরভাবে বলে,

একটা সিকুইল খেয়ে নিস। এখন বাড়ি গিয়ে বসে থাক। সন্দের পর যাব।

জিপের লোকটাকে জয় আবছা চেনে। কাসো, পেটানো চেহারা, মাথায় টাক, বছর চল্লিশেক বয়স। পরনে খুব ঝা চকচকে প্যান্ট আর দামি হাওয়াই শার্ট। শ্রীমন্তর হাতে ব্যান্ডেজ করে দেওয়ার পর সে একবার খুব তুচ্ছ তাল্খিল্যের চাউনিতে জয় আর হরি গোসাঁইকেও দেখল।

শ্রীমন্ত রাগে ফুসছে। গলার শিরা ফুলে আছে, চোখে সেই ক্যাপা দৃষ্টি। বলল, মা কালীর দিবি বলছি নদুয়াদা, হেলার লাশ আমি নামাব। না হলে নাম পান্টে রেখো।

নদুয়া নামের লোকটা সাপের মতো একটা হিসস শব্দ করে গালের পানটা একটু চিবিয়ে নিয়ে বলল, রিঅরগানাইজেশন হচ্ছে। তখন দেখা যাবে। এখন বাড়ি যা।

শ্রীমন্ত একবার পাটি অফিসের দিকে জুড় চোখে চেয়ে মুখ ফিরিয়ে হাঁটতে থাকে।

পিছনে সঙ্গ ধরে হরি গোসাঁই। জয় এগোয় না। কয়েক পা সরে দেয়াল ঘেঁষে দাঁড়িয়ে থাকে। নদুয়াকে সে চেনে। এর গোডাউন থেকে কয়েক বছর আগে বন্যার সময় মদনদা গম বের করেছিল। গমের মাপ নিয়ে খুব লেগেছিল মদনদার সঙ্গে। নদুয়া বলেছিল, রিলিফের জিনিস আর মাপব কী। ওরকম নিয়ম নেই। যে মাপ বলে দেব সেইটেই ঠিক মাপ। কিন্তু মদনদা ছাড়েনি। বলেছে সরকার যখন দাম দেবে তখন শুনে নেবেন না? তখন চোখ বুজে থাকবেন? শেষ পর্যন্ত দলের ছেলেরা গুদাম ঘেরাও করার ভয় দেখানোয় সব মাল মাপা হয়েছিল। বিস্তর কম ছিল ওজনে। এ সেই লোক। সম্পূর্ণ করাপটেড। তবে পলিটিক্যাল সাইন আছে, টাকা আছে, জিপ গাড়ি আছে, গুণ্ডা আছে। শিয়ালদার যে করাপটেড লোকটা যাত্রীদের কাছ থেকে ভড়কি দিয়ে টিকিট নিচ্ছিল তাকে ধমকানো যত সোজা একে ধমকানো তত সোজা নয়। লোকটা বুকে হাত রেখে ফুটপাথে দাঁড়িয়ে চারদিকে চোখ রাখছে। জিপে ড্রাইভার বসা। প্রস্তুত। মনে হচ্ছে কাউকে তুলে নিয়েই হাওয়া হবে। কাকে তা অবশ্য জয় জানে না।

এত গোলমালে জন্মের মাথা ধরে গেছে : মনটা বড় ভার। মাত্রই সে বিভিন্ন জায়গায় পাটির বজ্রতা দেওয়ার সুযোগ পেতে শুরু করেছে। হিসলগঞ্জে দলের সংগঠনে তাকে পাঠানোর কথা হচ্ছিল। দু-চার বছর পরেই সে অ্যাসেমব্লির টিকিট পেয়ে যেত। মদনদার মতো করেই নিজে থেকে তৈরি করছিল সে। আয়না দেখে দেখে বজ্রতা দেওয়া এবং সেই সঙ্গে নানারকম একসপ্রেসন দেওয়া প্র্যাকটিস করছিল। গলার ওঠানামা, হাততালির জন্য ঠিক জায়গায় ছুৎসই আবেগকম্পিত ভাবাসু কথা লাগিয়ে তুলে উঠে যাওয়া, এ সবই অভ্যাস হয়ে যাচ্ছিল তার। স্বয়ং ডিস্ট্রিক্ট সেক্রেটারি কবার পিঠ চাপড়ে বলেছেন, তুমি বেশ তৈরি হচ্ছে। কিন্তু হঠাৎ এ হল কী? পাটি যে ভাঙবে তা

সে নিজে দু মাস আগেও কেন জানতে পারেনি ?

হরি গোসাঁই ফিরে এসে বলল, চল ।

শ্রীমন্তদার সঙ্গে কথা হল ?

হল । চল, বলছি ।

একটু এগিয়ে গিয়ে হরি গোসাঁই বলে, শ্রীমন্ত মদনদার কাজ ছেড়ে দিয়েছে ।

কেন ?

তা বলল না । শুধু বলল, অনেক ব্যাপার আছে ।

কবে ছাড়ল ? কালও তো আঠা হয়ে লেগে ছিল সঙ্গে ।

কবে ছাড়ল জেনে কী হবে ? আশ্রয়কাল হকে নকে এ গুকে ছেড়ে চলে যাচ্ছে ।

জয় গম্ভীর মুখে একটু ভাবল । তারপর বলল, শ্রীমন্তদা ছাড়বে জানতাম ।

কী করে জানলি ?

হাবভাব দেখে । কদিন আগে আমাকে একবার কথায় কথায় বলেছিল, মদনদার বেস ওয়ার্ক ভাল হচ্ছে না । স্টেট লীডাররা নাকি মদনদার ওপর খুশি নয় । তখনই সন্দেহ হয়েছিল, শ্রীমন্তদা গোপনে অন্য দিকে ভাল দিচ্ছে । শ্রীমন্তকে যারা ম্যানহ্যান্ডেল করল তারা কারা জানো ? মদনদার লোক নয় কিন্তু ।

না, মদনদার লোক হবে কেন ? হেলার নাম শুনলি না ? হেলা হচ্ছে নিত্য ঘোষের—

জানি জানি । ধৈর্য হারিয়ে জয় বলে, কিন্তু তাই বা হয় কী করে ? শ্রীমন্তদা মদনদাকে ছেড়ে দিলে আর একটা গ্রুপে তো তাকে ভিড়তে হবে ! সেই গ্রুপটা তো নিত্যদার । তাহলে নিত্যদার লোক গুকে মিটিং থেকে বের করে দেবে কেন ?

বুঝতে পারছি না । এখন বাড়ি চল ।

গিয়ে ?

গিয়ে আবার কী ? এখন কেটে পড়াই ভাল ।

মদনদা একা রইল যে ! যদি কিছু হয় ?

কিছু হবে না ।

আমাদের দেখা উচিত ।

দেখে লাভ নেই । মদনদাকে দেখার লোক আছে । চল ।

হরি গোসাঁইয়ের পাশাপাশি হটিতে হটিতে জয় বলে, আমার মনে হয় কী জানো ? দলে ভাল লোক কেউ থাকবে না ।

হরি গোসাঁই চিন্তিত মুখে বলে, তাই তো দেখছি । মদনদা যদি পাওয়ারে না থাকে তবে বিস্তুটাকে মেডিক্যালের দেওয়া হয়ে গেল । ওদিকে এই সময়ে নবটাও জেল থেকে বেরিয়েছে । কী যে হবে ।

সারা পথ জয় সেই অতীতের সুদিনের কথা ভাবতে ভাবতে এল। বাসে প্রচণ্ড ভিড়। তার মধ্যে রুড ধরে তেড়াবেঁকা হয়ে দাঁড়িয়ে সে ভাবছিল, সেই কবে পালবাজার অবধি একটা সাইকেলে ডবলক্যারি করেছিল তাকে মদনদা। একটা মিটিং সেরে ফিরছিল তারা। রুডে বসে মদনদার শ্বাস নিজের ঘাড়ের টের পেতে পেতে, আর এবড়ো খেবড়ো রাস্তায় ঝাঁকুনি খেতে খেতে বার বার মনে হয়েছিল, মদনদা একদিন খুব ওপরে উঠবে। সেজদিকে খুব পছন্দ ছিল মদনদার। সেজদিরও মদনদাকে। বাড়িতে এলেই সেজদির সঙ্গে ছাদে গিয়ে পুটির পুটির কথা বলত। জয় টের পেয়ে আনন্দে কটকিত হয়েছে কতবার। মদনদা যদি সেজদিকে বিয়ে করে তো কী দারুণ হয়। হয়নি কেন তা জানে না জয়। একদিন এক পলিটেকনিক পাশ সরকারি চাকরের সঙ্গে সেজদির বিয়ে হয়ে গেল! মদনদা তার বছর চারেক বাদে এম পি হয়।

বাস থেকে নেমে জয় আনমনে মোড়টা পেরিয়ে গলিতে ঢুকল। এ পাড়া দারুণ নির্জন। একধারে ছলা, পুকুর জঙ্গল অন্য ধারে কিছু ছাড়া ছাড়া বাড়ি ঘর। তবে এরকম থাকবে না। নতুন ম্যানিং-এ চল্লিশ ফুট চওড়া রাস্তা হবে। জমজম করবে জায়গাটা।

ঝুপসি একটা গাছতলা থেকে সরু একটা শিস শোনা গেল। তারপর চাপা গলায় কে ডাকল, জয়প্রথ!

কে?

এদিকে শোন। ভয় নেই।

কে বলো তো? জয় এগোতে সাহস পেল না। তবে দাঁড়াল।

আমি। বলে ছায়া থেকে রাস্তায় একটা লোক এগিয়ে আসে।

শরতের রোদ অল্প বেলাতেই মরে গেছে। চারদিকটা ঘোর ঘোর। বেশ ঠাहर করে চিনতে হয়। তবু এক নজরেই চিনল জয়।

নব?

কসবায় পিলু নামে একটি নকশাল ছেলেকে খুন করেছিল নব। পিলুর কাছ থেকে সিগারেট নিয়ে ধরিয়ে ইয়ার্কি ঠাট্টা করতে করতে, ঠোঁটে সেই সিগারেট নিয়েই আচমকা কোমর থেকে দোখার ছোরা টেনে এনে খুব স্নেহের সঙ্গে তলপেটটা ফাঁক করে দিল সাঁঝবেলায়। পিলু যখন মাটিতে পড়ে বুকফাটা চেষ্টা করে উঠল তখন শান্তভাবে তার হাঁ মুখে হকিটুসুজ পা চেপে ধরে সিগারেটে মৃদু মৃদু টান দিচ্ছিল নব। তারপর খুব হিসেব নিকেশ করে আর একবার ছোরা চালিয়ে পাঞ্জরার ফাঁক দিয়ে হৃৎপিণ্ডটা ফুড়ে দিল। তখনও সিগারেটটা জ্বলছে ঠোঁটে। পিলুরই দেওয়া সিগারেট। পিলু নিখর ঠাণ্ডা হয়ে যাওয়ার পরও কিছুক্ষণ সিগারেটটা জ্বলছে নবর ঠোঁটে। ঘটনাটা স্বচক্ষে দেখেছিল হাসিম, তার কাছ থেকে জয়ের শোনা। নবর ওই 'ভয় নেই' কথাটাকে জয় তাই বিশ্বাস করে না।

এখনও নবর ঠোঁটে একটা সিগারেট জ্বলছে। সেটা নামিয়ে নব আর এক

হাতে জয়ের একখানা হাত ধরে বলল, আড়ালে আর । কথা আছে ।

জয় জানে ভয় পেয়ে লাভ নেই, সাহস দেখিয়েও লাভ নেই । নব যা ভেবে এসেছে তাই করবে । এক ধরনের খারাপ রক্ত নিয়ে নবর মতো লোক দুনিয়ায় জন্মায় । যেখানে থাকে সেই জায়গা জ্বালিয়ে দেয়, যাদের সঙ্গে কাজ করার করে তাদের সুখ শান্তি বলে কিছু থাকে না ।

গাছতলার ছায়ার জয়কে টেনে এনে নব বলে, বোস । ঘাস একটু ভেজা আছে ।

জয় চারদিকে চেয়ে বলে, এ জায়গায় পরশু দিনও কেউটে সাপ বেরিয়েছে । এই গাছটার ফাঁপা শেকড়ের মধ্যে আস্তানা ।

নব কথাটা কানে না তুলে বলে, শোন, কদিন আগে একজন লোক জেলখানায় আমার সঙ্গে গিয়ে দেখা করেছিল । নাম বলেছিল গোপাল বিশ্বাস চিনিস ?

চিনি ।

কোথায় থাকে ?

ঠিকানা জানি না । পাটি অফিসে আসে ।

ঠিকানা জোগাড় করে আজই তার সঙ্গে লাইন করতে হবে । চল ।

বলে নব আবার জয়ের হাতটা ধরে ।

জয় দোনোমোনো করে বলে, এখনই ?

এখনই । বলে নব একটু হাসে ।

জয় বলল, চলো ।

মদন আপন মনে ফিক্ ফিক্ করে হাসছিল । ব্যাপারটা এমন মজার !

রাজা শাখার সেক্রেটারি মানুষটা ভাল । দলের কাজে মেতে থাকায় বিয়েটা পর্যন্ত করেননি । বিমর্ষ মুখে হলঘরের দিকে শূন্য চোখে চেয়ে ছিলেন । মদনের দিকে তাকিয়ে খুব মৃদু স্বরে বললেন, হাসছ ? হাসো, খুব হাসো । আজ হাসারই দিন । না খেয়ে, না ঘুমিয়ে মারধোর খেয়ে জেল খেটে চল্লিশ বছর ধরে যে স্যাক্রিফাইস করলাম তা কার জন্য ? ভেবে আমারও হাসিই আসার কথা, কিন্তু আসছে না কেন বলো তো ?

আপনার বয়স কত বলুন তো সুহৃদদা ? বাট বাবাটি হবে ?

পঁয়ষাট চলছে । কেন বলো তো ?

তাহলে এখনও বিয়ের বয়স আছে । এবার একটা বিয়ে করুন ।

ইয়ার্কি করছ ? এটা কি ইয়ার্কির সময় ? ভারী হতাশা মাখানো মুখে সুহৃদ চৌধুরী বললেন ।

বিয়ে না করলে কে আপনাকে দেখবে ?

যম দেখবে হে । আর কে দেখবে ? এই সব ছেলে ছোকরারা রাজনীতিতে ঢোকান পর থেকে যে ভূতের নৃত্য শুরু হয়েছে তা আর চোখে দেখা যায় না । শিশুপাল, সব শিশুপাল ।

মদন হাসতেই থাকে, ফিক্ ফিক্ । সেক্রেটারি একটা দীর্ঘশ্বাস ফেলে বলেন, তাই ভাবছিলাম কার জন্য এই স্যাক্রিফাইস ! বিদ্যালয়ে পুলিশ এমন মেরেছিল গোড়ালিতে, আজও একটু খুঁড়িয়ে হাঁটতে হয় । জেলে থেকেই গ্যাসট্রিক । বনগ্রামের যে বাড়িটা পার্টির নামে লিখে দিয়েছিলাম বিশ বছর আগে, বাজার যাচাই করে দেখেছি সেটার দাম এখন লাখখানেক টাকা ।

মদন হাসছিল ফিক্ ফিক্ ।

হলঘরে তুমুল কাণ্ড হয়েই যাচ্ছে । এক ছোকরা আর একটা যশমার্কের কাঁধে দাঁড়িয়ে দেয়াল থেকে এক সর্বজনশ্রদ্ধেয় নেতার বাঁধানো ছবি নামিয়ে ঝপাৎ করে আছাড় মারল । কয়েকবারই জ্বলন্ত সিগারেটের টুকরো এসে নেতাদের শতরঞ্জিতে পড়েছে । প্রেসিডেন্ট তাঁর চটি দিয়ে সেগুলো নিভিয়েছেন । এবারও আর একটা জ্বলন্ত সিগারেট উড়ে এসে ট্রেজারারের কোঁচায় পড়ল । উনি অত্যন্ত তৎপরতার সঙ্গে কোঁচাটা টেনে নিলেন, প্রেসিডেন্ট হাতে চটি নিয়েই বসে আছেন, অত্যন্ত দক্ষতার সঙ্গে সিগারেটটার মুখ ভোঁতা করে দিলেন এক বাড়ি মেরে । ট্রেজারার বললেন, শতরঞ্জিটা বাহ্যস্তর টাকায় কেনা সেই বিশ বছর আগে । আর কি এ দামে পাওয়া যাবে প্রকাশদা ?

প্রেসিডেন্ট প্রকাশ চাটুজ্জ গম্ভীর মুখে বললেন, সবই গেল, আর শতরঞ্জি । তোমার যে বাথরুম পেয়েছিল তার কী করলে ?

ট্রেজারার ব্যথিত মুখে বললেন, কী করব ? চেপে বসে আছি । পুরনো ডাম্বেটেসের রুগি, বেশিক্ষণ চেপে রাখাও যাবে না । এক সময়ে হয়ে যাবে আপনা থেকেই । শতরঞ্জিটা—

মদন মৃদু স্বরে বলে, ভেসে যাক, ভেসে যাক, বেগটা ছেড়ে দিন ।

ট্রেজারার বেদনায় নীল হয়ে বলেন, কী যে বলো ঠিক নেই । এই শতরঞ্জিতে কত বড় বড় নেতা বসে গেছেন জানো ? তার ওপর এটা ত্রিশ ফুট বাই ত্রিশ ফুট, আধ ইঞ্চি পুরু । একবার ধোয়া হয়েছিল, চড়া রোদেই শুকোতে লেগেছিল পনেরো ঘণ্টা দিন ।

দু গোষ্ঠ্য রাজনীগছা রাখা ছিল মাঝখানে । দুটো ছেলে এসে পটাশট তুলে নিয়ে গেল । দেখা গেল অদূরেই তিন-চারজন রাজনীগছার ডাঁটি বাগিয়ে ধরে তলোয়ার খেলছে ।

কী হচ্ছে বলুন তো মদনদা । একজন মক্ষলের এম এল এ ভয়ে ভয়ে জিজ্ঞেস করে ।

বলতে না বলতেই ফুলশূন্য দুটো ডাঁটি ভীষবেগে উড়ে এসে পড়ল নেতাদের মাঝখানে । প্রবীণ সদস্য যদুবাবু হাত দিয়ে মুখ আড়াল না করলে

তার চশমা লাগত ।

জমেছে । মদন আপন মনে বলে উঠল ।

নেতাদের মধ্যে একমাত্র নিত্য ঘোবই একটু আলাদা হয়ে বসে আছে । কথা বলছে না । একটার পর একটা পান মুখে দিচ্ছে । পিকদানির অভাবে একটা আশট্রেতে পিক ফেলছিল এতক্ষণ । সেই আশট্রেটাও ভরে এসে প্রায় ।

মদন শূন্য ফুলদানি দুটোর একটা এগিয়ে দিয়ে বলে, নিত্যদা, এটাতে ফেলুন ।

ট্রেন্ডারার দেখতে পেয়ে হাঁ-হাঁ করে ওঠেন, ওটা খাঁটি জয়পুরী জিনিস । বিশেষ অকেশানে বের করা হয় ।

মদন ঠাণ্ডা গলায় বলে, কতক্ষণ থাকতে হবে তার ঠিক নেই । দেখি হলে নিত্যদার পানের পিক আপনার শতরক্ষি ভাসাবে যে !

ট্রেন্ডারার উদ্বেগের সঙ্গে জিজ্ঞেস করেন, কতক্ষণ থাকতে হবে মানে ? মিটিং শেষ করে দিলেই চলে যাব ।

মিটিং অনেকক্ষণ শেষ হয়ে গেছে । কিন্তু আমরা বেরোতে পারছি না ।

ওরা কি আমাদের আটকে রেখেছে ?

আটকেই রেখেছে ।

ঘেরাও নাকি ?

অনেকটা তাই ।

ট্রেন্ডারার দীর্ঘশ্বাস ছেড়ে বলেন, ঘেরাও করে লাভ কী ? আমরা সাতদিন বসে ডিসিশনে আসতে পারব না ।

এই সময়ে সারা ঘরের ছলছল হঠাৎ একটু মিইয়ে গেল । কয়েকটা ছেলেকে বেস সুসংগঠিত ভাবে দ্রুত পায়ে এগিয়ে আসে । তাদের হাতে কয়েকটা কাগজ, মুখ চোখ সিরিয়াস ।

সবার আগে যে ছেলেটি, তার চেহারা খুবই চোখা চালাক, সপ্রতিভ । সে কাছে এসে নেতাদের দিকে চেয়ে নরম গলায় বলে, আপনারা যারা আমাদের পক্ষে নন তারা দয়া করে দল থেকে পদত্যাগ করুন । যারা পদত্যাগ করবেন তাঁদের আমরা আটকাতে চাই না । যারা দলে থেকেও আলাদা ফ্যাকশন করতে চান আমরা তাঁদের কনফ্রন্ট করব । আমাদের কাছে টাইপ করা পদত্যাগপত্র আছে । কার চাই বলুন ।

কেউ কিছু বলতে চায় না । ভাবছে । দিল্লিতে দলে ভাঙন দেখা দিয়েছে, সুতরাং এখানেও ভাঙবে সন্দেহ নেই । কিন্তু এই ডামাডোলে কেউ আগে নিজের রঙ চেনাতে চায় না । অবশ্য নিজের রঙ যে কী তাও অনেকে বুঝতে পারছে না ।

মদন হাত বাড়িয়ে বলল, আমাকে দাও একখানা ।

আপনি পদত্যাগ করবেন মদনদা ? ছেলেটা যেন ঠিক বিশ্বাস করছে না ।

করব । কারণ আমার দারুণ খিদে পেয়েছে । দাও । বলে ছোকরার হাত

থেকে কাগজ নিয়ে মদন তলায় সই করে ফেরত দিল। দেবানেশি ঐজারার, প্রেসিডেন্ট, গ্যেয়ো এম এল এ এবং আরও কয়েকজন হাত বাড়াল।

পাশের দরজা দিয়ে টুক করে বেরিয়ে পড়ে মদন। পদত্যাগ করেছে বলেই বোধহয় কেউ আটকায় না। পিছন দিকে একটা সরু গলি আছে, সেইটে খুঁজতে একটু সময় লাগে। তারপর বড় রাস্তা।

চারদিকে মর্য্য আলোর ভারী নরম একটা বিকেল। খোলা হাওয়ায় বুক ভরে শ্বাস টানে মদন। বাইরে এসে সে এমনই মোহিত হয়ে পড়ে যে, লক্ষ্যই করে না পার্টি অফিস থেকে একশো দেড়শো গজ দূরে একটা জিপ গাড়ির গায়ে ঠেস দিয়ে দাঁড়ানো কালো যণ্ডামার্ক টেকো একটা লোক ক্রুর চোখে তাকে দেখছে। হালদারের যে গাড়িতে সে এসেছে তা পার্টি অফিসের উন্টেদিকে ফুটপাথ ঘেঁসে দাঁড় করানো। কিন্তু মদন গাড়িটার কাছে যাওয়ার কোনও চেষ্টাই করে না। পার্টি অফিসের সামনে এখন অশুষ্টি লোক। ওদিকে গেলেই ঘিরে ফেলবে। মদন কালীঘাটের ট্রাম ধরতে এসম্মানেডের দিকে হাঁটতে থাকে।

ফুটপাথে থিকথিক করছে হকার, বে-আইনী দোকানপাট, ফুটপাথের বাসিন্দাদের সংসার। টানা-পড়া এক মেয়েছেলে কাঠের ছালে তরকারির খোসা দিয়ে রান্না চাপিয়েছে। গন্ধে গা শুলোয়। বাস মেটির গাড়ির চলন্ত চাকা থেকে দু'তিন হাত দূরেই হামা টানছে তার কোলের বাচ্চা।

রিজাইন করেছেন শুনলাম। একদম কানের কাছে মুখ এনে প্রেমিকার মতো মোলায়েম করে কে যেন জিজ্ঞেস করে।

মদন চোখের কোণা দিয়ে শচীনকে একটু মেপে নিয়ে বলল, ওই একরকম বলতে পারো।

তাহলে আপনারাই নতুন দল করবেন ?

ঠিক নেই।

শচী শেয়ালের মতো হাসল, কথা দিচ্ছি দাদা, কাল আপনার স্টেটমেন্ট আমাদের কাগজের ফ্রন্ট পেজে বেরোবে।

তোমাদের ফ্রন্ট পেজ কটা ?

কী যে বলেন ? শচী মাথা চুলকে হাসল, ফ্রন্ট পেজ একটাই, এবার আপনাকে আমরা বড় কভারেজ দেবই।

একটা সত্যি কথা বলবে শচী ?

কী, বলুন দাদা !

তোমরা কার দলে ?

আমাদের আবার দল কী ?

মদন শান্ত স্বরেই বলে, কালকের কাগজে তোমরা আমার স্টেটমেন্ট ছাপবে ঠিকই, কিন্তু মাথার ওপর নিত্য ঘোষের বিবৃতি বসাবে। এ সবই আমি জানি। এখন নিত্য ঘোষের পালেই হাওয়া। তোমাদের দোষ নেই।

শচী এ নিয়ে কচলাল না। বলল, আপনাদের নতুন দলের কী নাম হবে ভেবেছেন ?

একটা কিছু হবে। অল ইন্ডিয়া বেসিসেই হবে। আমরা ডিসিশন নেওয়ার কে ?

তা অবশ্য ঠিক। কিন্তু আপনি তো পার্টির অল ইন্ডিয়া লিডার। আমরা জানি হাই কমান্ডই আপনাকে হেভেনেস্ট করতে দিলি থেকে এখানে পাঠিয়েছে। আমরা জানি আপনি মালদা মুর্শিদাবাদ বীরভূমের ক্যাডারদের সাপোর্ট পেয়ে গেছেন। ভিতরে ভিতরে দল ভাগা হতে শুরু হয়ে গেছে। দিলি থেকে আপনি নিশ্চয়ই কিছু শুনে এসেছেন।

ধর্মভার মোড়ে অফিস ভাঙা ভিড়ে দাঁড়িয়ে মদন তার সিগারেটের প্যাকেট বের করল এবং শচীকে অফার না করেই নিজের একটা ধরাল। অভ্যাসবশে শচী হাত বাড়িয়েছিল। মাঝপথে হাতটা ফেরত নিয়ে বলল, আপনাদের ক্যাডাররাই কি মেক্সিটি ?

জানি না।

শচী ভিড়ের মধ্যেই কানের কাছে মুখ এনে বলল, একটা কথা বলি দাদা। নিত্য ঘোষ যতই লাফাক, আপনি যদিও থাকবেন সেদিকেই পাল্লা ঝুঁকবে। আমরা আপনার দিকেই তাকিয়ে আছি।

কত কথাই যে জানো তোমরা।

দেখে নেবেন। বলে দিলাম। বলে শচী আবার হাতটা বাড়ায়।

মদন পকেট থেকে সিগারেটের প্যাকেটটা বের করে ওর হাতে দিয়ে দেয়। বলে, কত কায়দাই যে জানো শচী। কিন্তু এবার নিজের পয়সায় সিগারেটটা খেতে শেখো, তাতে খানিকটা স্লেসক রেসপেকট আসবে।

কথাটা গায়ে না মেখে শচী বলে, আপনি যে ফোরফ্রন্টে চলে এসেছেন তা সবাই টের পাচ্ছে। নইলে আপনি আসার পর এই গুণগোলটা হল কেন ? নিত্য ঘোষ যেটা করছে সেটা পাওয়ার পলিটিকস। কিন্তু আলটিমেটলি—

কার্জন পার্কের ট্রাম গুমটি ছাড়িয়ে, রাজ্জবনের গাছপালার ডগার ওপর দিয়ে, রঞ্জি স্টেডিয়ামের পিছনে সূর্য অস্ত যাচ্ছে। এসম্মানেড ইসটে আজও নিত্যকার মতো কারা ধরনা দিয়ে বসে আছে, সামনে পুলিশ ব্যারিকেড। একটা ফেরেক্সাজ কলমওয়ালা চোরাই কলম বেচার ভাবভঙ্গি করে কানের কাছে এসে বলে গেল, চাইনি-ই-জ।

মদন ভুলে গেল যে, সে এম পি বা পলিটিক্সওয়ালা। হঠাৎ বলল, ফুচকা খাবে শচী ? ওই লেনিন স্ট্যাচুর নীচে একটা ফুচকাওয়ালাকে দেখা যাচ্ছে। চলো।

বলতে বলতেই শচীও হাত ধরে হিড়হিড় করে টানতে টানতে রাস্তা পেরিয়ে মদন।

একজন তি আই পি হয়ে কী যে করেন মদনদা। হাত ছাড়িয়ে শচী হাসল, ৮২

আর একটু হলে নীল রঙের আমবাসাডারটার মুখে পড়ে যেতাম দুজনে ।

পলিটিসিয়ান আর রিপোর্টাররা কখনও টাইমলি মরে না হে শাঠী । মরলে দেশটা সোনার দেশ হত । ওহে ফুচকাওলা, শুরু করো, শুরু করো । জলদি ।

দক্ষিণগামী বাসের দোতলায় এক ছোকরা হঠাৎ বলে উঠল, এই যে দাদারা । এত ভাড়াভাড়া সব বাড়ি ফিরে যাচ্ছেন ? শুনেছেন কি, কাল রাতে লাশকাটা ঘরে নিয়ে গেছে তারে ? বধু শুয়ে ছিল পাশে, শিশুটিও ছিল, তবু মর্রিবার হল তার সাধ । অথচ দেখুন কবি গেয়ে গেছেন, মর্রিতে চাহি না আমি সুন্দর ভুবনে । আজ নিছের জীবনের একটা গল্প বলব বলে আপনাদের কাছে এসেছি । গল্প নয়, ঘটনা, বুঝলেন দাদা, বেঁচে থাকার কোনও পথ না পেয়ে আমরা দুই ভাই ব্যবসা করতে গিয়েছিলাম । বাঙালি ব্যবসা করতে জানে না এই বদনাম ঘোচাতে দাদা, শ্যামবাজারের মোড়ে আমি আর আমার দাদা একটা দোকান খর ভাড়া নিতে গেলাম । পেয়েও গেলাম একটা । কিন্তু দাদা, বাড়িওলা পঞ্চাশ হাজার টাকা সেলামি চায় । সেই শুনে আমরা পালিয়ে আসি । কিন্তু বাঁচতে তো হবে । মর্রিতে চাহি না আমি সুন্দর ভুবনে । তাই দাদা বাঁচার শেষ চেষ্টা করতে গিয়ে আমরা দুই ভাই অল্প পুঁজি নিয়ে একটা ব্যবসা শুরু করলাম । এ লড়াই বাঁচার লড়াই, এ লড়াই করতে গিয়ে আমরা তৈরি করেছি একটি ধূপকাঠি । এই বাসে আমাদের প্রায়ই দেখতে পান আপনারা । রেগুলার অনেকেই এই ধূপ ব্যবহার করেছেন । যাঁরা করেছেন তাঁদের কাছে নতুন করে বলার কিছু নেই । যাঁরা জানেন না তাঁরা জেনে রাখুন, একটি সিঁক ছলে পঁয়তাল্লিশ মিনিট, কাঠি শেষ হয়ে যাওয়ার পরও এক ঘট্টা ঘরে তার গন্ধ ছড়িয়ে থাকে । আমার হাতে যে সিঁক ছিলছে সেই একই সিঁক সব প্যাকেটে পাবেন । দোকানে বাজারে কিনতে যান, একটি প্যাকেটের দাম পড়বে পঁয়ত্রিশ পয়সা । কিন্তু বাসে কনশেশন রেটে এক প্যাকেট চার আনা, দু প্যাকেট আট আনা, চার প্যাকেট এক টাকা । এক টাকা । এক টাকা । এক টাকা । ...

মদনের নাকের ডগায় চারটে প্যাকেট ধরে বার কয়েক নাড়ে ছোকরা ; এক টাকা । এক টাকা ।

মদন অলস চোখে চেয়ে বলে, গল্পটা পান্টাও । এ পর্যন্ত দশজনের মুখে শুনেছি একই গল্প ।

ছোকরা প্যাকেটগুলো ঝট করে টেনে নিয়ে পরের সিটের এক যাত্রীর নাকের ডগায় ধরল, এক টাকা । এক টাকা ।

মদনের পাশের লোকটা ঝিক ঝিক করে হেসে বলল, বেশ বলেছেন । এর পর লজেনসওয়াল উঠেও একই গল্প ঝাড়বে । শুধু কি তাই । শুণিয়ত্র নিয়ে

এক বাচ্চা ছোকরা উঠে ধরবে, তোমার সঙ্গে দেখা হবে বাবুর বাগানে । রোজ ওই 'বাবুর বাগানে' কাঁহাডক শোনা যায় বলুন দেখি ! কিছু কলাও যায় না, দেশে বেকার সমস্যা । ভাবি, দুটো করে খাচ্ছে থাক । নেতারা তো আর এদের জন্য কিছু করবে না...

তা ঠিক, তা ঠিক । মদন তাড়াতাড়ি বলল এবং পলিটিক্স এড়াতে দু স্টপেজ আগে নেমে পড়ল । হাজরার কাছাকাছি একটা ওষুধের দোকান থেকে ফোন করল মাধবকে, একটু দেরি হবে রে ।

সে বুঝতেই পারছি ।

তুই একা একা স্বচ চালাজিস নাকি ?

না মাইরি । একটা হেঁচকি তুলে মাধব বলে, ঝিনুক কেটে পড়েছে, জানিস । চিরতরে নাকি ?

বোকা যাচ্ছে না । একেবারে আনথ্রোডিকটেবল মহিলা । সঙ্গে বৈশম্পায়ন ।

বলিস কী ?

দে আর হেড অ্যান্ড ইয়ারস ইন লাভ ।

দুস শালা ! তুই ঝাঙ্কিস ।

একটুখানি । এই মোটে খুললাম ।

কত নম্বর বোতল ?

এক নম্বর মাইরি বিশ্বাস কর ।

তোকে বিশ্বাসের কি ? গিয়ে যদি দেখি সব ফাঁক করেছে তাহলে—

আরে না না । অনেক আছে । চলে আয় ।

অনেক নেই রে মাধব, অনেক নেই । তুই অন্তত হাফ পাইট সাফ করেছিস ।

অতটা হবে না । কী জানিস, ঝিনুকটা তো আজ পালিয়ে গেল, দুঃখে দুঃখে খানিকটা খেয়ে ফেললাম ।

পালিয়ে গেছে আর ইউ শিওর ?

তাছাড়া আর কী হবে ? সঙ্গে বৈশম্পায়ন । দুইয়ে দুইয়ে চার ।

তাহলে দুঃখের কী ? সেলিব্রেট কর ।

তাই করছি আসলে । দুঃখ প্লাস সেলিব্রেশন । তবে বড় একা লাগছে ।

চলে আয় । আর কত দেরি করবি ?

মান করে জামা কাপড় পান্টাই আসছি ।

গড়িয়াহাটে ব্রিজের ওপর দাঁড়িয়ে দুজনে সূর্যাস্ত দেখল ।
 আপনার কোনও ডাকনাম নেই ? ঝিনুক আশ্বে করে জিজ্ঞেস করে ।
 বৈশম্পায়ন ফিসফিস করে বলে, আছে । মশু ।
 আমার এক ভাইয়ের নামও মশু । ভারী মিষ্টি নাম ।
 আপনার ভাল লাগলেই ভাল ।
 কিন্তু আপনি ভারী অদ্ভুত । ওর কোনও বন্ধুই আমাকে আপনি করে বলে
 না । শুধু আপনি বলেন । কেন বলুন তো ।
 বৈশম্পায়ন একটু লাল হয়ে বলে, এমনি ।
 না । আমার ওসব আপনি আঙ্গে ভাল লাগে না । বলুন তুমি । বলুন
 শিগগির ।

তু-তুমি ।

শুধু তুমি বললেই হবে না । পুরো একটা বাক্য বলুন ।

বলব ?

বলতেই তো বলছি ।

ঝিনুক ! তুমি কী সুন্দর ।

বাঃ, বেশ বলেছেন ! ঝিনুক একটা দীর্ঘশ্বাস ফেলে । তারপর আবেগ ডরা
 গলায় বলে, কতকাল আমাকে কেউ সুন্দর কথা বলেনি । আমি যে সুন্দর সে
 কথা মনে করিয়ে দেয়নি ।

মাধব ? মাধবও নয় ?

মাধব ! মাধব আমাকে একটুও ভালবাসে না । বউকে ভালবাসলে কেউ মদ
 খায় বলুন !

যুক্তিটা ঠিক বুঝতে পারে না বৈশম্পায়ন, তবে এ নিয়ে আর কথা বাড়াতেও
 সে আগ্রহ বোধ করে না । তার মুখ গরম, চোখ ছালা করছে, গা ঘামছে ।
 অদ্ভুত এক ভালবাসাই এ সব ঘটছে । সে ঢোঁক গিলে বলল, ঝিনুক,
 আমাদের তো খুব বেশি সময় নেই । একটা কথা বলে নেব ?

ঝিনুক খুব অবাক হয়ে ফিরে তাকায় বৈশম্পায়নের দিকে, সময় নেই ।
 কিসের সময় নেই বলুন তো ।

আমুর সময় যে কেটে যাচ্ছে ঝিনুক । যৌবন যায়, বয়স যায়, লয় যায় ।

আপনি যে কী সুন্দর কথা বলেন ! আমিও ঠিক এসব কথাই ভাবি । আমরা
 বোধহয় খুব বেশিদিন বাঁচব না, না ? আমার তো এমনিতেই মাঝে মাঝে খুব
 মরে যেতে ইচ্ছে করে ।

কেন ঝিনুক ?

কেবল মনে হয়, একদিন খুব বন্যা হয়ে আমরা সবাই ডুবে যাব । কিংবা
 কেউ আকাশ থেকে অ্যাটম বোমা ফেলবে । না হয় তো ওই যে কী একটা

রোগ হচ্ছে বাঁকুড়ায়, এনকেফেলাইটিস না কী যেন, সেই রোগটা কলকাতায় ছড়িয়ে পড়বে আর আমরা সবাই মাথায় রক্ত উঠে মরে যাব। এত ভয় নিয়ে বাঁচা যায়, বলুন তো ! তার ওপর গ্যাস সিলিভার ফেটে যেতে পারে, ভূমিকম্প হতে পারে, শুণ্ডা বদমাশ ডাকাতে এসে ঘরে ঢুকে খুন করে যেতে পারে, বলুন।

দীঘবাস ফেলে বৈশম্পায়ন বলে, তা ঠিক। তবে ওসব কিছু না হলেও এমনিতেই আমরা আশ্তে আশ্তে বয়স্ক বুড়ো হয়ে যাব বিনুক।

আপনার বয়স কত ?

বত্রিশ ডেত্রিশ।

যা গম্ভীর হয়ে থাকেন, আপনাকে আরও বেশি দেখায়।

আমি আর মাধব এক বয়সী।

জানি জানি। আপনাকে আমি মোটেই বুড়ো বলিনি।

কিন্তু বুড়ো তো একদিন হব বিনুক। তুমি হবে, আমি হবে, মাধব হবে।

সময় বয়ে যাচ্ছে, টের পাচ্ছ না ?

আচ্ছা আচ্ছা বুঝেছি, বয়স নিয়ে আর ভয় দেখাতে হবে না।

তুমি কি ভয় পাও বিনুক।

বুড়ো হতে, মরতে কে না ভয় পায় বলুন ! কিন্তু কী একটা কথা বলতে চাইছিলেন যে ! হাবিজাবি কথায় সেটা হারিয়ে যাচ্ছে।

কথাটা হারিয়ে গেলেই হয়তো ভাল ছিল বিনুক। বলব ?

বিনুক মৃদু একটু লজ্জার পরাগে মাথা মুখটি মিটি করে নামায়, তারপর মৃদুস্বরে বলে, বলুন না।

কিন্তু বলবে কী করে বৈশম্পায়ন ? খুব কাছ ঘেঁষে একটা পায়জামা পরা লোক কখন এসে দাঁড়িয়ে হাই তুলতে তুলতে পাছা চুলকোচ্ছে। কিছু লোকের কাণ্ডজ্ঞানের এত অভাব।

বৈশম্পায়ন একটু বিরক্তির গলায় বলে, চলো আর কয়েক পা দূরে গিয়ে দাঁড়াই।

কয়েক পা হেঁটে তারা লোকটার কাছ থেকে নিরাপদ দূরত্বে গিয়ে দাঁড়ায়। কিন্তু এই যে একটা বাধা পড়ল এতেই মুড়টা একদম নষ্ট হয়ে গেল বৈশম্পায়নের। সে অনেকক্ষণ রেলিং-এ ভর রেখে দূরের আকাশের দিকে চেয়ে রইল। অনেকদিন আগে ক্যামেরার ভিউ ফাইন্ডার দিয়ে শেষবারের মতো দেখা, বলাই সিংহী লেনে লাহা বাড়ির দেয়ালের পটভূমিতে স্কুলের ইউনিফর্ম পরা সেই মেয়েটিকে তো আর কখনও পৃথিবীতে দেখা যাবে না। কিছুতেই ফিরবে না বয়স। কিছুতেই উজ্জানে যাবে না তো নদী ! নদী শুধু বয়ে যেতে জানে একমুখে। তার কলধ্বনিতে শুধু মৃত্যুর গান। তার কাঁকা শূন্য উপত্যকায় সান্না আর নিশ্চল হিম পাথরের পড়ে থাকে।

খুব হাওয়া দিচ্ছিল আচ্ছ। বক্তব্যের একটা ট্রেন প্রায় নিঃশব্দে পায়ের তলা দিয়ে চলে গেল।

বৈশম্পায়ন বলল, ঝিনুক ?

উ !

কী ভাবছ ?

কত কী । এইমাত্র ইচ্ছে করছিল ওই ট্রেনটায় উঠে অনেক দূর চলে যাই ।

কিন্তু ট্রেনটা তো বেশি দূর যাবে না । মাত্র বজ্রবজ্র পর্যন্ত ।

বজ্রবজ্র কি সমুদ্রের কাছে ?

না । গঙ্গার কাছে ।

সমুদ্রের কাছে কোনও ট্রেন যায় না ?

যাবে না কেন । অনেক ট্রেন যায় । তুমি কি সমুদ্র দেখোনি ?

বহুবার । শুধু পুরীতেই গেছি পাঁচশার ; ওয়ালটোয়ার, মাদ্রাজ, বোম্বে, ঘরুর
কাছে দীঘা—

তবু যেতে ইচ্ছে করে ?

করে । কে যে আমার নাম ঝিনুক রেখেছিল । আমার কেবলই মনে হয়
সমুদ্রের কাছে আমার অনেক স্বপ্ন ।

তোমাকে ডাকে সমুদ্র, আর আমাকে ডাকে এক নদী ।

তাই নাকি ?

তবে সে এক মৃত্যুর নদী । এক নির্জন উপত্যকা দিয়ে বয়ে যাচ্ছে ।
চারদিকে সাদা পাথর । আর কী যে করণ সেই নদীর গান ।

ঝিনুক ছলছলে চোখ তুলে বলে, সত্যি ?

বৈশম্পায়ন একটু ধমকাল । ঝিনুক যেভাবে চেয়ে আছে তাতে মনে হয়
সে বৈশম্পায়নের নদীটাকে স্পষ্ট দেখতে পাচ্ছে । একজন প্রাপ্তবয়স্ক
পরিণত-বুদ্ধির মহিলার পক্ষে যেটা খুব স্বাভাবিক নয় ।

একটু থেমে বৈশম্পায়ন বলে, দুধারে খুব উঁচু উঁচু পাহাড় । ভীষণ সাদা,
শূন্য এক উপত্যকা, সেইখানে এলোচুল বিছিয়ে নদী সারাদিন গুনগুন করে
গায় । সাদা সাদা ঠাণ্ডা পাথর ছড়িয়ে পড়ে আছে চারদিকে । অদ্ভুত না
ঝিনুক ? শুনলে লোকে আমাকে পাগল ভাবে !

ঝিনুক মাথা নেড়ে বলে, মোটেই না ।

বৈশম্পায়ন একটু হতাশ হয় । এত সহজে আর কেউ নদীটাকে মেনে
নেবে এরকম আশা সে করেনি । সে বলল, তোমার অদ্ভুত লাগছে না ?

না তো । এরকম হতেই পারে ।

বৈশম্পায়ন খুবই অবাক হয়ে বলে, হতে পারে ?

নীলু যখন মারা গেল তখন কিছুদিন আমারও মৃত্যুর হাওয়া লেগেছিল ।
বলে একটু আনমনা হয়ে গেল ঝিনুক । একটু চুপ করে থেকে গলাটা এক পদা
নামিয়ে বলল, জানেন তো, নীলুকে আর আমাকে নিয়ে একটা বিচ্ছিন্ন কথা
রটেছিল !

বৈশম্পায়ন একটু চমকে উঠে বলে, তাই নাকি ?

খুব বিচ্ছিন্ন। যতদূর নোংরা হতে হয়। সেটা রটিয়েছিল আমার এক দূর সম্পর্কের ননদ।

কী রটিয়েছিল ঝিনুক ?

ঝিনুক একটা দীর্ঘশ্বাস ছেড়ে বলে, একজন ছেলের সঙ্গে একজন মেয়েকে ছড়িয়ে যা রটানো যায়। অবশ্য নীলুর সঙ্গে আমার খুব বনত। বিয়ের পর নতুন নতুন স্বস্তরবাড়িতে কাউকেই তেমন ভাল লাগত না। একমাত্র নীলু, কী নরম, কী ভদ্র, কী বুদ্ধি ! বেঁচে থাকলে নীলু সবাইকে ছড়িয়ে যেত। এক এক সময়ে ভো আমার মনে হত, নীলু একদিন দেশের প্রধানমন্ত্রীও হবে।

বৈশম্পায়ন মাথা নাড়ল, নীলু ছিল একসেপশনাল, আমি জানি।

তাহসেই বসুন ! নীলুকে ভাল না বেসে পারা যায় ? কিন্তু ভালবাসা মানেই কি ঋণাপ কিছু ? আমি নীলুর সঙ্গে গঙ্গার ঘাটে গেছি, ছবির একজিভিশন দেখেছি, সারা রাত ক্লাসিকাল গানের আসরে গান শুনেছি, এতে কি দোষ ? অথচ—এতদিন বাদেও অভিমানে একবার চোঁট দুটো ফুলে উঠল ঝিনুকের। একটু সামলে নিয়ে সে বলল, আমার স্বস্তরবাড়ির লোকগুলো ভীষণ অস্বস্ত। আমাকে একদম সহ্য করতে পারত না, আমি সুন্দর বলে। আর নীলুকেও সহ্য করতে পারত না। কেন জানেন ? নীলু ভীষণ ব্রাইট বলে। ওদের ধারণা ছিল নীলু সম্পর্কে সবাই নাকি বাড়িয়ে বলে।

মাধব নীলুকে খুব ভালবাসত। বৈশম্পায়ন বলে।

বাসত কিনা কে বলবে ! আসলে নীলুর যেটুকু সম্পর্ক ছিল বাড়ির সঙ্গে তা আমার জন্যেই। নইলে নীলুর তখন অন্য কোথাও চলে যাওয়ার কথা। ও আমাকে প্রায়ই বলত, পায়ে হেঁটে সারা ভারতবর্ষের গ্রামে গঞ্জে শহরে ঘুরে বেড়াবে। বলত, দেশের প্রবলেমগুলো ধরতে হবে বউদি, অনেক মানুষের মধ্যে নিজেদের মিশিয়ে দিতে হবে, এই বুকের মধ্যে সব মানুষকে আমার টেনে নিতে ইচ্ছে করে।

বৈশম্পায়ন চুপ করে থাকে। প্রসঙ্গটা অস্বস্তিকর।

ঝিনুক রেলিং-এ আর একটু ঝুঁকে বলে, আমার স্বস্তরবাড়ির কাছেই নীলু খুন হল সফ্রাবেলায়। উঃ, সে কী সাঙ্ঘাতিক কাণ্ড। তরতাজা, ছটফটে, ভীষণরকমের অ্যাস্ট্র নীলু মরে গেছে, ভাবা যায়। তিনদিন আমি একদম বোবা হয়ে ছিলাম। কথা বলতে গেলে মুখ দিয়ে কেবল বুবু শব্দ বেরত। তারপর থেকেই একটা নৃত্যর হাওয়া এসে। ঘরে বসে থাকতাম, মনে হত বাইরে হঠাৎ একটা হাওয়া ছেড়েছে। আর সেই হাওয়া কী ঘেন বসতে চাইছে আমাকে। দৌড়ে যেতাম বাইরে। ছাদে বসে আছি, হঠাৎ মনে হল আমার চারদিকে ঘেন বাতাসটা ভারী হয়ে ঘুরছে, কিছু একটা ইঙ্গিত করছে। এক এক সময়ে মাঝরাতে ঘুম ভেঙে যেত, মনে হত, একটা হাওয়া এসে আমার দরজায় জানালায় ধাক্কা দিচ্ছে, ডাকছে, বউদি। বউদি।

এ কি ভৌতিক কিছু ঝিনুক ?

না, না, একদম তা নয় । আসলে আপনার ওই নদীর মতোই এও এক মৃত্যুর হাওয়া । বেঁচে থাকতে আর মানুষকে বাঁচিয়ে রাখতে স্তত ভালবাসত নীলু, অথচ সে-ই তো মরে গেল । তাই বোধহয় ওই হাওয়াটা এসে আমাকে বলতে চাইত, তোমরা কেন বেঁচে আছ ? তোমাদের বেঁচে থাকার কী অধিকার ? যে পৃথিবীতে নীলু থাকতে পারল না, সেই পৃথিবীতে তোমরাই বা থাকবে কেন ? জ্ঞানেন, সেই সময়ে আমার বেশ কয়েকবার সুইসাইড করতে ইচ্ছে হয়েছে ।

বৈশম্পায়ন আন্তে জিজ্ঞেস করল, নীলু সম্পর্কে তুমি কি সবটুকু জানো বিনুক ?

বিনুক স্থির হয়ে সামনের নির্মীয়মান একটি ক্ল্যাটবাড়ির কাঠামোর মধ্যে ঘনীভূত অন্ধকারের দিকে চেয়ে বলল, নীলুর সবটুকু কে-ই বা জানে । তবে ও মরে যাওয়ার পর আমার যখন ওরকম মানসিক অবস্থা, তখন একদিন খুব বিরক্ত হয়ে মাধব বলেছিল, নীলু ওর ভাই নয় ।

বৈশম্পায়ন একটা স্বস্তির শ্বাস ফেলল । বিনুক জানে ।

বিনুক মাথা নুইয়ে বলে, জ্ঞানগাম নীলু ওদের বাড়িতে সেই ছোটবেলায় এসেছিল । চাকরের কাজ করত । বাপের পদবি জানা ছিল না বলে মাধবদের পদবি নেয় । একটু বড় হওয়ার পর যখন দেখা গেল যে, সে অত্যন্ত মেধাবী আর বুদ্ধিমান তখন মাধবদের বাড়ির লোকেরা ওকে বাড়ির ছেলে হিসেবে পরিচয় দিত । পরে সে বাড়ির ছেলেই হয়ে ওঠে । মাধব আজও নীলুকে ভাই বলে মানে । এসব জানি মশু ।

দিদির বাসার সামনে ফুটপাথে গৌরী দাঁড়িয়ে আছে । কাঁধে একটা বোলা ব্যাগ, টিনের স্যুটকেসটা পাশে নামানো ।

মদনকে দেখে দু পা এগিয়ে এসে ম্লান একটু হেসে বলল, দু ঘণ্টার ওপর দাঁড়িয়ে আছি ।

ভিতরে গিয়েই তো বসতে পারতে ।

ভিতরে অনেক লোক । জায়গা নেই । আমি আজই দিল্লি রওনা হচ্ছি ।

গৌরীর আজ দিল্লি যাওয়ার কথা ছিল না । কিন্তু মদন সে কথা জিজ্ঞেস করল না । গৌরী কেন পালাচ্ছে তা সে খানিকটা জানে । শুধু বলল, একা পারবে ?

পারব । গরিবরা সব পারে ।

গিয়ে কোথায় উঠবে ?

আমার এক দুব সম্পর্কের দিদি থাকে কলকাত্তীর কাছে । সেখানে উঠব ।

বাচ্চারা ?

সঙ্গে থাকলে অসুবিধে ।

মা ছাড়া ওদের অসুবিধে হবে না ?

ওরা মাঝে খোড়াই কেন্নার করে ।

তোমার কষ্ট হবে না ?

গৌরী একটু হাসল, মানুষ তো । একটু হবে ! তবে সেটা সহ্য করা যাবে । ওসব সেন্টিমেন্ট নিয়ে আপনি ভাববেন না । আমি এখন পালাতে চাই । পরে সুযোগ-সুবিধে বুকে ছেলে-মেয়েকে নিয়ে যাব ।

চারদিকে আন্ধকাল খুব বউ পালাচ্ছে । খুব দুশ্চিন্তার কথা । মদন ফিচেল হাসি হেসে বলে, আর নবর জন্য মন কেমন করবে না ? নব যদি বাড়ি ফিরে দেখে, তুমি নেই, তাহলে ?

গৌরী কেমন বিবশ হয়ে তাকিয়ে থাকল কিছুক্ষণ । তারপর বলল, কার জন্য এতকাল মন কেমন করেছে তা কি এম পি সাহেব জানেন ?

না । কার জন্য গৌরী ?

দিল্লিতে গিয়ে বলব ।

নবর কাছে আর কখনও ফিরে আসবে না গৌরী ?

নব আমার কে ? ওর কাছে ফিরে আসব কেন ?

নব যদি ভাবে তুমি আমার সঙ্গে পালিয়ে গেছ ?

আমি কার সঙ্গে পালিলাম তাতে ওর বড় ব্যয়েই গেল ।

তা ঠিক । তবে প্রেসিডেন্টের ব্যাপারও তো আছে । বউ পালালে কোন পুরুষ খুশি হয় ?

আমি তো চাকরি করতে যাচ্ছি । পালাচ্ছি কে বলল ?

তুমিই তো এইমাত্র বললে ।

সে আপনার কাছে সত্যি কথাটা বললাম, ওর বাড়ির লোক অন্যরকম জানে ।

মদন একটু গম্ভীর হয়ে বলে, ব্যাপারটা একটু জটিল হয়ে গেল ।

গৌরী উদ্বিগ্ন হয়ে বলে, কিছু জটিল হয়নি মদনদা । এটাই সবচেয়ে ভাল হয়েছে । আপনি চলে আসার পর আমি অনেকক্ষণ ধরে ভাবলাম ।

মদন ফিচিক করে হেসে বলে, বুড়ি তোমাকে খুব ধোঁয়াছিল ।

আপনিই তো দুট্টমি করে লাগিয়ে দিয়ে এলেন । তবে ওসব গুনতে গুনতে আমার অনুভূতি ভোঁতা হয়ে গেছে । আস্তে আস্তে পাখর হয়ে যাচ্ছিলাম । কিন্তু আজ হঠাৎ সব অন্যরকম হয়ে গেল । পাবলি অহল্যাকে জাগাতে রামচন্দ্র এলেন । আজ আপনি যেই গেলেন অমনি ভিতরে সব দৃশ্য বোধ জেগে উঠল । দুঃখ, অপমান, হতাশা, সেই সঙ্গে ভালভাবে বাঁচার ইচ্ছে । অন্ধকারে থেকে থেকে আলোর কথা ভুলে গিয়েছিলাম । আজ হঠাৎ আলো দেখে বুঝতে পারলাম, কী অন্ধকারেই না পড়ে আছি ।

আমি কি তোমার আলো গৌরী ? আবার রামচন্দ্রও ?

গৌরী এই প্রকাশ্য ফুটপাথে, চারদিকে চলন্ত লোকজনের ভিড়েও কেমন বিহ্বল হয়ে গেল। আবেগে ঠোঁট কাঁপল, গলা রুদ্ধ হয়ে গেল। কোনওক্রমে বলল, আলো ! আপনি ছাড়া আমার জীবনে আর কোনও আলো নেই।

এ কথায় খুব হোঃ হোঃ করে হাসতে ইচ্ছে করছিল মদনের। বদলে সে আচমকা গভীর হয়ে গেল। মৃদুস্বরে বলল, তোমার জীবনে আর একটা আলো ছিল গৌরী। আমি জানি।

গৌরীর স্বপ্নাচ্ছন্ন মুখ থেকে স্বপ্নের ক্রীমটুকু কে মুছে নিল। একটা ঢৌক গিলল সে। মাটির দিকে চেয়ে বলল, আপনি কখনও অতীতকে ভোলেন না কেন এম পি সাহেব ?

মদন তেতো একটু হেসে বলে, ভুলতে পারি না গৌরী। আমার যে কেন সব মনে থাকে ! আর তার জন্যই মাঝে মাঝে কষ্ট পাই।

গৌরী যখন মুখ তুলল তখন তার চোখ জ্বলজ্বল করছে। একটু ধরা গলায় বলল, আপনি কি এখনও নীলুকে হিঁসে করেন ? আমার জন্য ?

মদন গভীর গলায় বলে, নীলুকে হিঁসে করব কেন গৌরী ? নীলুর এমন কী ছিল যাকে হিঁসে করা যায় ?

গৌরী মাথা নেড়ে বলল, আমিও তো তাই ভেবে অবাক হচ্ছিলাম। নীলু কোনওদিন আমাকে ফিরেও দেখেনি। নীলুকে কেন আপনি হিঁসে করতেন ?

মদন মাথা নেড়ে বলে, নীলুকে হিঁসে করি না গৌরী, শুধু জীবনের সত্য দিকগুলির দিকে তোমার চোখ ফিরিয়ে দিতে চাই। তোমার জীবনের আলো ছিল নীলু। বিয়ে করার জন্য তাকে তুমি অনেক ছালিয়েছ। বিব খাবে বলে ভয় দেখিয়েছ। নীলুর ওপর শোধ নিতেই কি তুমি নবর সঙ্গে ঝুলেছিলে ? নীলু অন্তত তাই বলত।

ওসব কথা থাক মদনদা। আজ থাক। নীলু তো বেঁচে নেই।

মদন একটু হাসল, আঙুঠে করে বলল, কিংবা হয়তো খুব বেশি বেঁচে আছে।

নীলুর জন্য আমাকে অনেক মূল্য দিতে হয়েছে মদনদা, সে আমার আলো হবে কেন ?

মদন চুপ করে রইল। মুখটা গভীর।

গৌরী হঠাৎ নিচু হয়ে তাকে একটা প্রণাম করে বলল, আমার গাড়ির সময় হয়ে গেছে। আমি আসি।

টিনের সুটকেসটা তুলে নিয়ে গৌরী নিরাশ্রয় অসহায়ের মতো যখন রাস্তাটা পেরিয়ে গেল তখন মদনের ভারী কষ্ট হল গৌরীর জন্য।

এতক্ষণ এম পি ছিল না মদন, দিদির বাসার বাইরের ঘরে পা দিয়েই হল। কণা নামে একজন মহিলা বসে আছেন। স্বামী দুর্ভাগ্যবান। ঘ্যানর ঘ্যানর অনেক কথা শুনে যেতে হল তাকে। আশ্বাস দিল দিল্লি গিয়েই ব্যবস্থা করবে।

সারাক্ষণ ভারী ক্লান্ত লাগছে তার। স্বচের বোতল খুলে বসে আছে মাথব।
গিয়ে একুণি ডুব দিতে হবে। সব ভুলে যেতে হবে, ভাসিয়ে দিতে হবে। সে
অনেকক্ষণ ধরে স্বান করল। তারপর জামা কাপড় পান্টে বেরিয়ে ট্যান্ডি ধরল
একটা।

সহদেব বিশ্বাস তার ওকালতির চেয়ারে চেয়ারে হাঁটু তুলে বসা, মাথায় টাক,
মুখে ক্ষুব্ধতার বিষয়বুদ্ধি। খুব পসারের সময়েই ওকালতি ছেড়ে দিয়েছে।
এখন কালভেদে উপরোধে বা পার্টির সরকারে কেস করে। তার চেয়ারের
দুধারে কেঁদো বাঘের মতো দুই-রুম্মত বসে আছে। তাদের গায়ের টি শার্ট ছিড়ে
শরীরের মাসল ঠিকরে বেরচ্ছে, মুণ্ডরের মতো হাত, খোলা জামা দিয়ে বুকের
ঘন লোম দেখা যাচ্ছে। দুজনকেই চোখ নবর দিকে স্থির। দুজনকেই চেনে
নব। বেলেঘাটার বিখ্যাত মস্তান যমজ দুই ভাই কেহো আর বিশেষ। দিনকাল
পান্টে গেছে, এখন মস্তানরা লিডারদের দেখে, লিডাররা দেখে মস্তানদের।
কিন্তু ফালতু ব্যাপারে নবর মনোযোগ দেওয়ার সময় নেই। তিন জামগায়
ঠোকর খেয়ে সে সহদেব বিশ্বাসের কাছে আসতে পেরেছে।

সহদেব মৃদু স্বরে কথা বলছিল। শোকতাপা মানুষকে সাব্বনা দেওয়ার
মতো গলায়। নব অবশ্য সাব্বনা পাচ্ছে না। সহদেব বলল, এ সময়ে
পলিটিক্যাল শেলটার দেওয়ার অনেক হুকি আছে হে নব। আজই পার্টির
মিটিং-এ বিরাট ব্যাপার হয়ে গেছে। আজ হোক, কাল হোক, দল ডাঙছে।
স্টেট সেক্রেটারি, প্রেসিডেন্ট, আরও অনেক লিডার রেক্সিগনেশন দিয়েছে।
এখন আমরা রিস্ক নিতে চাই না।

রিস্ক কিসের ?

তুমি কনডেম্নড খুনি। শেলটার দিলে হাজার রকমের প্রশ্ন উঠবে।

কিন্তু পুলিশ তাহলে আমাকে পালাতে দিল কেন ?

সহদেব বিচক্ষণ একটু হেসে বলে, কথাটা দুবার বললে, ওটা তোমার ভুল
ধারণা। পুলিশ তোমাকে পালাতে দেয়নি। কোনও কারণে গার্ডরা অন্যমনস্ক
ছিল। তুমি সেই সুযোগটাকেই মনে করছ গটআপ ব্যাপার।

নব কথা না বাড়িয়ে অধৈর্যভাবে কাঁধ ঝাঁকিয়ে বলে, ঠিক আছে। কিন্তু
এখন আমি কী করব ?

গা ঢাকা দিয়ে থাকো যদি পারো।

কত দিন ?

যতদিন না ডাঙচুরটা ঠিকমতো বোকা যাচ্ছে।

নিভাযার কাছে গেলে কিছু হবে ?

নিভাযা খুব ব্যস্ত। আজ রাতেই বোধহয় উনি পার্টির সেক্রেটারি হচ্ছেন।
মিটিং চলাছে। তোমাকে সময় দিতে পারবেন না।

আমার সঙ্গে পার্টির যে লোক দেখা করেছিল জেলখানায় যে বলেছিল—

সহদেব সহজে ধৈর্য হারায় না। এখনও হারাল না, মদু হাসি হেসে বলে, সে কেন দেখা করেছে তা সে-ই জানে। দল থেকে তাকে পাঠানো হয়নি।

নব টেবিলে ভর রেখে ঠাণ্ডা গলায় বলে, আপনি তো জানেন পলিটিক্যাল শেলটার না পেলে পুলিশ আমাদের কুকুরের মতো খুঁজে বের করবেই। এ ব্যাঙ্কারে পলিটিক্যাল পার্টি ছাড়া কেউ আমাদের কোনও প্রোটেকশন দিতে পারবে না। আপনি এও তো জানেন সহদেবনা, আমি মাগনা প্রোটেকশন চাইছি না। কোনও শালা কখনও আমার জন্য মাগনা কিছু করেওনি। প্রোটেকশন দিলে কাজ করে দেব, দরকার হলে লাইফের রিস্ক নিয়েই।

কেলো আর বিশেষ তাকাতাকি করে নেয়। তারপর আবার নবর দিকে স্থির চোখে চেয়ে থাকে।

সহদেব হাতের নব খুঁটে খুঁটে বলে, সবই জানি। কিন্তু শেলটার বা প্রোটেকশন কোনওটাই নেওয়া এখন সহজ নয়। আমাদের সময়টা খারাপ যাচ্ছে।

নব ধৈর্য হারাচ্ছিল। সে বেশিক্ষণ ওহিরে কথা বলতে পারে না। বেশি কথা বলার দমও তার নেই। একটু গরম হয়ে বলে, নীলু হাজরার কেসটায়ে আমাদের ফাঁসানো হয়েছিল, আপনি জানেন? নীলুকে আমি মারিনি।

কেলো আর বিশেষ আর একবার তাকাতাকি করে, চোখের কোণ দিয়ে সেটা লক্ষ করে নব।

সহদেব নির্বিকারভাবে জিজ্ঞেস করে, কে তোমাকে ফাঁসিয়েছিল?

নাম বলে লাভ কী? আপনার তো জানেন।

সহদেব বুঝদারের মতো মাথা নেড়ে বলে, তাতেও আমাদের কিছু করার নেই।

নব একটু হেসে বলে, করার অনেক আছে, কিন্তু আপনারা করবেন না। ঠিক আছে, আমি আমার রাস্তা করে নেব।

বলে নব ওঠে। সহদেব নিজের হাতের দিকে চেয়ে বসে থাকে।

বাইরে দেয়ালে ঠেস দিয়ে পাঙ্কামা পাঙ্কামি পরা জয় তখন থেকে দাঁড়িয়ে আছে। তার মুখে ক্লান্তি, চোখে ভয়। ইচ্ছে করলে সে নবর হাত এড়িয়ে এতক্ষণে পালিয়ে যেতে পারত। কিন্তু সে এও জানে, পালিয়ে কোনও লাভ নেই। নব তাকে খুঁজে বের করবেই।

জয় বলল, কিছু হল?

নব রক্তস্ফারা চোখে চেয়ে বলল, খানকির ছেলেরা কোঁটা কেটে বোষ্টম সাজছে।

তোমার সঙ্গে জেলখানায় যে দেখা করেছিল তাকে তুমি ঠিক চেনো?

আলবৎ। শালা কোথায় যে গায়েব হয়ে গেল!

দুজনে দাঁড়িয়ে কথা বলতে বলতেই পোছন থেকে কেলো বেরিয়ে এসে সোডার বোতল খোলার মতো শিসটানা গলায় ডাকল, নব।

নব ইলেকট্রিক শক খাওয়ার মতো ঘুরে দাঁড়ায় ।

কেলো পাহাড়ের মতো দরজার দাঁড়ানো । কোমরে হাত, এরকম বিশাল চেহারা সচরাচর চোখে পড়ে না । স্থির দৃষ্টিতে চেয়ে বলল, শোন ।

নব সতর্কভাবে কাছে এগিয়ে যায়, কী বলছ ?

কথা আছে । বলে নবর একটা হাত শস্ত করে ধরে ভিতরে নিয়ে যায় ।

ঘরে এখন সহদেব নেই । শুধু কেলো আর বিশে । বিশের হাতে খোলা ছ'ঘরা রিডলবার ।

কেলো ক্রমাল দিয়ে টাকের ঘাম মুছতে মুছতে বলল, একটা কাজ আছে । কিন্তু এর মধ্যে পারটি নেই ।

প্যাঁচ মেরো না । কেস করতে হবে তো ? বল । কিন্তু তার আগে বলো, শেলটার দেবে কিনা ।

কেসটা কর । দেখা যাবে ।

তোমাদের কথায় হবে না । আমাকে কোনও লিডারের সঙ্গে লাইন করে দাও ।

লিডাররা এর মধ্যে নেই ।

সহদেবদা নিজের মুখে বলুক তাহলে ।

সহদেবদা বলবে না । আমরাই বলছি । রাজি থাকলে বল, না হয় তো কেটে পড় ।

নব ক্রমাল চোখে দুই যমজ ডাইকে দেখে নিল । আপাতত তার কিছু করার নেই । তারা উভয়পক্ষই যে দুনিয়ায় ঘুরে বেড়ায় তাতে কেউ কাউকে ফালতু ভয় খেয়ে সময় বা শরীর নষ্ট করে না । কাটে কাটে পড়ে গেলে কে কার লাশ নামাবে তার কোনও ঠিক নেই । তবে নব একটু টাইট জায়গায় আছে বটে । সে বলল, ফালতু বাত ছাড়ো কেলোদা, কেস আমি করে দেব, সে তোমরা জানো । কিন্তু তারপর কী ?

কেলো নির্বিকারভাবে বলে, কেস হয়ে গেলে বাড়ির গিয়ে বসে থাকবি ।

বাড়িতে লালবাজারের খোঁচড়েরা নেই ?

অন্য জায়গায় তোর ঠেক আছে ?

আছে ।

তাহলে সেইখানেই চলে যা । পরশু পারটি অফিসে দুপুরের পর দেখা করিস ।

কিছু মালকরি ছাড়ো কেলোদা ।

কেলো একটু হাসল, তুই মালকড়ি ছাড়া নড়বি না তা জানি । বোস, ব্যাপারটা বুঝে নে । সন্দের ছোঁকরাটা কে ?

ফালতু ।

কেলো একটু গভীর মুখ করে মোটা আঙুল মুখে পুরে দাঁতের ফাঁক থেকে বোধহয় দুপুরের খাওয়া মাংসের আঁশ বের করে আনল । তারপর চোখ ছোট করে বলল, বিশে বলবে । শুনে নে ।

অনেক দুঃখের কথা বলে কণা বিদায় নেওয়ার পর চির মণীশের কাছে এসে বলে, তোমার কি মনে হয়, মদন কিছু করতে পারবে কণার জন্য ?

মণীশ নিবিস্টমনে সিনথেটিক আঠা দিয়ে একটা ভাঙা কাপ জোড়া দেওয়ার চেষ্টা করছিল ভিতরের বারান্দায় । বলল, একটা চরিত্রহীন মানুষকে চরিত্রবান করার সাধ্য তো আর ওর নেই । তবে ভয় দেখাতে পারে বটে । চাকরিরও ক্ষতি করতে পারে হয়তো ।

তাতে কিছু হবে ?

ঠোট উন্টে মণীশ বলে, আমার মনে হয় না । তাছাড়া মদনও যে কিছু করবেই এমন ভাবছ কেন ? হয়তো দিল্লি গিয়ে ভুলে যাবে । তেমন গা করছিল না ।

একটু আনমনা ছিল, আমিও লক্ষ করেছি । ওদের পারটিতে কী সব গোলমাল চলছে না ?

তা চলছে । কাপটা জোড়া দিয়ে দুহাতে জোরসে চেপে ধরল মণীশ, তারপর ওই অবস্থাতেই বলল, শালাবাবু আজ একটু তরল জিনিস চালিয়ে আসবে । মাধবের বাড়িতে নেমস্তন্ন যখন ।

কত মাথার কাজ করতে হয়, কত ঝামেলা ওর । একটু খায় খাক । কখনও মাতলামি করে না তো । চির ভালমানুষী গলায় বলে ।

মণীশ কাপটাকে প্রাণপণে চাপবার চেষ্টা করে । সিনথেটিক আঠার নিয়মে লেখা আছে, অ্যাপলাই ম্যাকসিমাম প্রেশার । দাঁতে দাঁত চেপে সে বলে, আমি এক আধদিন খেয়ে এলে কী করবে ?

এসো না । নতুন অভিজ্ঞতা হোক, আমিও মরার আগে নিজের চোখেই দেখে যাই । বলে চির চোখ পাকিয়ে তাকায় ।

মণীশ মৃদু হেসে বলে, তোমার স্বামী না হয়ে যদি ভাই হতাম চির, অনেক আড্ডাটেজ পাওয়া যেত ।

চাপটা একটু বেশি হয়ে যাওয়াতেই বোধহয়, কাপের ভাঙা টুকরো দুটো পিছলে খুলে গেল । মণীশ বলল, এঃ । আজকাল কিছুই সহজে জোড়া লাগতে চায় না কেন বলো তো ?

ওই ভাঙা কাপ জুড়ে আমার কোন শ্রদ্ধে ভূজি সাজাবে তনি ?

আহা, কত সময় দাড়ি-টাড়ি কামানোর জল নিতেও তো লাগে । থাক না জিনিসটা । এই কাপের এখন চুয়ার টাকা ডজন ।

বলে মণীশ আবার আঠা লাগিয়ে ভাঙা টুকরো দুটো জুড়তে থাকে ।

চির বলে, এ হল পেতনামী । দিন দিন তোমার নজর ভারী হোট হচ্ছে ।

দিন দিন দেশের অবস্থাও খারাপ হচ্ছে যে । তোমার এম পি ভাইও কথাটা স্বীকার করে । বাজারহাট তো কখনও করলে না মিস্টার, তাই টেনও পেলে না ।

চিরু যেন একটু রাগ করেই রান্নাঘরে গিয়ে ঢোকে । স্টোভে ভাত ফুটছে, সেইদিকে চেয়ে থাকে চুপচাপ । ছেলেমেয়েরা শোওয়ার ঘরে গুনগুন করে পড়ছে । শব্দটা শুনতে শুনতে কত কী ভাবতে থাকে ।

কাপটা অধ্যবসায়ের বলে জুড়তে পেরে যায় মশীশ । বেসিনে আঠা লাগানো হাত ধুয়ে লুসিতে মুহুতে মুহুতে খুব সাবধানে রান্নাঘরের ভিতরে উকি দিয়ে মৃদু স্বরে ডাকে, চিরু ।

চিরু ঠাণ্ডা গলায় বলে, বলো ।

একটা কথা বলব ?

শুনতে পাচ্ছি । বললেই হয় ।

তুমি কি রাগ করেছ ?

রাগ করা কি আমার সাথে ?

রাগের ভো সাজগোজ লাগে না মিস্টার ।

তবু বদীদেব রাগ তো মানায় না ।

সেই পুরনো শব্দ । নতুন কিছু ভেবে বার করতে পারো না ?

আমার অত মাথা নেই, জানোই তো ?

মশীশ চুপ করে কিছুক্ষণ দাঁড়িয়ে থাকে । বুঝতে পারে, শুধু ইয়ার্কি করে এই গাড় মেঘ কাটানো যাবে না । চিরুর সঙ্গে তার বোঝাপড়া চমৎকার তবু মাঝে মাঝে চিরুর একককম গভীর অভিমান হয় । খুব সামান্য কারণেই হয় । সহজে ভাঙে না ।

আবার যখন ‘চিরু’ বলে ডাকল মশীশ তখন তার গলার স্বর পাশে গেছে ।

চিরু তবু তাকায় না । গোঁজ হয়ে স্টোভের দিকে চেয়ে থাকে ।

মশীশ অত্যন্ত ঘন হয়ে ওঠা গভীর মৃদু স্বরে বলে, যা তোমাকে কখনও বলতে ইচ্ছে করে না আজ তার কয়েকটা কথা বলব ?

চিরুর মনোভাব বোঝা গেল না । কিন্তু সে ছবাবও দিল না ।

মশীশ মৃদু স্বরেই বলল, এত বয়স পর্বন্ত আমি তোমাদের জন্য কিছুই করতে পারলাম না । না একটা বাড়িঘর, না স্থায়ী নিরাপত্তার কিছু, না কোনও শখ শৌখিনতার জিনিস । আশে পাশে সব বাড়িতেই যা যা আছে, তার কিছুই আমার নেই ।

চিরু এবার বিস্ময়ভরে তাকিয়ে বলে, এসব কথা উঠছে কেন ?

উঠছে তোমার জন্য নয় । আমি আজকাল নিজেই ভেবে দেখি, অনেকটাই থাকার চেষ্টা করে আমি পাঁঠার মতো কাজ করলাম কিনা । আমি আজ মরে গেলে কাল যে তোমাদের দাঁড়ানোর জায়গা থাকবে না ।

চুপ করো ।

মণীশ একটা বড় শ্বাস ফেলে বলে, এ রাগ বা অভিমান থেকে বলছি না চির। যা ফ্যাক্ট তাই বলছি। আমি এখন সত্যিই বুঝতে পারি না, এই সমাজের সঙ্গে পাল্লা টেনে চলাই উচিত ছিল কিনা।

চির নরম হয়েছে। জলটোকিতে বসে মণীশের দিকে তাকিয়ে একটু হাসল। তারপর বলল, তুমি অনেস্ট বলে আমি কখনও কিছু বলেছি ? না চেয়েছি ?

চাওনি। বলোনি। তবু মনে মনে তো মানুষের কত প্রত্যাশা থাকে। তেমন বেশি প্রত্যাশাও নয়। একটু জমি, ছোট বাড়ি, কিছু টাকা, কয়েকটা শৌখিন জিনিস।

চির অনামনস্থ হয়ে মৃদু স্বরে বলল, মাঝে মাঝে এসব নিয়েও ভাবি, কিন্তু তোমার ওপর রাগ করি না তাই বলে। এই যে কথা এসেছিল, আমার বাড়িঘর দেখেটেখে আজ বলল, তোর বর কাসটমসের অফিসার, অথচ তোর ঘরে একটাও করেন জিনিস নেই। ভারী আশ্চর্য। একটা রেডিও না, টেপ রেকর্ডার না, বিদেশি শাড়ি, সেট ঘড়ি কিছু না। অথচ পাবলিক কত করেন জিনিস কিনছে চারদিকে !

শুনে তোমার মন কিরকম হল ?

একটু খারাপ লাগল। কথাটা তো মিথ্যে নয়।

মণীশ মাথা নেড়ে বলে, মিথ্যে নয়। তাই ভাবি, অপদার্থতার আর এক নামই সত্যতা কিনা।

তা কেন হবে ? তবে মদনও মাঝে মাঝে বিরক্ত হয়ে বলে, জামাইবাবুর সত্যতা আর গুচিবাইতে তফাত নেই। সং কেন থাকবে না ? তা বলে ভাঙা কাপ জোড়া লাগানোর মতো গরিবও তুমি নও।

মণীশ হঠাৎ উজ্জ্বল হয়ে হাসল, ও, ওই ব্যাপারটায় তুমি এত রোগে আছ ?

চির হুলাহুলে চোখ করে বলে, তোমাকে ওসব উদ্ভৃতি করতে দেখলে আমার এমন কষ্ট হয়।

আরে দূর ! কাপটা না হয় একুনি ছুড়ে ফেলে দিচ্ছি।

কাপটা তো বড় কথা নয়। মনটাকে ছুড়ে ফেলতে পারবে কি ?

মণীশ মলিন একটু হাসল। বলল, উচু দরের সাহিত্যের ডায়ালগ দিলে মিস্টার।

ইয়াকি কোরো না। আমি তোমাকে জ্বল করার জন্য কথাটা বলিনি। আজ আমার মনটা খারাপ।

বুঝেছি চির। মনটা আমারও ভাল নেই। কেবলই মনে হচ্ছে, সংসার আমার কাছে আরও কিছু চেয়েছিল। মুখ ফুটে চায়নি ঠিকই কিন্তু প্রত্যাশা নিয়ে আমার মুখের দিকে তাকিয়ে আছে। আর সংসার যা চাইছে তা হয়তো আমার নেওয়াও উচিত। কিন্তু একটা ভ্রান্ত উচিত-অনুচিত সং-অসংয়ের বোধ সব গোলমাল করে দেয়। বুঝি এর কোনও দাম নেই...

চিকুর আঁচল-চাপা অবরুদ্ধ কান্নার শব্দে থামে মণীশ । গলার কাছে তারও একটা কান্নার দলা ঠেকে আছে বহুদিন । কিন্তু সে তো পুরুষমানুষ । তাই কাঁদল না । একটু হাসল মাত্র । কিন্তু ঠিক করোটির হাসির মতো লাবণ্যহীন দেখাল তার মুখশ্রী ।

রান্নাঘরে চৌকাঠে দুই হাত রেখে সে ঝুঁকে পড়ল ভিতরে । চাপা গলায় বলল, বাচ্চারা শুনতে পাবে । কেঁদো না । কান্নার মতো কিছু তো হয়নি ।

চিকু কান্না আর আক্রোশে চাপা গলায় ফেটে পড়ল, কথায় কথায় তুমি আজকাল মরার কথা বলো কেন ?

বলি আর কিছু করার নেই বলে চিকু । সং থাকার চেঁচা এমন অভ্যাস হয়ে গেছে যে, পরের পয়সার একটা পান খেতে গেলেও দুবার ভেবে দেখি, এর মধ্যে কোনও উদ্দেশ্য আছে কিনা । অথচ এই নিরন্তর সং থেকে থেকেও আজকাল কেমন সততার মধ্যে কোনও শক্তি পাই না ।

তোমাকে কেউ অসং হতে বলেছে ?

মণীশ মাথা নাড়ে, বলেনি, অন্তত তুমি কোনওদিন বলেনি । সে কথা নয় । আমি বলছিলাম সততা, সচ্চরিত্র এগুলোই তো মানুষের শক্তির উৎস । তবু আজকাল আমি সততা থেকে কোনও জোর পাই না । মাঝে মাঝে মনে হয় ভুল করেছে । সং বলে সারাজীবন মানুষের ঠাট্টা বিদ্রূপ তো কম সহ্য করিনি । আগে গায়ে লাগত না । আজকাল লাগে ।

সং থেকেও কেউ ভাল নেই ?

আছে নিশ্চয়ই । কে খুঁজে দেখেছে বলো ? আমার প্রাণ তাও নয় । আমি আজকাল সততা জিনিসটা কতদূর প্রয়োজন তাই নিয়ে ভাবি ।

ইচ্ছে করলে মদন তোমাকে অনেক কিছু করে দিতে পারে । ওর অনেক ক্ষমতা । তোমাকে সততা বিসর্জন দিতে হবে না ।

জানি চিকু । একজন এম পি যে অনেক কিছু পারে তা না বুঝবার মতো ছেলেমানুষ আমি নই । ভেবে দেখো, আমাদের যখন বিয়ে হয় তখন ও একটুখানি ছেলে । আমাদের বিয়ের পর ওর পৈতে হল । সেই স্বত্তরমশাহিয়ার অনুরোধে পৈতেয় ওকে গায়ত্রীমন্ত্র দিয়েছিলাম আমি । বলতে কী আমিই ওর আচার্য । এখন ও হয়তো গলায় পৈতেই রাখে না, কিন্তু ব্যাপারটা আমি ভুলি কী করে ? সেই মদন এখন এম পি, হাজারজন এসে তার কাছ থেকে কাজ আদায় করে, সবই জানি । কিন্তু উমেদারদের দলে নিজের নামটা লেখাতে ঝুটিতে বাধে ।

চিকুর কান্না থেমেছে । একটা বড় দীর্ঘশ্বাস ছাড়ল সে ।

তারপর বলল, আমি তোমাকে আর কখনও কিছু বলব না । বাইরের ঘরে সোফার নীচে বাসন্তী ঘুমোচ্ছে । ওকে ডেকে দাও তো । একটু পোস্ত বেটে দেবে ।

মণীশ নড়ল না । তেমনি দাঁড়িয়ে থেকে বলল, আজ তোমার অভিমান

ভাঙিয়ে মুখে হাসি ফোটাতে পারলাম না চিরু । বিবাহিত জীবনের এই প্রথম ফেইলিওর । আমাদের চোখের সামনে মদন এক মস্ত প্রলোভনের মতো । কেবলই মনে হয়, হাতের মুঠোয় একজন কমডাবান এম পি, ইচ্ছে করলেই কত কাজ আদায় করে নিতে পারি । মনে হয় না চিরু ?

চিরু জবাব দিল না । হাতায় করে ভাত তুলে টিপে দেখল ।

মণীশ বাইরের ঘরে এসে বাসন্তীকে ঠেসে তুলে দেয় ।

জোড়া-দেওয়া কাপটা এখনও তার হাতে । বাতিটা নিভিয়ে সে চুপ করে বসে থাকে সোফায় । পোষা বেড়ালের গায়ে লোকে যেমন হাত বোলায় তেমনি আদর করে সে কাপটার গায়ে হাত বোলাতে থাকে । একেবারে আস্ত কাপের মতো জোড়া মিলে গেছে । তবু ঠাहर করে আঙুল বোলালে জোড়ের জায়গাটা বোঝা যায় । খুব ঠাहर করলে, নইলে না ।

সাবধানে মণীশ কাপটা সেন্টার টেবিলের ওপর রেখে দেয় ।

অন্ধকারে বসে মণীশ ভাবল, আজ রাতে যদি আমি মরে যাই তাহলে কি সংসার ভেসে যাবে ? আমার বাচ্চারা কোনওদিন দাঁড়াবে না ? পরের দয়ায় বাঁচতে হবে সবাইকে ? যদি তাই হয় তাহলেই বা কী করতে পারে মণীশ ? চিরু বা বাচ্চারা তারই বউবাচ্চা বটে, কিন্তু যতদিন বেঁচে আছে ততদিন । তারপর এই প্রকৃতি, এই দেশ, এই রাষ্ট্রব্যবস্থা ও এই সমাজ থাকবে । কী হবে তা মণীশ জানে না, কী হবে তা স্থির করার মালিক সে তো নয় । তবে সে এটুকু বোঝে পৃথিবীতে কেউই অপরিহার্য নয় । তাকে ছাড়াও চলবে হয়তো, কিন্তু চলবে । কোনও শূন্যস্থান অপূরণ থাকে না ।

মণীশ জানে, মদন হচ্ছে তার হাতের নাগালে এক আশ্চর্য প্রদীপ, যাতে বঝা মারলেই এক বিশাল দেনেওম্বালা দৈত্য এসে হাজির হবে । কোনওদিনই প্রদীপটাকে ঘষবে না মণীশ । কিন্তু সংসার চাইছে, সে প্রদীপটাকে ঘষুক । একটু ঘষুক ।

মণীশ অন্ধকার ঘরে বসে ভাবল, আজ রাতে যদি মরে যাই ?

ভেবে একা একা একটু হাসল মণীশ । সেই করোটির হাসির মতো লাগণ্যহীন এক হাসি । আজ রাতে তার খুব মরে যেতে ইচ্ছে করছে ।

মাধব দরজা খুলতেই মদন প্রথম প্রশ্ন করল, ঝিনুক ফিরেছে ?

মাধব আধো-মাতাল গলায় বলল, আয়, আয় । ঝিনুক ? না, ঝিনুক ফিরবে না । ঝিনুক কেন ফিরবে বল তো ?

মাধব ঘরে ঢুকে দেখে, সেন্টার টেবিলের ওপর একটা বোতল খালি পড়ে আছে, আর একটার সিকিভাগও উড়ে গেছে ।

বোস । খা । বলে মাধব একটা গ্রাসে অনেকখানি হুইস্কি ঢেলে বরফের

বার থেকে চিমটে দিয়ে তুলে বরফ মেশাল। বলল, দেখ, কী সুন্দর করে ঘর সাজিয়েছিল ঝিনুক। কত খুঁজে খুঁজে সব জিনিস কিনেছে, কত যত্নে সাজায়, ধোয় মোছে। কিন্তু তবু ঘর ভেঙে দেওয়া কী সোজা দেখলি? এক মিনিটও লাগে না।

মদন গ্রাসে একটা চুমুক দিয়ে আঃ বলে দীর্ঘশ্বাস ছাড়ল। তারপর একটা সিগারেট ধরিয়ে বলল, ঘর ভাঙা যে কত সোজা সে কি তুই আমাকে শোখাবি রে মাধব? আমার চেয়ে ভাল তা আর কে জানে? আজ আমি পার্টিতে রেজিগনেশন দিয়েছি, জানিস?

দিলি? অ্যাঁ!

দিলাম! কেন দিতে হল জানিস? আমার খুব খিদে পেয়েছিল বলে। বাচ্চা ছেলেরা ঘেরাও করেছিল, বেরোতে পারছিলাম না। ওরা বললে, রেজিগনেশন লেটারে সই করলে বেরোতে দেবে। আমি তাই দিয়ে দিলাম। অথচ এই পার্টির সঙ্গে কতকাল আছি! শূন্য গ্রাসটা নামিয়ে রেখে মদন বলে, দে।

অত তাড়াতাড়ি খাস না। হুইস্কি ইচ্ছা এ ব্রো ড্রিংকে।

সো আর অল ড্রিংকস। কিন্তু অত সব শ্রোটোকল মানায় মেজাজ নেই রে। দে।

আগের বারের বরফের টুকরোগুলো গলবার সময় পায়নি মদনের গ্রাসে। তার ওপরেই আবার হুইস্কি ঢেলে দিল মাধব। মদন উকি মেয়ে দেখল, সেন্টার টেবিলের নীচের থাকে আরও দুটো বোতল বরফের ট্রেতে শোয়ানো। দ্বিতীয় গ্রাসে চুমুক দিয়ে সে বলে, তুই তো বসেছিলি, ছোট করে হবে। কিন্তু এ যে দেখছি, পুরো ঝড়িখানা খুলে বসেছিস।

ছোট করেই কথা ছিল। কিন্তু কথা কি রাখা যায়, বল? কথা কি ছিল, এই বয়সে আমাকে একা ফেলে কিনি চলে যাবে? বল, দুনিয়ায় কোনও কথা থাকে?

মদন হাত বাড়িয়ে বলে, চিঠিটা দে।

মাধব একটু পিছন দিকে হেলে সভয়ে বলে, কিসের চিঠি?

কেন, ঝিনুক কোনও চিঠি লিখে রেখে যায়নি?

না তো? চিঠি লিখবে কেন? অ্যাঁ! চিঠি লেখার কোনও মানে হয়?

চিঠি লিখে রেখে যায়নি তো কী করে বুঝলি যে, ও পালিয়েছে?

বোকা যায়। দেখছিস না, ঘরদোর কেমন খাঁ খাঁ করছে। অবশ্য তুই ঠিক বুঝবি না। ঝিনুর সঙ্গে থাকলে বুঝতিস। আমি তো ঘরে পা দিয়েই—

তোদের বিটাকে ডাক।

ঝি? তাকে কেন?

ডাক না।

ওঃ, স্বালালি। পুনম। এই পুনম।

পুনম দৌড়ে আসে, মামাবাবু, ডাকছ?

মদন জিজ্ঞেস করে, বিনুক কখন বেরিয়েছে ?

চারটে পাঁচটা হবে । তখনও রোদ ছিল ।

কোথায় গেছে বলে যায়নি ?

জী । বোনের বাড়ি । কাছেই ।

সঙ্গে কেউ ছিল ?

ওই এক মামাবাবু এসেছিল—কী যেন শক্ত নামটা—

বৈশম্পায়ন ?

জী । আর একটা নতুন কাজের মেয়েও ছিল ।

কেন ?

বোনের বাড়ি মেয়েটাকে দেওয়ার কথা ।

আচ্ছা, তুমি যাও । বলে মদন মাধবের দিকে চেয়ে বলে, একটি লাখি কষাব তোমাকে শালা ।

মাধব মাথা নাড়ে, তুই বুঝবি না । ঝি, বোনের বাড়ি, সব ঠিক । কিন্তু তবে বাড়িটা এত খাঁ খাঁ করছে কেন ? তুই টের পাচ্ছিস না ?

খাঁ খাঁ নয় । বাড়িটা তোকে বলছে, খা খা আরও হইলি খা ।

দূর ! এ বাড়ির একটা অল্পত বাতাবরণ আছে । যাকে বলে অ্যাটিমোসফিয়ার । আজ সেটা আবসেন্ট । ভীষণরকম ভাবে আবসেন্ট । আমি অনেক চেষ্টা করলাম খুঁজতে । অ্যাটিমোসফিয়ারটা কিছুতেই রেসপন্ড করছে না । ইট ইজ নট হিয়ার ।

মদন গ্লাস নামিয়ে বলল, দে ।

এবারও তার প্রথমবারের বরফ গলার সময় পায়নি । মাধব চোখ বড় বড় করে বলে, এরকম টানতে কোথায় শিখলে গুরু ? আচ্ছা খা । আজ তোরও দুঃখের দিন । আজ থেকে তুইও তো আর এম পি নোস । শুধু মদনা ।

চোখ ছোট করে চেয়ে মদন বলে, আমি মদনা সে কথা ঠিক, কিন্তু আমি আর এম পি নই এ কথা তোকে কে বলল ?

কেন, এই যে বললি রেজিগনেশন দিয়েছিস ?

রেজিগনেশন দিয়েছি পারটি থেকে, কিন্তু তাতে আমার পারলামেন্টের মেমবারশিপ যায় না । আই অ্যাম স্টিল ভেরি মাচ অ্যান এম পি ।

মাধব খুব অবাক হয়ে বলে, ইউ আর স্টিল অ্যান এম পি ? বাঃ বাঃ । হোঃ হোঃ, আফটার ইডন রেজিগনেশন ইউ স্টিল রিমেন এম পি । বাহবা ।

দূর গাড়ল । সংবিধানে আটকায় না ।

মাধব উচ্চ স্বরে বলে, আলবৎ আটকায় । আলবৎ আটকায় । নিশ্চয় আটকায় ।

কোথায় আটকায় ?

মাধব মিইয়ে গিয়ে বলে, কোথাও নিশ্চয়ই আটকায় । কিন্তু এক্ষুনি সেটা আমি ভেবে পাচ্ছি না । আফটার অল আমার বউ পালিয়ে গেছে, এখন আমার

মাথার ঠিক নেই।

কোথাও আটকায় না। আই অ্যাম স্টিল অ্যান এম পি।

মাধব চোখ বুজে মাথা নাড়ে। বলে, তুই এখনও এম পি কী করে? তাহলে এ মান ক্যান বি ভেরি মাচ অ্যালাইভ আফটার হিচ্ ডেথ। অ্যাঁ। এ ডেড ম্যান মে বি কলড অ্যান অ্যালাইভ ম্যান। নাকি লজিকটা হচ্ছে না?

তীক্ষ্ণ কুট চোখে চেয়ে ছিল মদন। বলল, দেয়ার ইজ সাম টুখ ইন ইট। তার মানে?

মরার পরও কেউ কেউ বেঁচে থাকে। দে।

মাধব বোতলটা তুলে দেখে বলে, ফিনিশ? অ্যাঁ। তুই অত ধড়াকড় খাস না। আর একটা খুলছি, এবার সোডা মিশিয়ে খা।

মদন গ্লাসটা এগিয়ে দেয়।

মাধব নতুন বোতল খুলে ছইন্ডি ঢেলে দিয়ে বলে, কী বলছিলি? মড়া না জ্যান্ত, কী যেন।

বলছিলাম কেউ কেউ মরেনও বেঁচে থাকে।

মাধব হঠাৎ সিটিয়ে গিয়ে বলে, যাঃ মাইরি। এমনিতেই আমার ভীষণ ভূতের ভয়। তার ওপর ঝিনি নেই।

মদন এবার সত্যিই খুব আস্তে খায়। ছোট করে একটিমাত্র চুমুক দিয়ে গ্লাসটা নামিয়ে রেখে আর একটা সিগারেট ধরায় সে। তারপর বলে, ভোর এত ভয় কবে থেকে মাধব? আর কিসেরই বা ভয়।

ভূত। মেলা ভূত চারদিকে।

কার ভূত রে মাধব?

মাধব একটা দীর্ঘশ্বাস ফেলে সোফার পিছন দিকে মাথা রেখে পড়ে থাকে। চোখ বোজা, আস্তে আস্তে কখন, কীভাবে তার চোখের কোল ভরে যায় জলে। ঠোট একটু কাঁপে। একটা দীর্ঘশ্বাস অনেকক্ষণ ধরে ছাড়ে সে।

মাধব!

উ।

এটা ভো শোকসভা নয় রে। কিছু বল। নইলে জমছে না।

মাধব বিড়বিড় করে বলে, তোমার সৃষ্টির পথ রেখেছো আকীর্ণ করি মানুষের লাশে...

দূর শালা মাতাল।

মদনা, একটা কথা বলবি? লিডার হতে গিয়ে তোকে মোট কটা খুন করাতে হয়েছে?

এবার সত্যি লাথি খাবি। যা বাথরুমে গিয়ে পেছাপ করে ঘাড়ে মুখে ঠাণ্ডা জল দিয়ে আয়।

মাধব বেকুবের মতো অর্থহীন চোখে চেয়ে থাকে। তারপর বলে, শোওয়ার ঘর থেকে নীলুর ছবিটা আমি সরিয়ে দিয়েছি।

মদন কিছু বলে না । কিন্তু অত্যন্ত তীব্র জ্বর চোখে চেয়ে থাকে ।

মাধব ক্রমালে চোখ মুখে বলে, আফটার অল বাড়ির চাকরের ছবি শোওয়ার ঘরে টাঙিয়ে রাখার কোনও মানেই হয় না ।

মদন গ্রাস ভুলে ছোট চুমুক দেয় । চেয়ে থাকে স্থিরভাবে ।

মাধব বলে, ঠিক করিনি ? বল । আফটার অল হি ওয়াজ এ ডোমেস্টিক সারভেন্ট । বাসন মাজত, ঘর কাটাত, আমাদের পাত কুড়িয়ে খেত, আমাদের পুরনো জামা-কাপড় পরে বড় হয়েছিল । ঠিক করিনি ছবিটা সরিয়ে দিয়ে ? চূপ করে আছিস কেন ?

শুনছি । বলে যা ।

নীলু যত যাই হোক, ছিল আসলে চাকর । এইটুকু—মাধব হাত দিয়ে একটা মাপ দেখিয়ে বলে—এইটুকু থাকতে এসেছিল । শীতকালে কঁকড়ে শুয়ে থাকত পাপোশে । একদম পোবা কুকুরের মতো । এঁটোকাটা খেত । হি ওয়াজ এ সারভেন্ট ! সারভেন্ট ।

চৈচাচ্ছিস কেন ?

চৈচাচ্ছি নাকি ? ও । বলে মাধব চোখ বোজে । আবার চোখের কোল ভরে ওঠে জলে । ঠোট নড়ে । তারপর বলে, চাকরের আশ্পদা । অ্যাঁ, চাকরের এত বড় আশ্পদা ।

গ্রাস নামিয়ে রেখে মদন তেতো মুখে বিরক্তির সঙ্গে সিগারেটের ধোঁয়া হস করে ছাড়ে । কিছু বলে না ।

মাধব চোখ বুজেই বলে, আশ্পদা নয় । তুইই বল ! হি ওয়াজ ক্লাইমবিং আপ দি ট্রি অফ সাকসেস লাইক এ মাংকি । যেটার হাত দেয় সেটাতেই ব্রিলিয়ান্ট । পাড়ার এদো স্কুল থেকে কেমন ফার্স্ট ডিভিশন পেল । মাইরি, ভগবান কেন এত ছমড়া ফুড়ে দিল ওকে বল তো । জয়টি গলায় যখন রবীন্দ্রসঙ্গীত গাইত ঠিক মনে হত হেমন্ত । আর কী সাহস ! কী ইন্টিগ্রিটি ! মদনা, কথা বলছিস না কেন ? আমি কিছু ভুল বলছি ?

মদন গ্রাসে বড় একটা চুমুক দিয়ে বলল, আর একটা কথা এখনও বলিসনি । কী বল তো ।

নীলু ছিল ঝিনুকের প্রেমিক । ভুলে গেছিস ?

হাঃ হাঃ, তাই ভুলি রে পাগল ?

তোর বউ বন্ড অন্যের প্রেমে পড়ে যায় ।

হাঃ হাঃ । যা বলেছিস । ঝিনি ভীষণ প্রেমে পড়তে ভালবাসে । ভীষণ । তবে—হঠাৎ গভীর হয়ে মাধব বলে—ঝিনি কখনও তোর প্রেমে পড়ল না কেন বল তো । ইউ ওয়ার দি মোস্ট এলিজিবল পসিবল লভার । কিন্তু তোর প্রেমে পড়ল না কেন । অ্যাঁ ।

ঝিনুক তো তোর প্রেমেও কখনও পড়েনি ।

হাঃ হাঃ । দি ভোক অফ দি ইয়ার । কিন্তু কথা হল—কী বলছিলাম বল

তো । হ্যাঁ, একটা চাকরের কথা । অজ্ঞাতকুলশীল । নিজের পদবিটা পর্যন্ত ছিল না, আমাদের পদবি ধার নিয়ে তবে ভদ্রসমাজে মুখ দেখাতে পেরেছিল ।

মদন গ্রাসে আর একটা চুমুক দিয়ে বলে, আজ তোকে নীলুতে পেয়েছে কেন বল তো !

মাধব আবার চোখে বোজ্জে । তার অসাধারণ সুন্দর মুখশ্রী বার বার বিকৃত হয়ে যায় এক অভ্যন্তরীণ যন্ত্রণায় । চোখের কোল ভরে ওঠে জলে । বলে, আজ নয় । সেই কবে থেকে নীলু আমাকে কুরে কুরে খাচ্ছে । শোওয়ার ঘরে নীলুর ছবিটা টাঙিয়েছিল ঝিনি । আমি কতবার বলেছি ওটা সরিয়ে দিতে । দেয়নি । মাধব একবার চোখ চেয়ে চারদিক দেখে নেয়, তারপর আবার চোখ বুজে বলে, রাত্রিবেলায়—বুঝলি—রাত্রিবেলায় রোজ নীলু ফটোগ্রাফ থেকে বেরিয়ে আসে । বুঝলি ! দ্যাট সারভেন্ট কামস আউট ২ বাট হি ডাজনট বিহেভ লাইক এ সারভেন্ট ! হাঃ হি বিহেভস লাইক এ—এ...

মদন ধীর ও ধীর এক চুমুকে গ্রাস শেষ করে নিজেই বোতল থেকে ঢেলে নেয় ।

মাধবের বোজ্জা চোখ থেকে অবিরল জল বরছে । মাঝে মাঝে বিকট হেঁচকি ভুলছে সে । ক্লান্ত মাথা সোফার কানায় রেখে দুর্দান্ত একটা শ্বাস ছেড়ে বলল, কিন্তু চাকরটার আশ্পন্দা আমি বহুবার রেজিস্ট করায় চেষ্টা করেছি । আমার দোষ ছিল না । আই ট্রায়েড মাই বেস্ট । ও যখন কলেজ ইউনিয়নের সেক্রেটারি তখন একবার আমি ওকে দিয়ে আমার তিন জোড়া জুতো পালাশ করিয়েছি, আন্ডারওয়্যার কাচিয়েছি, ইভন একদিন দুদিন বাসন পর্যন্ত মেজে দিতে বাধ্য করেছি । আমি ওকে ভুলতে দিতাম না যে, আফটার অল ও চাকর, অজ্ঞাতকুলশীল অ্যান্ড এ ননএনটিটি ।

কিন্তু পারিসনি ।

মাধব মাথা নাড়ল, না । ও তো সব হাসি মুখেই মেনে নিত । কোনও ফলস ড্যানিটি ছিল না । একদিন ও আমাকে বলেছিল, তোমাদের বাড়িতে চাকর খেটে আমার একটা উপকার হয়েছে কি জানো ? আমার অহং বোধটা বাড়তে পারেনি । মানুষের সবচেয়ে বড় শত্রু হল কমপ্লেক্স, চাকর খেটে আমার সেই কমপ্লেক্সগুলো কেটে গেছে ।

মদনের একটুও নেশা হচ্ছে না । একটা তীক্ষ্ণধার অনুভূতি তাকে টান টান সচেতন রাখছে, নেশা ধরতে দিচ্ছে না । তবু হইন্ডির প্রতিক্রিয়া তো আছেই । তার সমস্ত শরীর অসহ্য গরম হয়ে উঠছে । ছালা করছে কান, নাক, চোখ, মুখ । সে উঠে পাখাটা পুরো বাড়িয়ে দিয়ে আসে ।

মাধব তার হাতের সোডা মেশানো হইন্ডির গ্রাসে অনেককণ চুমুক দেয়নি । একটা গভীর শ্বাস ফেলে বলল, অ্যান্ড দাস হি বিকেম ডেনজারাস । এক্সট্রিমলি ডেনজারাস ফর এনিবডিঙ্গ কমফোর্ট । ত্রিলিয়াট বলে নয়, ত্রিলিয়াট তো কত আছে ।

তাহলে কেন ? মদন অনেকক্ষণ বাদে কথা বলল ।

মাধব ডাকায় । চোখ ঘোর লাল । দৃষ্টি অস্থির । বলে, রাতে মাঝে মাঝে ফটোগ্রাফ থেকে বেরিয়ে এসে নীলু সেই কথাটাই বলে । তোমরা আমাকে ভয় পেতে কেন জানো ? আমার কোনও কমপ্লেক্স ছিল না বলে, অহং ছিল না বলে । তোমরা বুঝতে পেরেছিলে, আমি সহজেই মানুষকে জয় করতে পারি । বলে, তোমার বউকেও আমি কত সহজে জয় করে নিয়েছিলাম দেখোনি । অথচ তোমার চেহারা কার্তিক ঠাকুরের মতো, আমার চেয়ে হাজার গুণ সুন্দর তুমি । তবু তোমার বউ কেন নীলুতে মজল ? কেন হৃদমন্দ মেয়েপুরুষ বালবান্ধা সবাই নীলুতে মজত ? অ্যান্ড দাস নীলু ওয়াজ ইন দি ব্রেকিং অফ এ লিডার । নীলু ওয়াজ এ ন্যাচারাল লিডার ।

মদন মৃদু একটু হাসল । তারপর পাঞ্জাবির বোতামগুলো খুলে দিয়ে খোলা বুকে ঝুঁ দিতে লাগল জোরে জোরে ।

দুচোখে অঝোর জলের ধারার ভিতর দিয়ে চেয়ে ছিল মাধব । হাতের গ্লাসটা এতক্ষণে শেষ করে ঠক করে নামিয়ে রাখল সেটোর টেবিলে । তারপর চাপা তীব্র গলায় বলল, অ্যান্ড ফর দ্যাট রিজন নীলু হ্যাড টু ডাই ।

ঘরের থম ধরা বাতাসকে সামান্য শিউরে দিয়ে এই সময়ে কলিং বেল বেজে উঠল, টুং টাং টুং টাং টুং টাং...

খানিকক্ষণ স্থানুর মতো বসে থেকে শব্দটা শোনে মাধব । তারপর অতি কষ্টে ওঠে । দরজা খোলার আগে সেকটি চেনটা আটকে নেয় । স্পাই হোল-এ চোখ রেখে দেখে জয় ।

খুবই বিরক্ত হয় মাধব । দরজাটা ফাঁক করে বলে, কী চাই ?

মাধবদা, আমি জয়প্রথ ।

জানি । কী চাই ?

মদনা আছে ?

আছে । কেন বলো তো ? আমরা একটু বিজি আছি ।

ভীষণ দরকার মাধবদা । কোন্সেন অফ লাইফ অ্যান্ড ডেথ । আমাদের একটু ভিতরে আসতে দিন ।

মাধব লক্ষ করে জয়ের মুখ ছাইয়ের মতো সাদা । চোখে মুখে গভীর উৎকণ্ঠা ।

মাধব চেনটা খুলে দিতেই দরজাটা হাট করে খুলে জয় চৌকাঠে দাঁড়ায় । উদ্ভ্রান্ত, ভয়ানক ।

কী হয়েছে ? মাধব জিজ্ঞেস করে ।

জয় শুধু বিভ্রিড় করে বলে, মাধবদা । মাধবদা ।

পিছন থেকে একটা ধাক্কা খেয়ে জয় ছিটকে আসে ঘরের মধ্যে । দরজার চৌকাঠে নিঃশব্দে একটা লোক এসে দাঁড়ায় ।

মাধব প্রথমটায় হাঁ করে চেয়ে থাকে। তারপর হঠাৎ তার অনিয়ন্ত্রিত স্বরযন্ত্র থেকে দুর্বোধ্য একটা শব্দ বেরোয়, ই—ই—ই—ই—

আমি সমুদ্রের ধারে একটা বাড়ি করব। সারাদিন সমুদ্রের দিকে চেয়ে বসে থাকব। সঙ্গে কাউকে রাখব না। সারাদিন ঢেউ আর ঢেউ, আর ওই আকাশ পর্যন্ত জল। বিশাল, বিপুল। মানুষ এত ছোট, এত অসম্পূর্ণ যে আমার আর কিছুতেই সঙ্গারে থাকতে ইচ্ছে করে না।

তোমার গ্ল্যাটটা কত সুন্দর ঝিনুক। কী নিশ্চিন্ত তোমার জীবন। তবু ভাল লাগে না ?

আপনি কিছু বোঝেন না। আমার জীবনে এক বিন্দু সুখ নেই। আমার ভালবাসার কেউ নেই যে। ঘড়িটা দেখুন তো, আমারটা বোধহয় বন্ধ হয়ে আছে। সোয়া নটা ঝিনুক।

ইস, রাত হয়ে গেছে। এবার চলুন।

তোমাকে আচ্ছ কথটা বলা হল না।

ঝিনুক ব্রিজের ঢাল বেয়ে নামতে নামতে বলে, কথটা বললেই যদি ফুরিয়ে যায় তবে থাক না। আমিও আছি, আপনিও রইলেন।

বৈশম্পায়ন একটা দীর্ঘশ্বাস ফেলল। ব্রিজের ওপর পাশাপাশি এতক্ষণ দাঁড়িয়ে থাকার পরও ঝিনুক যতটা দূরে ছিল ততটাই দূরে রয়ে গেল।

শোনো ঝিনুক। আমার মনে হয়, কোনও পুরুষকেই তুমি কখনও ভালবাসেনি।

ঝিনুক আচমকা এই কথায় একটু থমকে দাঁড়ায়। কিরে তাকিরে একটু হেসে বলে, এতক্ষণ ধরে স্টাডি করে এই বুঝি মনে হল ?

ঠিক বলিনি ?

পুরুষরা যে কেন এত ভালবাসা-ভালবাসা করে মরে। বলে ঝিনুক একটা কপট শ্বাস ছাড়ে। পুরুষ বলতেই তার মনে পড়ে পোড়-বাওয়া শক্তসমর্থ লড়িয়ে একজন মানুষকে। থাকি প্যান্ট আর সাদা শার্ট তার পরনে। গভীর, শান্ত, মুখে অনেক লড়াইয়ের অভিজ্ঞতা গভীর হলকর্ষণের দাগ রেখে গেছে। আচ্ছও তার বাবাকে কোনও পুরুষই ছাড়িয়ে যেতে পারেনি। জীবনে আর একজন দুঃখী ও লড়িয়ে মানুষকে দেখেছিল ঝিনুক। নীলু। তারও মুখে ছিল ওই নির্বিকার লড়াইয়ের ছাপ। সুখ চায়নি, দুঃখেও নারাজ ছিল না, যে কখনও ভালবাসা-ভালবাসা করে মরেনি।

কিন্তু বৈশম্পায়ন তাকে কিছু বলতে চায়। সে কি ভালবাসার কথা ? ঝিনুককে ভালবাসার কথা যে অনেকেই বলেছে। আসলে ভালবাসেনি কেউ। বৈশম্পায়ন কথটা বলে ফেললে আর ওকে ভাল লাগবে না ঝিনুকের। তাই

সে গোলপার্ক ছাড়িয়ে কেয়াতলার দিকে হাঁটতে হাঁটতে বলে, বাড়িতে গিয়ে এখন কী দেখব বলুন তো ! দুই মাতাল ব্যোম হয়ে বসে আছে । মানুষ যে কেন মদ খায় !

বৈশম্পায়ন ছলে যাচ্ছ । জীবনে সময় বেশি নয় । মাঝে মাঝে মৃত্যু নদীর গান এসে লাগে এরিয়েলে । ঝিনুকের ফটোগ্রাফ পুরনো হয়ে এল । সময়ের ঢেউ এসে একদিন ঝিনুকের ওই সৌন্দর্য কেড়ে নিয়ে যাবে । সময় নেই । একদম সময় নেই ।

এইখানে অভিজ্ঞাত কেয়াতলার জনবিরল রাস্তা । অনেক কৃষ্ণচূড়া রাধাচূড়ার ঝুপসি ছায়া । কিছু মনোরম অঙ্ককার । এইখানে একবার দুঃসাহসী হতে ইচ্ছে হল বৈশম্পায়নের । দু পা আগে হাঁটছে ঝিনুক । সেই অসহনীয় সুগন্ধ ছড়িয়ে যাচ্ছে বাতাসে । কেন মাতলা ওই সুগন্ধ মাথো তবে ? কেন সাজো ? কেন 'ভূমি' বলে ডাকতে বললে ? কেন ? ছলন্ত বৈশম্পায়ন ছুরগ্রস্তের মতো আচমকা হাত বাড়াল । পরমুহূর্তে সুগন্ধী, নরম ও অসহনীয় সুন্দর ঝিনুককে টেনে আনল বুকের মধ্যে ।

ঝুপসি ছায়ার নীচে, বহু দূরের অস্পষ্ট ল্যাম্পপোস্টের আলোর ঝিনুকের অবাক দুখানা চোখের দিকে মাত্র একপলক চেয়ে চোখ বন্ধ করে ফেলে সে । তারপরই কাণ্ডজ্ঞানহীন তার চোঁট নেমে যেতে থাকে ঝিনুকের চোঁটের দিকে ।

কিন্তু কোটি কোটি মাইলের সেই দূরত্ব কী করে পেরোবে বৈশম্পায়ন ? ঝিনুক বাধা দেখনি, চোঁচায়নি, শুধু চেয়ে ছিল । কিন্তু সেই অবাক চোখের ভিতর থেকে অকস্মাৎ ক্রুদ্ধ গর্জন করে ওঠে মহাসমুদ্র । বৈশম্পায়ন দেখে, করাল বিশাল আদিগন্ত এক সমুদ্রের পাকানো ঢেউ গড়িয়ে আসছে চরাচর গ্রাস করতে । বিপুল গর্জনে ফিরে যাচ্ছে আবার । ঢেউ উঠে যাচ্ছে আকাশে, নেমে যাচ্ছে পাতালে ।

কোটি কোটি মাইলের দূরত্ব । কোটি কোটি মাইলের দূরত্ব । সে সেই দূরত্ব অতিক্রম করার চেষ্টা আর করে না ।

ফিস ফিস করে বৈশম্পায়ন বলল, ইট উইল নট বি এ ওয়াইজ থিং টু ডু মাইডিয়ার ।

ঝিনুক খুব আন্তে, প্রায় বিনা আঘাসে ছড়িয়ে নিল নিজেকে । বলল, চলুন । খাবার ঠাণ্ডা হচ্ছে ।

আবার দুপা এগিয়ে ঝিনুক । দুপা পিছনে বৈশম্পায়ন । আলোছায়ায় এক অপরাধ নির্জনতা দিয়ে হেঁটে যেতে থাকে । দুজনেই চুপচাপ । বৈশম্পায়ন কোনওদিনই আর সেই ফটো ডোলাব কথা বলতে পারবে না ঝিনুককে । ঝিনুক কোনওদিনই আর পারবে না বৈশম্পায়নকে মনে করিয়ে দিতে ।

ঠিক সময়ে বাথরুম ঢুকে দরজাটা বন্ধ করে দিতে পেরেছিল মদন । এক পাটা কাঠের মজবুত দরজা, পেতলের হড়কো । সহজে ভাঙবে না ।

অসহ্য গরমে ভেপে আছে বাধরুম। অসহ্য গরমে ভেপে ঘেমে গলে
যাচ্ছে মদন। নেশা হয়নি, কিন্তু তা বলে হুইকি তার কাজ করতেও ছাড়ে না
তো।

বেসিনে উপুড় হয়ে গলায় আঙুল দিল মদন। হড় হড় করে টাটকা হুইকির
স্রোত নেমে গেল নল বেয়ে। মদন শাওয়ারের চাবিটা ঘুরিয়ে দিয়ে তলায়
দাঁড়ায়। বুসেটের মতো এক ঝাঁক ঠাণ্ডা জল নেমে আসে। সম্পূর্ণ পোশাক
পরা অবস্থায় মদন দাঁড়িয়ে থাকে চূপচাপ। তীব্র তীব্র জলকণার নির্দয়
আক্রমণ সে সমস্ত শরীর দিয়ে শুবে নিতে থাকে।

দেয়ালে মন্ত একটা চওড়া আয়না মুখোমুখি। সেটার গায়ে অজস্র জলের
ছিটে গিয়ে লেগে আছে। তবু অস্পষ্ট নিজের প্রতিবিম্ব তাতে দেখতে পাচ্ছে
মদন। খুবই অস্বস্তি দেখাচ্ছে তাকে। লোকসভার এক মাননীয় সদস্য
শাওয়ারের তলায় জামা কাপড় পরে দাঁড়িয়ে। কিন্তু তার চেয়েও বড় কথা,
তার মুখটা হাঁ হয়ে আছে। কয়েকবারই চেষ্টা করে দেখল মদন, হাঁ মুখটা
হায়ীভাবে বন্ধ করা যাচ্ছে না। যতবার বন্ধ করে ততবার দুর্বল চোয়ালের ঝিল
আলগা হয়ে মুখ হাঁ হয়ে যায়।

বসবার ঘরে চোয়াল নিয়ে একই সমস্যা দেখা দিয়েছে মাধবেরও। তবে সে
যে হাঁ করে আছে তা সে বুঝতে পারছিল না। তাই সে হাঁ মুখ বন্ধ করার
কোনও চেষ্টাও করেনি।

দরজার পাশে দেয়ালে পিঠ দিয়ে বিশ্বাসঘাতক জয় দাঁড়িয়ে। সন্দেহ নেই,
ওরা বিশ্বাসঘাতকের বংশ। এক ভাই তার বউকে নিয়ে পালিয়ে গেছে, আর
এক ভাই ডেকে এনেছে তার নিয়তিকেকে।

নব পাপোশে তার চম্পলজোড়া মুছে আসেনি। ধুলোটে চম্পলের ছাপ পড়ল
কার্পেটে। নব সোফার হাতলে একটা চম্পলসূঁচ পা তুলে দিয়ে বলল, মাল
খাচ্ছ ?

বলে নব হাত বাড়িয়ে একটা খালি বোতল তুলে নিয়ে ঘুরিয়ে ফিরিয়ে দেখে
বলল, বাঃ ! করেন জিনিস ! বোতল কত করে নেয় বলো তো আজকাল।

মাধব হাতের পিঠ দিয়ে থুঁতনি ঘষতে গিয়ে টের পেল, তার মুখ হাঁ হয়ে
আছে। নবর চোখ থেকে চোখ সরিয়ে সে একটু কমিয়ে বলল, আশি টাকা।

নব অবশ্য মদের দাম জানতে আসেনি। বোতলটা আবার জায়গামতো
রেখে সে বলল, আমাকে দেখে ওরকম চেঁচালে কেন বলো তো মাধবদা ! ভয়
খেয়েছিলে ? আমাকে তোমার ভয় কেন বলো তো ? কোনওদিন তো তোমার
সঙ্গে আমার কোনও খাড়াখাড়ি ছিল না।

তোর সঙ্গে আমার কোনও খাড়াখাড়ি নেই নব।

আত্মপ্রত্যয়ের সঙ্গে নব একটু হাসল, আগে ছিল না মাধবদা। কিন্তু এখন
আছে।

তোর সঙ্গে খাড়াখাড়ি ! অ্যাঁ ! খুব হাসবার চেষ্টা করে মাধব। তোর সঙ্গে
১০৮

কিসের খাড়াখাড়ি রে ? কী যে বলিস ।

মদননা কোথায় বলো তো । লুকিয়েছে ?

মদন, ওঃ, তুই মদনকে খুঁজছিস ? মদন চলে গেছে ক-খ-ন ।

মদনদার পাখা নেই মাধবদা । আর তোমার ম্লানটি থেকে বেরোনোর দুসরা দরজাও নেই ।

তাহলে কোথায় ? বিশ্বাস না হয় খুঁজে দেখ ।

খুঁজতে হবে না । বলে নব সোফা থেকে পা নামায় এবং মাধব সোফার হাতলে ওর চটির ছাপ দেখে চোখ বন্ধ করে ফেলে । বিনুক থাকলে সোফার দাগ দেখে এমন চোঁচাত ।

নব সোফায় বসে বলল, আজ সারাদিন আরাম করে কোথাও বসিনি, জানো ?

বোস, বোস, ভাল করে বোস । একটু হুইকি খাবি ?

নব একটু হাসল, জেলখানায় আমাকে কী খাওয়ানো জানো ?

মাধব ঢোক গিলল ।

নব ক্রুর চোখে চেয়ে বলল, মাজাকি রাখো ।

তোর সঙ্গে মাজাকি কি রে ? তুই আমার ছোট ভাইয়ের বন্ধু ।

কে তোমার ভাইয়ের বন্ধু ?

কেন, তুই । তুই নীলুর বন্ধু না ?

তুমি সিধে কথা বলো লোক নও মাধবদা । নীলু তোমার ভাই ছিল ? না চাকর ?

কী যে বলিস । সেই কবে ছেলেবেলায় ঘরের কাজ করত । কিন্তু আমরা ওকে কখনও চাকরের মতো টুটি করেছি, বল ।

ফালতু বাত ছাড়ো মাধবদা । একটা সিধে কথা বলবে ? আরও তো মেলা লোক ছিল, তবু নীলুর কেসে আমাকে ফাঁসালে কেন ?

আমি কেন ফাঁসাব ? মার্জারের সময় তুই ওর সঙ্গে ছিলি ।

আলবাৎ ছিলাম । তাতে কী ? নীলু আমার দোস্ত ছিল, লিডার ছিল ।

দুঃখের গলায় মাধব বলে, আমার মাঝে মাঝে মনে হয় নীলুকে বোধহয় তুই মারিসনি ।

কথাটা গ্রাহ্য না করে নব ঠাণ্ডা গলায় বলে, আমি আর নীলু তোমাদের বাসার দিকে যাচ্ছিলাম । সন্ধ্যাবেলা । ককুলভলার মোড় পার হওয়ার সময় বোম চার্জ হয় । কী হয়েছিল আমি জানি না, আমি ফেইন্ট হয়ে পড়ে যাই । এক ঘণ্টা আমার জ্ঞান ছিল না ।

এখনও হাঁ করে আছে মাধব । হাডের পিঠে থুতনি ঘষতে গিয়ে টের পেল । সোফায় মুখোমুখি নব । বেঁটে খাটো মজবুত চেহারা, জেলের ভাতেও চেহারা ডেঙে যায়নি । কিন্তু তার চেয়েও বড় কথা, ওর ঠাণ্ডা চোখ । তাকালেই গুড় গুড় করে বুক কাঁপে । মাধব বলল, যা হওয়ার তা হয়ে গেছে

নব, এখন কী করতে চাস তুই ? নীলুর জন্য আমাদের আর কী করার আছে বল ।

যারা টিকিট কেটেছে তাদের নিয়ে আমি মাথা ঘামাই না । টিকিট না কাটলে নীলু ভি লিডার হত । আর শালা কে না জানে, লিডার হলে নীলু আর নীলু থাকত না । যেমন মদনদা নেই । যেমন কেউ নেই । অনেককাল ধরে তোমার শাওয়ারের জল পড়ে যাচ্ছে মাধবদা । বাথরুমে কে বলো তো ?

বাথরুমে জলের ধারার নীচে দাঁড়িয়ে মদনেরও মনে হচ্ছিল, কিছু একটা হারিয়ে গেছে । চিরকালের মতো হারিয়ে গেছে । একটা সময় ছিল যখন সে খালি হাতে যে কোনও বিপজ্জনক পরিস্থিতিতে গিয়ে দাঁড়াতে পারত । তার দিকে চেয়ে কেউ তাকে অমান্য করার সাহস পেত না কখনও ।

আর একবার বমি করল মদন । দুইধির শেষ তলানিটুকুও তুলে দিল পেট থেকে । ঠাণ্ডা জলে এখন একটু শীত শীত করছে তার । তবু সে শাওয়ার বন্ধ করল না । মাথায় ডুগাডুগি বাজিয়ে জল পড়ছে । জ্ঞাপ্ত হচ্ছে বিবেক, আত্মসচেতনতা, প্রলম্ব, বিশ্লেষণ, একটু উন্টোপান্টো হয়ে অবশ্য ।

কিন্তু কী যে হারিয়ে গেছে তা খুব স্পষ্ট বোকা গেল না । তবে হারিয়েছে ঠিকই । নইলে এতকাল সে দরজা খুলে নবর মুখোমুখি দাঁড়াতে পারত ।

বাথরুমের দরজায় ঠক ঠক শব্দ হচ্ছে । কে যেন চাপা গলায় ডাকছে, মদনদা । মদনদা !

মদন শাওয়ার বন্ধ করে দেয়, কে ?

আমি জয় ।

ও । কী চাও ?

একবার বাইরে আসুন ।

মদন মুখটা বিকৃত করে । তারপর বলে, আসছি ।

স্নানের পর অনেকটা পরিষ্কার হয়েছে মাথা । মদন বিশাল তোয়ালেটা টেনে নিয়ে মাথা আর গা মোছে । জামাকাপড় ভেজা, বাথরুমে বিকল্প কিছু পরারও নেই । মদন আবার মুখ বিকৃত করে ।

তোয়ালে দিয়ে আয়নাটা মুছে সে নিজের মুখটা ভাল করে দেখে নেয় । পরিষ্কার বোকা যাচ্ছে, নব পলিটিক্যাল প্রোটেকশন পেয়ে গেছে । না হলে ফেল-পালানো কয়েদি প্রকাশ্য রাস্তায় ঘুরে বেড়াত না, বা এত সহজে নাগাল পেত না মদনের । কারা নবকে প্রোটেকশন দিয়েছে তা আন্দাজ করাও শক্ত নয় । তবে স্বচ্ছ মাথায় মদন বুঝতে পারছে, নবর নিশ্চয়ই আরও কিছু চাওয়ার আছে । চাওয়াই তো মানুষের সবচেয়ে সহজ রক্ত ।

মদন তোয়ালে জড়িয়ে নেয় কোমরে । একটু ফ্যাট হচ্ছে পেটে, এই সকেটের সময়েও লক্ষ করল সে । কমাতে হবে ।

বাথরুমের দরজা খুলে মদন বাইরে পা দেয় । কাজটা হয়তো ঠিক হল

না। কিন্তু উপায়ও তো নেই।

ডাইনিং হলের পদারি ফাঁক দিয়ে দেখা যাচ্ছে, বসবার ঘরে সোফায় বসে বিবর্ণ হাঁফাচ্ছে মাধব। ছাইয়ের মতো সাদা মুখ নিয়ে জয় দেয়ালে ঠেস দিয়ে দাঁড়ানো। সিংগল সোফায় নব। বুকটা একটু কঁপে উঠল মদনের। কিন্তু মুখে তার ছায়া পড়ল না। পার্লামেন্ট অ্যাড্রেস করা গম্ভীর গমগমে গলায় হাঁক দিল, পুনম। কফি।

ডাইনিং হলের দেয়ালের একটা খাঁজে স্ট্রিও সহ রেকর্ড প্রেয়ার। রেকর্ড একটা চাপানোও আছে। মদন শিস দিতে দিতে গিয়ে সেইটে চালু করল। কী গান বাজবে তা জানে না সে। ঘবটানো একটু আওয়াজের পর হঠাৎ দেবব্রতর গলা তাকে জিজ্ঞেস করল, পুরনো সেই দিনের কথা ভুলবি কিরে হয়...। মদন রসিক আছে। দুহাতের কাপটায় লম্বা চুল থেকে জল ঝরাতে ঝরাতে সে এগিয়ে যায়। এগিয়ে যায় সম্ভাব্য মৃত্যুর দিকেই। কিন্তু থমকায় না। অনেকদিন বাদে নবর সঙ্গে এই মুখোমুখি।

আঃ, বলে একটা আরামের আওয়াজ করে সোফায় বসে মদন। একটা সিগারেট ধরিয়ে নেয়। তারপর ধীরে ধীরে নবর দিকে চেয়ে একটু হেসে বলে, ঝর পেয়েছি।

নব কথা বলল না। ফুর কুটিল এক দৃষ্টিতে চেয়ে ছিল। (মোরা ভোরের বেলায় ফুল তুলেছি, দুলেছি দোলায়...)

মদন সিগারেটে একটা টান দিয়ে বলল, পার্টির সব ঝর পেয়েছিস তো ?

কিসের ঝর ? (আর মাঝে হল ছাড়াছড়ি, গেলেম কে কোথায়। আবার যদি দেখা তবে প্রাণের মাঝে আয়...)

নিত্য ঘোষ আলাদা দল করছে এখানে। তাকে প্রোটেকশন দিয়েছে, ডাও জানি।

তুমি আমাকে ফাঁসিয়েছিলে, আর নিত্য ঘোষ আমাকে প্রোটেকশন দিচ্ছে। তোমার আর আমার সম্পর্কটা এখন একটু অন্যরকম মদনদা।

মদন হাত তুলে একটা বিরক্তির ভঙ্গি করে নবকে চুপ করিয়ে দেয়। তারপর স্থির প্রশান্ত দৃষ্টিতে নবর চোখে চোখ রেখে বলে, কাজ করতে চাস ? (আয় আর একটবার আয় রে সখা, প্রাণের মাঝে আয়...)

নব চেয়েই থাকে।

মুদু হেসে মদন বলে, তোর বউকে চাকরি দিয়ে আজই দিলি পাঠিয়ে দিয়েছি। নইলে খামোকা পুলিশ গিয়ে মেয়েটার ওপর হুমকি করত। তুইও যাবি ?

কোথায় ?

দিল্লি ?

রেকর্ড শেষ হয়ে স্ট্রিওতে একটা ঘবটানির শব্দ বাজছে। বেজেই যাচ্ছে। আড়চোখে মদন লক্ষ করল কার কাছে আর্মস আছে বা নেই তা সে

ষষ্ঠ ইন্দ্রিয় দিয়ে টের পায়। নবর কাছে আছে। থাকারই কথা।

দিল্লি শব্দটা মদন আর নবর মাঝখানে লাটুর মতো ঘুরছে।

নবর একটা হাত জামার তলায়। কোথায় তা মদন আন্দাজে ধরে। কিন্তু ভাল করে তাকায় না।

দুজনের মাঝখানে ঘুরতে ঘুরতে 'দিল্লি' শব্দটার দম ফুরিয়ে গেল। কোমর নেতিয়ে সেটা ঢলে পড়ছে। নব শব্দটাকে ক্যাচ করবে কিনা বোঝা যাচ্ছে না।

বিরক্ত মুখে মদন তার গমগমে গলা আর একটু তুলে হাঁক দিল, পুনম। কফি। তারপর যথাসম্ভব স্বাভাবিকভাবে নবর দিকে তাকায় সে। তুই কি বিশ্বাস করিস না আমি কল্লভরু? আমি কামধেনু? সারা ভারতবর্ষে কটা এম পি আছে খুঁজে নেখে আয়। সেই অল্প কয়েকজনের মধ্যে একজন আমি। আমি ঘুরিয়ে দিতে পারি তোব ডাণ্ডের চাকা। মরা মানুষ জ্যান্ড করি রোজ। জ্যান্ড মানুষ মারি। আমি বললে নদী উজ্জানে বয়, রাতের বেলা রোদ ওঠে। ক্যাচ কর নব, দিল্লি শব্দটা ক্যাচ কর। দিল্লিতে কুতুবমিনার আছে, দেখবি চল। দিল্লিতে আছে লালকেল্লা। আছে পারলামেন্ট। আছে ইচ্ছাপুরশ। ক্যাচ কর নব।

ঘুরতে ঘুরতে দিল্লির লাটু যখন মাটি ছুঁই ছুঁই তখন নব হঠাৎ ক্যাচ করল, দিল্লিতে গিয়ে কী হবে? খুব ঠাণ্ডা হিসেবি গলায় সে প্রশ্ন করে।

আর একটা সিগারেট ধরানোর সময় মদন ভাল করে লক্ষ করে, তার হাত কাঁপছে কি না। না, কাঁপছে না, এখনও সব ঠিক আছে। কেউ উঠে গিয়ে সিঁরিওটা বন্ধ করছে না। মদন—তোয়ালে পরা মদনই উঠে গিয়ে রেকর্ডটা পাল্টে দিয়ে এল। ভরাট একটা গলা গাইছে, সেদিন দুজনে দুলেছিঁনু বনে ফুলডোরে বাঁধা ঝুল না...বহোৎ আচ্ছ্য বহোৎ আচ্ছ্য বলে মনে মনে হাসল মদন।

সিগারেটে দীর্ঘ একটা টান দিয়ে চিৎ হয়ে ওপরের দিকে ধোঁয়া ছেড়ে মদন বলে, কী আর হবে। এখানে থাকলেও কিছু হবে না। বলে একটা দীর্ঘশ্বাস ছেড়ে সোজা হয়ে বসে মদন নবর দিকে তাকায়, আমি কখনও সঙ্গে আর্মস নিয়ে চলেছি, দেখেছিস? (এই শৃতিটুকু কতু কপে কপে যেন জাগে মনে ভুলো না...)

জামার তলায় নবর হাত একটু কঠিন হয়। শূর ছায়ার তার চোখের মণি মারবেলের মতো স্থির।

মদন গলাটা বেস-এ নামিয়ে আনে। খুব আন্তর ওপর গলাটা রোল করিয়ে বলে, আমার আর্মস লাগে না। লাগে নাকি রে নব? (সেদিন বাতাসে ছিল তুমি জানো—আমারি মনের প্রলাম জড়ানো। আকাশে আকাশে আছিল জড়ানো তোমারি হাসির তুলনা...)

নব চুপ। কিন্তু এখনও কথাটা তোলা, দুলছে।

আর্মসের চেয়েও বেশি কিছু থাকলে আর্মসের দরকার পড়ে না। নিত্য ঘোষের কন্ডন বডিগার্ড তা জানিস ?

ফালতু বাত ছাড়ো মদনদা। আমি জানতে চাই, নীলুকে কে মেরেছিল, আর কেন তোমরা আমাকে নীলুর কেসে ফাসিয়েছিলে।...(ভুলো না ভুলো না, ভুলো না...)

একটু ফ্যাকাশে মেরে গেল কি মুখটা, নিজের মুখ তো মানুষ এমনতে দেখতে পায় না। মদন তাই চিন্তিত হয়ে পড়ে। (এখন আমার বেলা নাই আর...) গলাটাকে আর একটা পদায় বেঁধে উদাস আনমনা স্বরে বলে, দিল্লি থেকে আমাকে বলে দেওয়া হয়েছিল, এলিমিনেট নিত্য ঘোষ। বলে একটু ফাঁক দিয়ে মদন গলার স্বরটা একদম খানে ফেলে দিয়ে বলে, মি জব ইজ ডান। যে সব ভূতপ্রেত আজ নিত্য ঘোষের হয়ে তাম্ব নৃত্য করছে কাল থেকে তারা গুপ্ত গলায় দাঁত বসাতে শুরু করবে। মি জব ইজ পারফেক্টলি ডান।

জামার তলায় নবর হাত একটু কি ল্পথ ? কিন্তু সেদিকে সরাসরি তাকায় না মদন। পিছন দিকে হেনে আধবোজা স্বপ্নাচ্ছন্ন চোখে চেয়ে সে নিজের সিগারেটটাকে দেখে। স্বপ্নাচ্ছন্ন গলাতেই বলে, তোর প্রোটেকশন নেই। কিন্তু সেটা তুই এখনও জানিস না।

কিন্তু ওসব কথায় কান দেয় না নব। ঠাণ্ডা গলাতে জিজ্ঞেস করে, দোস্তকে কি দোস্ত খুন করে মদনদা ? বলো তুমি। আমি কি আমার দোস্তকে মেরেছি ?

শুনতে হয় না, সব কথা শুনতে হয় না। মদনও এক পরিচ্ছন্ন অনামনস্বতায় কথাটাকে পাশ কাটিয়ে উদাস গলায় বলে, শ্রীমন্তও ঠিক এই ভুলটা করল। ভাবল মদনের দিন শেষ, এবার নিত্য ঘোষ আসছে। তাকেও কেউ কি তাই বুঝিয়েছে নাকি রে নব ?

তুমি আমার কথাটির জবাব দিচ্ছ না মদনদা ?

মদন সিঁটরিওর স্বরের সঙ্গে গলা মিলিয়ে গুন গুন করে গেয়ে ওঠে, বাখিনু যে রাখি পরানে তোমার সে রাখি খুলো না...

পুনম কফির ট্রে নিঃশব্দে রেখে চলে যায়। মদন কফির ওপর ঝুঁকে পড়ে। এ সময়ে ড্রিংকসের মাঝখানে হঠাৎ কফির এই আকস্মিক আগমন ঘটায় কথা নয় ! তবু ঘটিয়েছে মদন। ডাইভারসন, একটু ডাইভারসন দরকার। একটু ফাঁক, একটু শ্বাস ফেলার অবসর, একটু ষটিভি চিন্তার অবকাশ।

কফি ? বলে মদন নবর দিকে শুঁতুলে তাকায়।

কফি শব্দটা আবার লাটুর মতো ঘুরতে থাকে দুজনের মাঝখানে, ক্যাচ করবে কি নব ? (এখন আমার বেলা নাই আর, বহিব একাকী বিরহের ভার...)

জামার তলা থেকে হাতটা বের করে আনে নব। হাতটা ফাঁকা। সেই হাতটাই কফির কাপের দিকে এগিয়ে আসে।

সিঁরিও থেকে ঘণ্টানির শব্দ আসছে আবার। বিকৃত মুখ করে মদন ওঠে। আর একটা রেকর্ড চাপিয়ে দিয়ে আসে। আ-আ-আনন্দধারা বহিছে ভুবনে...

হাসলে নবকে ভালই দেখায়। নব হাসল। স্বরটা নিচু করে বলল, নীলুর কথাটা তুমি তুলতে চাও না, না মদনদা ?

ঠিন করে প্লেটের ওপর চামচ রাখে মদন। আঃ বলে একটা আরামের স্বাস ছাড়ে। গুন গুন করে গায়কের সঙ্গে গায়, চারিদিকে দেখে চাহি হৃদয় প্রসারি, ক্ষুদ্র দুঃখ যত তুচ্ছ এ মানি...গাইতে গাইতে আড় চোখে নবকে এক পলক দেখে নেয়। দিল্লিতে কুতুবমিনার আছে। লালকেল্লা আছে। আছে প্রোটেকশন। কলকাতার পুলিশ নেই সেখানে। বাকেলোক, দেখো দিল্লি, দিল্লি দেখো। ডুগ ডুগ ডুগ ডুগ...

শূন্য কফির কাপটা নিঃশব্দে টেবিলে রেখে উঠে দাঁড়ায় নব, কথা দিচ্ছ মদনদা ?

দিচ্ছি।

তাহলে যাব দিল্লি ?

বিরক্তির ভঙ্গিতে হাত তুলে মদন গায়কের সঙ্গে হুকার দিয়ে ওঠে, আ-আ-আনন্দধারা বহিছে ভুবনে...

নব নিঃশব্দে বেরিয়ে যায়।

ভিতরে গান তখনও চলছে, চারিদিকে দেখে চাহি হৃদয় প্রসারি-ই...

বাইরে কেয়াতলায় ছায়াচ্ছন্ন পথে আর একটা ছায়া হঠাৎ সকল হয়। সে দিল্লির স্বপ্ন দেখছে তখন।

লেকের কাছ বরাবর পিছন থেকে টাকমাথার মস্ত কালো চেহারাটা হঠাৎ খুব কাছে চলে আসে তার। হাতে নাক্সা রিভলভার। লোকটা জানে, নব হারামি বিট্টে করেছে। লোকটার নিশানা খুবই ভাল, তাছাড়া এত কাছ থেকে নিশানা তুল হওয়ারও নয়।

অনেক দূরে যখন গুলির শব্দ হয়, তখন মাধবের বসবার ঘরে গানের শব্দ হঠাৎ চৌদুনে উঠে যায়। আনন্দধারা চারিদিকে গমগম করতে থাকে। সিঁরিওর শব্দটা বাড়িয়ে তোয়ালে দিয়ে মুখের ঘাম মুছতে মুছতে ডাইনিং-এর পর্দার ফাঁক দিয়ে মদনের দিকে একবার তাকায় মাধব। একটু হাসে। ছেলেবেলা থেকেই সে জানে মদনের মধ্যে বাড়তি কিছু জিনিস দেওয়া আছে। সেটা ফাউ। সকলের থাকে না।

ঝিনুক যখন ঘরে ঢুকল তখন মদন মাধবের পায়ছামা পাঞ্জাবি পরে বসা। হাতে সোডা মেশানো পাতলা ছইন্ডি। মাধব একটা ফ্রাই চিবোচ্ছে।

ঝিনি। বলে লাফিয়ে উঠল মাধব।

মদন চাপা গলায় ধমক দিল, মারব শাসার পাছায় লাথ।

মাধব এক গাল হেসে বলল, দেখ মদন, দেখ। অ্যাটমসফিয়ারটা ফিরে

এসেছে । আই অ্যাম ফিলিং ইট নাউ, ইট ইজ হিয়ার ।

ঝিনুক ডু কুঁচকে বলল, আপনাদের ওসব গেলা হয়েছে তো । এবার দয়া করে খেতে বসুন ।

দেয়ালে ঠেস দিয়ে ভেমনি দাঁড়িয়ে ছিল জয় । বৈশম্পায়ন এক পা এগিয়ে গিয়ে বলল, তোরও আসার কথা ছিল নাকি ? সকালে বলিসনি তো ।

জয় সম্মোহিত মুগ্ধ দৃষ্টিতে তাকিয়ে ছিল মদনের দিকে । একটু হেসে বলল, সে অনেক কথা ।

মাধব ফ্রাইয়ের প্লেটটা মদনের দিকে ঠেলে দিয়ে বলে, জয় আজ আমাদের সঙ্গে খেয়ে যাবে । বৈশম্পায়ন, ছোট করে একটা মেরে নে । স্চ ।

বৈশম্পায়ন জানে ঝিনুক কোটি কোটি মাইল দূরে । হয়তো নীহারিকার মতো দূরে । সে বসে একটা ক্লাস্তির শ্বাস ছেড়ে বলে, ছোট নয় । বড় করে একটা দে ।

ঝিনুক কথাটা শুনতে পেল না । কাপড় ছাড়তে শোওয়ার ঘরে ঢুকে সে দেয়ালে নীলুর ছবিটা দেখতে না পেয়ে অবাক । গেল কোথায় ছবিটা ? নীলুর যে বেশি ছবি নেই । মাত্রই দু তিনটে । চারদিকে হাতড়ে সে নীলুর ছবি খুঁজতে থাকে । কোথায় গেল ছবিটা ? ছবি ছাড়া স্মৃতি ছাড়া নীলুর যে আর কিছুই অবশিষ্ট নেই ।

বসবার ঘরে বৈশম্পায়ন গ্রাসে দীর্ঘ চুমুক মেরে বলে, মদনা, কেমন আছিস ?

মদন ? মদনা যে মইরা ড্যাটকাইয়া আছে, পাছায় পড়ছে জ্যোহনা । বলে কিড়িক ফিড়িক হাসে মদন ।

একটু দূরে দাঁড়িয়ে জয় ওদের হাসি-ঠাট্টা শুনতে পাচ্ছে । খুব স্পষ্ট নয় । স্পষ্ট করে কিছু শোনার মতো মানসিক অবস্থাও তার নয় । সে দেখছে একজন লিডারকে । লিডার হতে হয় তো এরকম । কী ঠাণ্ডা । কী সাহস । কী ব্যক্তিত্ব ।

এই লোকটাই একদিন তাকে পালবাজার অবধি সাইকেলে ডবল ক্যারি করেছিল । এই মানুষের সঙ্গেই ছিল তার সেক্সদির গোপন প্রণয় । গর্বে তার বুক ভরে ওঠে ।